

BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE

S T E N O G R A M

SA 15. SJEDNICE GRADSKOG VIJEĆA TUZLA ODRŽANE 28. JANUARA 2026. GODINE U POSLOVNOM OBJEKTU „GRAFIČAR“ SA POČETKOM U 10,00 SATI.

- SJEDNICI PRISUSTVUJE 30 VIJEĆNIKA.

U Tuzli, januar 2026. godine

ANA PEJIĆ – predsjedavajući Gradskog vijeća Tuzla

(Intoniranje himne Bosne i Hercegovine).

Poštovani vijećnici Gradskog vijeća Tuzla, predstavnici gradskih službi, predstavnici medija, gosti, otvaram 15. redovnu sjednicu Gradskog vijeća Tuzla.

Konstatujem da prema evidenciji Stručne službe Gradskog vijeća, sjednici prisustvuje 25 od ukupnog broja vijećnika. Za današnju sjednicu svoj izostanak su najavili sljedeći vijećnici: Dragana Berberović i Anel Ibeljić i predlažem da im opravdamo izostanak. Za današnju sjednicu kašnjenje su najavili sljedeći vijećnici: Zlatan Mehmedović, Samir Mulaosmanović i Mensur Mujezinović.

Pozivam vas da minutnom šutnje odamo počast tragično nastradalom vijećniku u Opštinskom vijeću Kalesija, Alenu Majdančiću, koji je tragično preminuo.

(Minut šutnje).

Neka mu je rahmet i slava.

U skladu sa članom šezdeset...(OMER BERBIĆ – Pauza. Pauza minut). Ispred Kluba Naše stranke? (OMER BERBIĆ – Ispred Kluba Naše stranke...).

Dajem pauzu od deset minuta. Klub Naše stranke je tražio pauzu.

(Pauza).

Nastavljamo sa radom sjednice.

U skladu sa članom 65. Poslovnika Gradskog vijeća Tuzla („Službeni glasnik Grada Tuzle“, broj 5/22 i 14/24), kojim je propisano da „Predsjedavajući obavještava Gradsko vijeće ko je osim vijećnika pozvan da prisustvuje sjednici“, obavještavam vas da je poziv za današnju sjednicu Gradskog vijeća Tuzla upućen gradonačelniku Grada Tuzle i drugim ovlaštenim predlagačima materijala, sekretaru organa državne službe te svim obrađivačima, pomoćnicima gradonačelnika i rukovodiocima stručnih službi, Upravnoj organizaciji Zavod za urbanizam Tuzla, Gradskom pravobranilaštvu Grada Tuzle, Nadzornom odboru JP SKPC „Mejdan“ Tuzla, Komisiji za provođenje javnog oglasa za imenovanje gradskog pravobranioca u Gradskom pravobranilaštvu Tuzla, sa konačnom rang listom najuspješnijih kandidata za imenovanje gradskog pravobranioca u Gradskom pravobranilaštvu Tuzla, kao i medijima.

Obavještavam vijećnike da gradonačelnik zbog ranije preuzetih obaveza nije u mogućnosti prisustvovati današnjoj sjednici Gradskog vijeća.

Evidencija prisutnih na današnjoj sjednici Gradskog vijeća je kod uposlenika Stručne službe Gradskog vijeća.

Podsjećam vijećnike da su, uz materijale za današnju sjednicu, dobili i zapisnik, a svaki klub vijećnika i stenogram sa 13. redovne sjednice Gradskog vijeća Tuzla, održane 27.11.2025. godine i sa 14. redovne sjednice Gradskog vijeća Tuzla, održane 19.12.2025. godine.

Da li ima primjedbi na zapisnik sa 13. redovne sjednice Gradskog vijeća Tuzla, održane 27.11.25-e godine?

Ako nema, stavljam na izjašnjavanje zapisnik sa 13. redovne sjednice Gradskog vijeća Tuzla i molim vas da se izjasnite.

Glasanje je okončano.

Konstatujem da je zapisnik sa 13. redovne sjednice Gradskog vijeća Tuzla, održane 27.11.2025. godine usvojen sa,

26 glasova za, nije bilo protiv i nije bilo suzdržanih.

Da li ima primjedbi na zapisnik sa 14. redovne sjednice Gradskog vijeća Tuzla, održane 19.12.2025. godine?

Ako nema, stavljam na izjašnjavanje zapisnik sa 14. redovne sjednice Gradskog vijeća i molim vas da se izjasnite.

Glasanje je okončano.

Konstatujem da je zapisnik sa 14. redovne sjednice Gradskog vijeća Tuzla usvojen sa, 26 glasova za, nije bilo protiv i nije bilo suzdržanih.

Za današnju 15. redovnu sjednicu Gradskog vijeća Tuzla predlažem dnevni red koji ste dobili u materijalu za sjednicu.

Mirnes Ajanović, vijećnik Bosanske stranke, je u poslovničkom roku dostavio prijedlog da se u dnevni red današnje 15. redovne sjednice Gradskog vijeća Tuzla uvrsti tačka pod nazivom: „Informacija Elektroprivrede Bosne i Hercegovine, Termoelektrane Tuzla i Centralnog grijanja Tuzla, o stanju proizvodnje toplotne energije, sigurnosti snadbijevanja grada Tuzla i dugoročnoj stabilnosti sistema centralnog grijanja“.

Pozivam vijećnika Ajanovića da nam da ukratko uvodno obrazloženje. Izvolite.

MIRNES AJANOVIĆ – vijećnik BOSS – Bosanske stranke

Hvala predsjedavajuća. Pozdrav svima. Minus 15 u ovom mjesecu obavezuje na plan prije kvara. Ako se desi kvar, onda smo stradali. Zavisimo po pitanju centralnog grijanja u najvećem dijelu u Tuzli od Termoelektrane. Česti su kvarovi, mogući su još češći, ali je problem, nemaju uglja. Navodno će to biti nekad riješeno. Da li će bit, da li će bit sad uloženo još masu nekakvih sredstava u blok 5 ili sl. Tuzla mora imati plan alternative. Ne možemo to raditi grijalicama, jer opet smo zavisni od Elektrane. Ako Elektrana stane, nema struje. Da ne bi došlo do katastrofe, smatram da treba ova tačka gdje bi mi obavezali Elektroprivredu, Termoelektranu, Centralno grijanje da nam dostave, ne dugoročne planove dokad Elektrana treba da radi, između ostalog i to, nego i planove šta je alternativa ako nestane ili ne bude u mogućnosti da Elektrana isporučuje toplotnu energiju. U okviru ove tačke dogovorili smo na Kolegiju po prijedlogu Senada Mehmedinovića. Raspraviti ćemo i o ovom zagađenju zraka koje je izrazito u zadnje vrijeme u mjesnim zajednicama, pogotovo uz Termoelektranu, ali to osjećamo i svi u Tuzli. Toliko. Hvala.

ANA PEJIĆ

Zahvaljujem se. Prije nego što otvorim diskusiju vezano za ovo, pozivam pomoćnike gradonačelnika da uđu u salu Vijeća, kako bi mogli pratiti diskusije zbog zaključaka.

Evo otvaram diskusiju.

Da li se neko javlja sada?

Zatvaram diskusiju i stavljam na izjašnjavanje prijedlog vijećnika Mirnesa Ajanovića da se u dnevni red današnje sjednice uvrsti tačka dnevnog reda pod nazivom: „Informacija Elektroprivrede Bosne i Hercegovine, Termoelektrane Tuzla i Centralnog grijanja Tuzla, o stanju proizvodnje toplotne energije, sigurnosti snadbijevanja grada Tuzla i dugoročnoj stabilnosti sistema centralnog grijanja“, te vas molim da se izjasnite.

Glasanje je...(Možet ponovo?). Može. Možete samo Janjo ponovit?

Molim vas da se ponovo izjasnite. Molim samo vijećnika Elvira Fejzića da se izjasni. Mirza Malkočević, takođe.

Glasanje je okončano.

Konstatujem da je predložena Informacija usvojena sa,
21 glas za, nije bilo protiv i 5 suzdržanih,

te će se predložena Informacija razmatrat kao tačka 21. dnevnog reda, a ostale tačke će se redosljedom pomjerit.

S obzirom da nije bilo drugih prijedloga za izmjene i dopune predloženog dnevnog reda, stavljam na izjašnjavanje dnevni red u cjelini, te vas molim da se izjasnite.

Glasanje je okončano.

Konstatujem da je dnevni red 15. redovne sjednice Gradskog vijeća Tuzla usvojen sa,
21 glasom za, nije bilo protiv i 5 suzdržanih.

USVOJENI DNEVNI RED 5. REDOVNE SJEDNICE GRADSKOG VIJEĆA TUZLA, ODRŽANE 28.1.2026. GODINE (broj 01/04-A-178-2026)

- Usvajanje Zapisnika sa trinaeste redovne sjednice Gradskog vijeća Tuzla, održane 27.11.2025. i Zapisnika sa četrnaeste redovne sjednice Gradskog vijeća Tuzla, održane 19.12.2025. godine

1. Vijećnička pitanja i inicijative

2. Razmatranje i usvajanje:

a) Odluke o raspisivanju javnog oglasa, postupku i utvrđivanju uslova i kriterija za imenovanje sekretara Gradskog vijeća Tuzla, (sa tekstom javnog oglasa)

b) Rješenja o imenovanju Komisije za provođenje javnog oglasa za imenovanje sekretara Gradskog vijeća Tuzla

3. Razmatranje i usvajanje:

a) Rješenja o razrješenju člana Gradske izborne komisije Tuzla

b) Odluke o raspisivanju javnog oglasa za imenovanje člana Gradske izborne komisije Tuzla (sa tekstom javnog oglasa)

c) Rješenja o imenovanju Konkursne komisije za provođenje postupka imenovanja člana Gradske izborne komisije Tuzla

4. a) Razmatranje Informacije o radu Komisije za provođenje javnog oglasa za imenovanje gradskog pravobranioca u Gradskom pravobranilaštvu Tuzla sa konačnom rang listom najuspješnijih kandidata za imenovanje gradskog pravobranioca u Gradskom pravobranilaštvu Tuzla

b) Donošenje Rješenja o konačnom imenovanju gradskog pravobranioca u Gradskom pravobranilaštvu Tuzla

5. Razmatranje i usvajanje Odluke o bratimljenju Grada Tuzle i Opštine Velenje iz Republike Slovenije

6. Razmatranje i usvajanje nacрта:

a) Regulacionog plana sjeverne strane ulice Kazan mahala u Tuzli

b) Odluke o provođenju Regulacionog plana sjeverne strane ulice Kazan mahala u Tuzli

7. Razmatranje i usvajanje Odluke o pristupanju izradi Zoning plana poslovne zone "Kreka sjever"

8. Razmatranje i usvajanje Odluke o pristupanju izradi Urbanističkog projekta sjevernog dijela prostorne cjeline „Stari Grad“

9. Razmatranje i usvajanje Odluke o davanju prethodne saglasnosti Nadzornom odboru JP SKPC „Mejdan“ d.o.o Tuzla za imenovanja direktora društva

10. Razmatranje i usvajanje Odluke o izmjeni i dopuni Odluke o kriterijima i postupku za ostvarivanje prava na obavezno zdravstveno osiguranje osoba u stanju socijalne potrebe koje nisu osigurane po drugom osnovu

11. Razmatranje i usvajanje Odluke o kriterijima i načinu raspodjele finansijskih sredstava iz Budžeta Grada Tuzle sa pozicije „Transferi za rad sportskih društava i klubova”

12. Razmatranje i usvajanje Odluke o produženju važenja Strategije razvoja Grada Tuzle (2012-2026) do 31. 12. 2027. godine

13. Razmatranje i usvajanje Odluke o privremenom smanjenju visine administrativnih taksi za registraciju samostalnih djelatnosti na području grada Tuzle za 2026. godinu

14. Razmatranje i usvajanje Pravilnika o izmjenama Pravilnika o kriterijima i postupku za odobravanje jednokratne pomoći pripadnicima branilačke populacije sa područja grada Tuzla

15. Razmatranje i usvajanje Pravilnika o kriterijima i postupku za ostvarivanje prava na socijalne jednokratne novčane pomoći iz Budžeta Grada Tuzle

16. Razmatranje i usvajanje dopune Metodologije za izradu izvještaja o poslovanju javnih preduzeća i javnih ustanova čiji je osnivač ili suosnivač Grad Tuzla

17. Razmatranje i usvajanje imovinsko-pravnih akata:

a) Odluka o izboru najpovoljnijeg ponuđača i davanju saglasnosti na zaključenje ugovora o osnivanju prava građenja na nekretninama u vlasništvu Grada Tuzla (broj: 01/07-27-4225/25)

b) Odluka o utvrđivanju javnog interesa projekta za izgradnju dionice pješačke staze na regionalnoj cesti R470 Tuzla-Dubrave od st.km. 0+860 do st.km.2+580 na području grada Tuzla (broj: 01/07-27-24765/25)

c) Odluka o prodaji nekretnine u suvlasništvu Grada Tuzle neposrednom pogodbom i davanju saglasnosti na zaključenje ugovora o prodaji

d) Razmatranje zahtjeva Ministarstva prostornog uređenja i zaštite okolice Tuzlanskog kantona za davanje mišljenja u postupku donošenja Odluke o utvrđivanju javnog interesa za rekonstrukciju dijela regionalne ceste R-455b Morančani (spoj sa M-18) – Suha (spoj sa R-455a), na području gradova Tuzla i Živinice

18. Razmatranje prijedloga za upućivanje Inicijative za dopunu Pravilnika o uslovima, načinu i postupku socijalne zaštite („Službene novine Tuzlanskog kantona“, broj 10/24)

19. Razmatranje mogućnosti angažiranja privatnih firmi u svrhu čišćenja puteva i ulica od snijega

20. Upućivanje Inicijative Službi civilne zaštite i Štabu civilne zaštite za pravovremeno reagovanje na mogućnost izlivanja rijeka, bujičnih tokova i pokretanje klizišta a kao rezultat količine najvaljenih sniježnih padavina

21. Informacija Elektroprivrede Bosne i Hercegovine, Termoelektrane Tuzla i Centralnog grijanja dd Tuzla o stanju proizvodnje toplotne energije, sigurnosti snabdijevanja grada Tuzle i dugoročnoj stabilnosti sistema centralnog grijanja

22. Razmatranje izvještaja Komisije za izbor i imenovanja

23. Tekuća pitanja.

Prelazimo na realizaciju dnevnog reda današnje 15. redovne sjednice Gradskog vijeća Tuzla.

Tačka jedan:

VIJEĆNIČKA PITANJA I INICIJATIVE

Podsjećam vijećnike da je članom 163. Poslovnika Gradskog vijeća Tuzla – drugi prečišćeni tekst („Službeni glasnik Grada Tuzla 5/22 i 14/24) propisano da se vijećnička pitanja postavljaju pismeno, a čitaju se u pravilu na početku sjednice.

Podsjećam vijećnike da jedan vijećnik na jednoj sjednici može postaviti najviše 3 vijećnička pitanja i podnijeti najviše 3 vijećničke inicijative.

Ići ćemo prvo sa:

VIJEĆNIČKIM PITANJIMA

Vijećničko pitanje. Vijećnica Svjetlana Kakeš. Izvolite.

SVJETLANA KAKEŠ – vijećnik SDP – Socijaldemokratske partije Bosne i Hercegovine

Izvinjavam se. Pozdravljam sve prisutne i želim nam danas uspješan rad.

Ja sam pripremila dva vijećnička pitanja, odnosno jedno pitanje za različite institucije. Izvinjavam se. Podsjećam za one koji znaju, oni koji ne znaju evo da informišem da je Grad Tuzla prije možda četiri, pet godina uradio jedan veliki projekat u saradnji sa Federalnom upravom za imovinsko-pravne i geodetske poslove, kad je izrađen adresni registar, to je zapravo softver u koji su detaljno unesene svi podaci o ulicama, trgovima, kućnim brojevima i svim objektima na području grada Tuzle. Taj registar je sufinansiran od strane i Vlade Kantona i Federalne vlade i Grada Tuzle. Nakon toga je Grad Tuzla finansirao nabavku svih tabli da se to sve u skladu sa tim registrom ovaj izmijeni.

Registar je zapravo jedna vrsta softvera gdje nadležna služba, naša Služba za geodetske i imovinsko-pravne poslove, redovno ažurira te podatke. Ponudila je taj registar na korištenje i na upotrebu besplatno Kantonalnom ministarstvu unutrašnjih poslova i svim javnim preduzećima i ustanovama. I pored postojanja tog registra, ja imam podatak da je MUP preuzeo taj registar, potpisao sporazum o korištenju, a nemam podatke za javna preduzeća i ustanove.

I pored toga što imamo evo taj softver u koji su uložena i sredstva i trud stručnjaka, eksperata koji su na njemu radili, mi imamo situaciju da građani često, da se ne slažu adrese u pojedinim dokumentima ili na pojedinim izvodima, računima i ostalo i onda se od građana traži da idu u službu da traže ovaj potvrdu da je to ta ista adresa na kojoj oni žive već duže vrijeme. Znači, nepotrebno izlažemo trošku i vremena i resursa i građane i predstavnike u tim službama, odnosno u tim preduzećima.

Moje pitanje jedno ide prema Agenciji za identifikacione dokumente, evidenciju i razmjenu podataka IDDEA-i, Ministarstvu unutrašnjih poslova, da li postoje zakonske i druge mogućnosti da prilikom prijavljivanja, odjavljivanja prebivališta, izdavanja i zamjeni identifikacionih dokumenata i drugih postupaka, gdje se utvrđuje tačna adresa koriste podatke iz adresnog registra, čime bi provođenje navedenih postupaka imalo znatno olakšano...olakšanije i efikasnije postupke i za građane i za nadležne službe?

I drugo pitanje ide našim javnim komunalnim preduzećima, Centralnom grijanju, Komunalcu, Vodovodu, Saobraćaju i komunikacijama, zatim BH Telekomu i Elektroprivodi BiH, takođe i Domu uzdravlja, jer ovaj softver može biti veoma koristan za recimo službe poput Službe hitne medicinske pomoći, Vatrogascima i ostalo. Da li u svom radu u

komunikaciji sa korisnicima usluga koriste ove podatke iz adresnog registra koje je Grad još 2021. stavio na raspolaganje svim javnim institucijama, preduzećima i ustanovama? Hvala.

ANA PEJIĆ

Zahvaljujem se. Sljedeće vijećničko pitanje. Vijećnik Denis Bećirović. Izvolite.

DENIS BEĆIROVIĆ – vijećnik Demokratske fronte – DF

Hvala predsjedavajuća. Evo, koristim priliku da pozdravim vas, dopredsjedavajućeg, sekretara, kolegice, kolege vijećnike, stručne službe, sve prisutne, goste i ovako. Prvenstveno bi se nadovezao na pitanje koje je postavila kolegica Svjetlana Kakeš. Na 14. redovnoj sjednici kolega Ervin Alibegović i ja smo uputili slično pitanje prema odgovarajućim gradskim službama. Dakle, radi se o inicijativi za uspostavu jedinstvenog sistema numeracije evidencija ulica na području grada Tuzle. Nekako mi ovo liči, poštujući iskustvo kolegice Kakeš kao podrška toj inicijativi, evo koristim priliku da joj se zahvalim i nadam se da će na narednom pozivu dakle za sufinansiranje projekata energetske efikasnosti, naše službe manje ljudi odbijati po navedenom problemu koji je kolegica obrazložila.

Pa ću preć na pitanje, dakle prvo vijećničko pitanje. Nije pitanje, više je jedna opaska našem Pravobranilaštvu. Iskoristio sam priliku da pohvalim njihov rad po pitanju vandalizma na Slanoj banji i u gradu Tuzla koje su izvršili lica prethodne godine i drago mi je evo da zajedno sa tužilaštvom rade na tom postupku naplate štete i evo moje pitanje se odnosi dakle na naplatu štete i da po istom postupku obavijeste Gradsko vijeće nakon naplate štete.

Drugo vijećničko pitanje ide Službi za opću upravu. Dakle, prošle godine sam postavio dva pitanja vezana za KGH sistemu, odnosno sistemu ventilacije. Dobio sam odgovore da se rade neke javne nabavke, koliko znam iste moraju biti sprovedene do kraja kalendarske godine.

I drugo pitanje istoj Službi se odnosilo na klima uređaje dakle koji su bili smješteni direktno iznad glava pojedinih zaposlenika. Dakle, da li je se to riješilo? To je drugo pitanje.

I treće pitanje je upućeno Centralnom grijanju. Dakle, kada Centralno grijanje d.d. Tuzla planira započeti izgradnju vrelovodne mreže u naseljima Plane i Šići, s obzirom na višegodišnje najave proširenja sistema daljinskog grijanja na ova naselja? Dakle, jedno pitanje koje je značajno za život ljudi koji su evo dali doprinos za energetske stabilan sistem u Bosni i Hercegovini, dakle, za grijanje 26.000 naših sugrađana u gradu Tuzla, odnosno, 26.000 domaćinstava, pardon, koji danas nemaju još uvijek razvijeno sistem centralnog grijanja, dakle, i s tim bi završio pitanje. Hvala.

ANA PEJIĆ

Zahvaljujem se. Sljedeće vijećničko pitanje. Vijećnik Emir Šahović. Izvolite. (EMIR ŠAHOVIĆ – Prilažem). U redu. Vijećničko pitanje. Vijećnik Muhamed Čikarić. Izvolite.

MUHAMED ČIKARIĆ – vijećnik SDA – Stranke demokratske akcije

Pozdrav za sve. Ja imam vijećničko pitanje, ujedno i zahtjev nadležnoj gradskoj službi.

Da li Gradska uprava redovno ažurira podatke o nepokretnoj imovini i ako postoji evidencija, molim vas da za dostavu istih?

Na osnovu odredbi Poslovnika o radu Gradskog vijeća ovim putem podnosim zahtjev za dostavu detaljnog pregleda stvarnog stanja nepokretne imovine u vlasništvu i pod upravom Grada. U cilju osiguranja transparentnosti i efikasnog upravljanja gradskim resursima zahtijevam da mi se traženi podaci dostave u tabelarnom obliku Excel format sa sljedećim

obaveznim kolonama: identifikacija, karakteristika, površina, status korištenja, korisnik, pravni osnov i finansijski parametri. Posebno, molim da mi se dostave podaci za sve stambene jedinice, tj. stanove u vlasništvu Grada koji moraju sadržavati sljedeće elemente: kategorizaciju, podatke o korisniku, status eventualnog dugovanja, zapisnik o stanju i pravni postupci ako se eventualno vode. Toliko.

ANA PEJIĆ

Zahvaljujem se. Sljedeće vijećničko pitanje. Vijećničko pitanje. Zlatan Mehmedović, Nataša i ja, upućeno prema Službi za komunalne poslove i Javnom komunalnom preduzeću Komunalac Tuzla koje se odnose da li Javno komunalno preduzeće Komunalac d.o.o. Tuzla i nadležna služba imaju usvojen plan zimskog održavanja čišćenja grada od snijega za tekuću sezonu, kao i na osnovu kojih kriterija se izrađuje plan čišćenja prioriteta, kategorizacije ulica, frekvencija saobraćaja i naseljenost, koje su ulice po mjesnim zajednicama do sada bile tretirane tokom aktuelnih snježnih padavina i u kojem vremenskom periodu i zbog čega su određene ulice koje su ranijih godina bile obuhvaćene redovnim zimskim održavanjem, ove sezone nisu bile čišćene?

Sljedeća vijećnička pitanja. Vijećnik Mirnes Ajanović, izvolite.

MIRNES AJANOVIĆ

Hvala. Tri su, dva prilažem, jedno prezentiram.

Da li su prostori koje koristi Vlada Tuzlanskog kantona i ministarstva zakonito u upotrebi nakon promjene namjene bez pribavljanja nove zakonite upotrebne dozvole? Upućuje se Službi za inspeksijske poslove Grada Tuzla, Vladi Tuzlanskog kantona, Kantonalnom tužilaštvu TK. Sadržaj vijećničkog pitanja svima navedenim.

Da li je Vlada Tuzlanskog kantona pribavila važeću upotrebnu dozvolu za promjene namjene prostora koju koristi za rad Vlade TK i ministarstava, imajući u vidu da je prema važećem Zakonu o prostornom uređenju i građenju TK, pribavljanje nove upotrebne dozvole obavezno u slučaju promjene namjene prostora, bez obzira na činjenicu da je objekat prethodno imao upotrebnu dozvolu za drugu namjenu? Ako takva dozvola nije pribavljena:

Jedan. Iz kojih razloga da danas nije izvršen inspeksijski nadzor nad zakonitošću korišćenja tih prostora, iako je Gradsko vijeće Tuzla još 19.12.2024. godine, Zaključkom zatražilo poduzimanje inspeksijskog nadzora. Tokom 2025. godine, više puta putem vijećničkih pitanja i inicijativa ponovljen je zahtjev za postupanje nadležnih inspekcija. Akt Službe za inspeksijske poslove 13.01.2026. godine, 08-054506/26, koji pokazuje da je Službi dostavljeno 38 zahtjeva za odgovor, pitanja i inicijativa i zaključaka, od toga je 30 istog sadržaja i piše, odgovoreno, postupljeno i slično, nikad nije realizovano.

Dva. Da li će Služba za inspeksijske poslove Grada Tuzla po istim pravnim kriterijima i standardima koji su primjenjeni u slučaju zabrane rada Evropskom univerzitetu Kallos Tuzla zbog promjene namjene prostora bez nove upotrebne dozvole, poduzeti odgovarajuće mjere i prema Vladi TK-a i ministarstvima, uključujući zabranu korištenja prostora do pribavljanja zakonom propisane dozvole? U slučaju Evropskog univerziteta Kallos Tuzla rad Ustanove bio je zabranjen nekoliko mjeseci uz izričito obrazloženje da se koristi prostor bez nove upotrebne dozvole nakon promjene namjene i to, iako je objekat prethodno imao važeću upotrebnu dozvolu, iako se radilo o objektu u vlasništvu Univerziteta, iako je službeni postupak pribavljanja nove dozvole bio u toku, dobijena je nekoliko mjeseci i kasnije u novembru 2024. godine. Ključni osnov za zabranu rada je bio upravo izostanak nove upotrebne dozvole nakon promjene namjene prostora, što je kao razlog eksplicitno navedeno u rješenju nadležnog i ministarstva, pa i same inspekcije. Nasuprot tome, u slučaju prostora koju

koristi Vlada TK-a i ministarstva, radi se o prostorima koji su prethodno imali drugačiju namjenu. Nema javno dostupne informacije da je izvršena procedura pribavljanja nove upotrebne dozvole za promjenu namjenu, a nadležna inspekcija, uprkos zaključcima Gradskog vijeća Tuzla i ponovljenim zahtjevima, nije izvršila inspekcijski nadzor, evo, već treću godinu kalendarski. Ovako selektivno postupaju u kojem se isti pravni standard primjenjuje prema jednom pravnom subjektu, a zanameruje prema organima vlasti, predstavlja ozbiljno odstupanje od načela jednakosti pred zakonom i stvara osnovanu sumnju u dvostruku primjenu propisa, rok i postupanja.

Zahtjevam da Vlada Tuzlanskog kantona u roku od 15 dana dostavi Gradskom vijeću Tuzla pisani odgovor sa dokazima o pribavljenoj upotrebnoj dozvoli za promjenu namjene prostora koju koristi sa ministarstvima, ili precizno obrazloženje pravnog statusa tih prostora.

Služba za inspekcijske poslove Grada Tuzla dostavi pisano izjašnjenje, da li je izvršena inspekcijski nadzor? Ako nije, iz kojih razloga nije postupano po zaključcima Gradskog vijeća Tuzla? Šta je Kantonalno tužilaštvo TK poduzelo po prijavama u vezi naprijed navedenog? Samo ispravka i greške.

Dakle, već sam rekao za ovaj akt službe koji dokazuje da nisu postupili po 30 zahtjeva. Ukoliko odgovori do naredne sjednice GVT izostanu ili budu neargumentovane, zadržavam pravo da o ovom vijećničkom pitanju obavijestim Federalno tužilaštvo F BiH, Posebni odjel za korupciju i organizovanje, međukantonalni kriminal POSKOK, radi ispitivanja odgovornosti za nepostupanje selektivnog primjena zakona zloupotrebom službene dužnosti, službenog položaja ili nesavjesnim obavljanjem službene dužnosti. Toliko. Hvala.

ANA PEJIĆ

Zahvaljujem se. Sljedeća vijećnička pitanja. Vijećnik Nedžad Jusić. Izvolite.

NEDŽAD JUSIĆ – nezavisni kandidat – nacionalna manjina

Hvala predsjedavajuća. Pozdrav vama, pozdrav svim kolegama, kolegicama, kao i drugim prisutnima u sali.

U skladu sa Poslovníkom o radu Gradskog vijeća postavljám vijećničko pitanje Službi za komunalne poslove Grada Tuzla. Kada je planirana sanacija saobraćajnice u ulici Zlatana Mešića od broja 20 do broja 70, odnosno skretanje u Mezarje Kalebići?

Obrazloženje: S obzirom da je određeni dio ulice Zlatana Mešića već sanirano, ostalo je ovaj dio od broja 20 do broja 70, gdje stvarno ovaj dio puta zasluđuje i treba da se sanira u što kraćem vremenskom periodu, jer jednostavno otežava kretanje kako ljudi tako i vozila i mislim na neki način da bi to trebalo u što kraćem roku da se odradi i tražim konkretan odgovor od službe kada će se sanirati ovaj dio puta i u kojem vremenskom periodu? Mislim da nije potrebno da dobijam odgovor da će razmotriti, vidjeti mogućnosti, odnosno da li će se sanirati u toku 2026. godine ili neće, jer evo vidimo da su već neke javne nabavke otišle za rekonstrukciju i sanaciju nekih puteva, ne znam da li je ovaj put ušao, ukoliko je ušao u ove nabavke to je dobro, ukoliko nije, da dobijem konkretan odgovor kada će ovaj dio puta, dionica puta biti sanirana. Hvala.

ANA PEJIĆ

Zahvaljujem se. Vijećnička pitanja. Vijećnik Omer Berbić. Izvolite.

OMER BERBIĆ – vijećnik Naše stranke

Hvala ljepo. Prvo vijećničko pitanje na sugestiju našeg sugrađana Slađana Suljetovića, a u ime mog kolege Zlatana Mehmedovića i mene. Pitanje upućujemo Službi za komunalne poslove, izgradnju i poslove mjesnih zajednica.

Kada će se riješiti problem betonskih greda iza Supermarketa Bingo na Slatini, koji su predmeti inspekcijskog nadzora i zbog koje je gradilište ograđeno i zatvoreno? Građani pitaju kada će ulica na tom dijelu ponovo profunkcionisati, jer trenutna situacija izaziva saobraćajni kolaps, naročito zbog vozila koje vrše dostavu okolnim objektima, vozila zaposlenika obližnjih firmi i stanovnika naselja. Također, vođen nedavnim događajima, vezano za intervenciju vatrogasaca i vozila hitne pomoći. Iz tog razloga, bojimo se da to zatvoreno gradilište neće bit prepreka za eventualni hitni slučaj. Molim vas da radimo na prevenciji, ne želimo da nam se ponavljaju nemili događaji u kontekstu ovih naravno hitnih intervencija i ovo je, rekao sam već jednom, poslao Slađan Suljetović, a prilažemo doktor, odnosno kolega Zlatan Mehmedović i ja.

Drugo pitanje. Zavodu za urbanizam. Da li postoji planirana lokacija za izgradnju dvadesetpet metarskog, odnosno pedeset metarskog bazena u Tuzli? Evo vidimo da se ta priča aktualizirala i mislim da bi bilo dobro da Grad Tuzla nekim od regulacionih planova napravi lokaciju i naravno da da zemljište, a da Vlada kantona i Vlada federacije, evo, onoliko koliko je to u njihovoj nadležnosti, odnosno koliko imaju novca procentualno, odrade ovaj projekat.

I treće pitanje. S obzirom da smo vidjeli da je Javna zdravstvena ustanova UKC Tuzla zaposlila 115 ljudi na prethodnom konkursu, moje pitanje njima jeste koliko zaposlenih od 115 ljudi ima svoj CIPS u gradu Tuzla? Ovo postavljam zato što smo vidjeli brojne komentare naših sugrađana gdje kažu da grad Tuzla ne dobija srazmjerno veličini svojoj i naravno što je centar svih većine događanja u kantonu i političkih i društvenih i privrednih. Navodno je jako mali broj novozaposlenih, ima CIPS iz grada Tuzle i iz ovog razloga želim da nam se to razjasni i mislim da mi kao gradski vijećnici imamo pravo na to. Naravno ovdje se ni u jednom trenutku ne želim dati mogućnost da se bilo ko pozove na Zakon o zaštiti ličnih podataka, nego čisto procentualno ukoliko je to 10%, 15%, 20% itd., da nam se to ovdje razjasni i kako bi mi evo ovu famu na društvenim mrežama mogli ili potkrijepit činjenicama ili razbiti. Eto. Hvala ljepo.

ANA PEJIĆ

Zahvaljujem se. Da li još neko ima vijećničkih pitanja? Nema.

Prelazimo na:

VIJEĆNIČKE INICIJATIVE

Vijećnička inicijativa. Vijećnica Nataša Perić. Izvolite.

NATAŠA PERIĆ – vijećnik SDP – Socijaldemokratske partije Bosne i Hercegovine

Jednu prilažem, a druga je urgencija, pa ću samo da podsjetim radi stenograma, ovaj, nadležnu i službu i preduzeće. Urgencija je u vezi sa realizacijom vijećničke inicijative koja je podnesena na 4. redovnoj sjednici Gradskog vijeća 25.02.2025. koju smo kolegunica Svjetlana Kakeš i ja podnijele, a u vezi sa uređenjem i održavanjem spomenika iz NOB-a na Kozlovcu, pa evo, ovaj, mi smo dobili odgovore u kojima je Služba za komunalne poslove, izgradnju i poslove mjesnih zajednica navela da će odmah po provođenju postupka javnih nabavki za radove na održavanju spomen obilježja na području grada Tuzla izvršiti sanaciju i potrebne

popravke na predmetnom spomeniku, te da će se putem Komunalca izvršiti uređenje platoa. Više puta smo se usmeno raspitivale vezano za realizaciju navedene inicijative i tom prilikom smo dobijali slične odgovore. Međutim, građani su nas kontaktirali i kažu da još uvijek ništa nije realizovano, pa evo samo u tom smislu da šaljemo urgenciju i nadamo se da će vrlo brzo to biti realizovano. Hvala.

ANA PEJIĆ

Vijećničke inicijative. Vijećnik Senad Mehmedinović. Izvolite. (SENAD MEHMEDINOVIĆ – Prilažem). U redu. Vijećnička inicijativa. Vijećnik Zlatan Mehmedović, Nataša Perić i ja. Hitno rješavanje problema stalnog curenja vode i neadekvatnog odvodnje u ulici Vukovarska, početak ulice, lokalitet Tomića kuća, u blizini Policijske stanice Istok. Vijećnička inicijativa. Vijećnik Admir Hasanbašić. Izvolite.

ADMIR HASANBAŠIĆ – vijećnik Tuzlanske alternative

Hvala predsjedavajuća. Vijećnička inicijativa za dodjelu gradskih parcela na korištenje Javnom komunalnom preduzeću Komemorativni centar Tuzla, radi formiranja i uređenja mjesnog mezarja za potrebe stanovnika Mjesne zajednice Tušanj. Naime, poznato je da deponija Desetine već dugi niz godina stvara ozbiljne negativne posljedice po stanovnike naselja Rasovac, Mandići i Piskavica. Mještani ovih naselja trpe nesnosne mirise, pojavu glodara i divljih svinja, koji u kratkom vremenu uništavaju poljoprivredne usjeve. Neosporno je da pored naselja Moluhe, upravo ova područja trpe najveće posljedice postojanja deponije. Mještani Rasovca, Mandića i Piskavice danas se suočavaju sa izuzetno ozbiljnim problemom, jer je mjesno mezarje Rasovac popunjeno do posljednjeg mjesta. Posljednji ukopi izvršeni su na putnoj parceli koja se vodi kao državno zemljište, zbog čega je reagovala inspekcija, a krajnji ishod tog postupanja je neizvjestan. Mjesno mezarje Rasovac nalazi se na zemljištu u vlasništvu Grada Tuzla i u upotrebi je više od 80 godina. Prema svjedočenjima starosjedilaca, tokom i nakon drugog svjetskog rata, tadašnje gradske vlasti obezbijedile su dodatnu lokaciju za ukop na gradskim parcelama k.č. 2153/1 i k.č. 2155, lokalitet Jabučik. Iako ne postoje sačuvani pisani tragovi o toj odluci na navedenim parcelama i danas postoje vidljivi tragovi ukopnih mjesta što potvrđuje njihovu raniju namjenu.

Imajući u vidu navedeno, predlažem da se pokrene postupak dodjele navedenih gradskih parcela na korištenje JKP Komemorativni centar Tuzla, radi formiranja i uređenja mjesnog mezarja za potrebe stanovnika Mjesne zajednice Tušanj, pod istim uslovima kakvi važe i za postojeće mjesno mezarje Rasovac.

Posebno ističem da navedene parcele Grad Tuzla nikada nije koristio, da se radi o zapuštenom zemljištu koje je u posljednje vrijeme postalo divlja deponija. Uređenje terena i ograđivanje mezarja finansirali bi sami građani, dok bi obaveza Gradske uprave bila isključivo rješavanje pravnog statusa zemljišta. Hvala.

ANA PEJIĆ

Zahvaljujem se. Sljedeća inicijativa. Klub vijećnika SDP-a BiH. (SVJETLANA KAKEŠ – Prilažemo). Prilažete. Vijećničke inicijative. Vijećnica Svjetlana Kakeš. Izvolite.

SVJETLANA KAKEŠ

Hvala predsjedavajuća. Ja upućujem vijećničku inicijativu gradonačelniku, Službi za kulturu, sport, mlade i socijalnu zaštitu i Crvenom križu Grada Tuzle.

Inicijativa je da se iznađe najpogodniji način za sufinansiranje ili nabavke ili nabavku GPS narukvica za djecu i osobe sa invaliditetom i poteškoćama u razvoju. Pored ove široke palete oblika socijalne pomoći i podrške građanima Tuzle koji se nalaze u stanju socijalne potrebe, obuhvaćenih evo i danas ćemo razgovarati o nekim od...o većini od tih oblika socijalne pomoći i podrške koju Grad pruža organizacijama civilnog društva koje djeluju u ovoj oblasti, Grad je, ja mislim, u toku prošle godine u saradnji sa Crvenim križem Grada Tuzle odlučio da sufinansira, odnosno da obezbijedi nabavku GPS narukvica za osobe treće životne dobi koje pate o demencije i ovaj oblik podrške se već realizira putem Crvenog križa Grada Tuzle. Međutim, svjedoci smo nemilih događaja u kojima se dešavalo da se i osobe sa drugim vrstama smetnji i osobe mlađe životne dobi, naročito djeca sa invaliditetom, poteškoćama u razvoju izgube, udalje bez nadzora, a čak i u širem okruženju bilo i smrtnih ishoda.

Stoga predlažem, da se u okviru već pokrenutog projekta putem Crvenog križa ili na neki drugi najpogodniji način za koji procijene nadležne službe, iznađe mogućnost nabavke i/ili finansiranja nabavke GPS uređaja narukvica i za djecu i osobe sa invaliditetom, poteškoćama u razvoju. Korištenjem ovakvih uređaja omogućila bi se brza reakcija u hitnim slučajevima, veći osjećaj kontrole i sigurnosti za roditelje i staratelje u svakodnevnim aktivnostima, te veća mogućnost inkluzije za te osobe, odnosno za djecu, uz znatno manje rizike. S obzirom da ova aktivnost, kao i svako drugo eventualno nestručno postupanje s osobama s poteškoćama u razvoju, može da snosi određene rizike po njihovo zdravlje i mentalno stanje, svakako bi bilo neophodno čitav postupak voditi uz adekvatno stručno mišljenje za svaku osobu koja bi koristila uređaje, odnosno potvrdu od strane liječnika, specijaliste kod kojih se te osobe liječe, kako bi se cjelokupni postupak vodio u najboljem interesu djeteta, odnosno osobe s poteškoćama u razvoju.

Ovo ne bi puno opteretilo budžet Grada, odnosno sredstva koja se koriste putem Crvenog križa. To se radi o jako malim sredstvima, jer ti uređaji ne koštaju puno, ali u današnje vrijeme, uz sve obaveze koje ove porodice koje imaju osobe sa poteškoćama u razvoju imaju za druge potrebe, bilo bi od velike važnosti i u materijalnom smislu da im se pomogne, ali i u smislu osjećaja da nisu sami i da se zajednica zalaže za obezbjeđenje boljih i sigurnijih uvjeta za njihov život.

ANA PEJIĆ

U redu. Vijećničke inicijative. Vijećnik Denis Bećirović. Izvolite.

DENIS BEĆIROVIĆ

Hvala predsjedavajuća. Prva je dakle, urgencija upućena Željeznicama Federacije BiH, obzirom da sam i prethodne godine pisao za potrebnim hitnim obilježavanjem i sanacijom neobilježenog pružnog prelaza u naselju Mramor, dakle pružni prelaz jug, neobilježen pružni prelaz koji predstavlja realno opasnost za sve stanovnike Mramora, ali i svo stanovništvo koje cirkuliše tim dijelom, obzirom da tu imamo i aktivan rudnik, odnosno aktivnu eksploataciju rude. Mislim da je fer makar tim ljudima, vratiti da im se obilježi pružni prelaz.

Druga vijećnička inicijativa se odnosi na sanaciju i uređenje spomenika palim borcima Narodno-oslobodilačke borbe iz Drugog svjetskog rata u naselju Plane. Dakle, dole imamo spomenik sa prezimenima i imenima palih boraca, dakle ljudima koji su dali život u borbi protiv fašizma u Drugom svjetskom ratu i mišljenja smo da taj spomenik trebamo očuvati, kako i radi kulturno-historijskog nasljeđa, ali i radi stalne opomene da fašizam ne spava i da ga treba iz dana u dan pobjeđivati konstantno.

I treća inicijativa se odnosi na asfaltiranje ulice Mehdića u naselju Plane. Dakle, jedan dio puta koji treba sastaviti s jednim i drugim krajem nema tu par desetina metara,

a mnogo bi olakšalo svakodnevne aktivnosti našim sugrađanima u naselju Plane i mišljenja sam da ovaj put treba završiti što prije. Hvala.

ANA PEJIĆ

Zahvaljujem se. Vijećnička inicijativa zajednička. Klub vijećnika NIP i PDA. Izvolite.

EMIR ŠAHOVIĆ – vijećnik Pokreta demokratske akcije - PDA

Hvala predsjedavajuća. Pozdrav vama. (ANA PEJIĆ – Evo Emire, obzirom da ste se vi javili, vaše su i vijećničke inicijative sljedeće, pa možete sve zajedno). U redu. U redu.

Svoje dvije inicijative prilažem, a što se tiče inicijative vijećnika Mirze Malkočevića i mene, ona se odnosi na, mislim, inicijativa za početak razgovora, a tiče se obnove željezničkog dispanzera u Mjesnoj zajednici Kreka. To je objekat koji je izgrađen i pušten u funkciju 1992. godine, namjenski pravljnjen za ambulantu i nekada je bila željeznička ambulanta do poslije rata tu u funkciji. Međutim, taj projekat u sklopu Željeznica federacije više nije aktivan i neće više biti aktivan i nekada prije možda desetak godina su započeti razgovori između Gradske uprave i uprave Željeznica federacije. Bila je tu uzajamna zainteresovanost da se otvori ambulanta Službe porodične medicine, pa čak i ambulanta Službe za hitnu medicinsku pomoć.

Ova inicijativa ima cilj da, znači, obnovi taj idejni projekat koji je napravljen već ranije i mislim da imamo neke informacije da su interesi sa obje strane tu prisutni, da se to realizuje i, znači, potrebna je adaptacija tog prostora. Kako će znači to ići, kojim tokom, ostavljamo je li za ove dvije strane da se dogovore, ali evo to je to. Hvala.

ANA PEJIĆ

Zahvaljujem se. Sljedeće vijećničke inicijative. Vijećnik Dejan Kovačević. Izvolite.

**DEJAN KOVAČEVIĆ – vijećnik HDZ – BiH Hrvatske demokratske zajednice
Bosne i Hercegovine**

Hvala predsjedavajuća. Evo koristim priliku da vas pozdravim, dopredsjedavajućeg, tajnika Gradskog vijeća, kolegice, kolege vijećnike, predstavnike stručnih službi, predstavnike medija i sve goste na današnjoj sjednici. Za današnju sjednicu imam tri inicijative. Pokušat ću biti kratak.

Prva je za sanaciju lokalnog puta u Mjesnoj zajednici Par Selo. Lokalni put se proteže na relaciji od kružnog toka na Par Selu prema spomen obilježju poginulim braniteljima Domovinskog rata 92-95., pa sve do katoličkog groblja u jednom dijelu, u drugom dijelu od spomen obilježja poginulim braniteljima Domovinskog rata, pa sve do Društvenog doma Par Sela, gdje se nalaze prostorije Mjesne zajednice, sve ukupno oko nekih tri kilometra. Ovaj put ima veliki društveni i simbolični značaj, jer povezuje važne objekte. Od značaja za lokalnu zajednicu i njihovo zapuštanje stanje narušava dostojanstvo prostora koji se koristi za vjerska okupljanja i obilježavanje važnih datuma u istoj. Također, pomenuta dionica puta se koristi kao alternativni putni pravac Tuzla-Dubrave, tj. Žvinice-Kalesija.

Druga i treća vijećnička inicijativa odnosi se na uklanjanje fizičkih barijera na pješačkim prelazima, pa druga se odnosi na križanju ulice Maršala Tita, u ulici Alije Isakovića blizu prostorije Mjesne zajednice Novi Grad 2, a druga na magistralnom putu M-18, tj. na rotoru u Mjesnoj zajednici Husino, na križanju ulica Husinske bune sa rotorom Husino, koja vodi prema Živincama i na križanju ulice Husinske partizanske čete, koja vodi prema Kiseljaku kod objekta BH Pošte. U oba slučaja, na svim lokacijama, pješački prelazi nisu nivelisani sa

nogostupima uz kolovoz, tako da ljudi koji imaju potrebu, koji su u invalidskim kolicima, majke sa djecom i svi ostali koji koriste ortopedska pomagala i ostali građani koji imaju sličnu potrebu, ne mogu bezbjedno sići sa nogostupa na pješački prelaz i obratno, zbog pomenutih fizičkih prepreka. Hvala.

ANA PEJIĆ

Zahvaljujem se. Vijećnička inicijativa. Vijećnik Muhamed Čikarić. Izvolite.

MUHAMED ČIKARIĆ

Inicijativa se odnosi na rješavanje dugodišnjeg problema pristupnog puta. Naselje Borić, dugi niz godina ima problem pristupnog puta u smislu isključenja i uključenja na putnoj komunikaciji. Postojeća trasa izgrađenja na potpunom neprihvatljivom i veoma opasnom mjestu za sve učesnike saobraćaja na pravcu Simin Han-Gornja Tuzla. Trenutno, gotovo pa svi vozači sa svojim motornim vozilom iz pravca Simin Hana u dijelu saobraćajnice, svjesno kršeći saobraćajne znakove i u cilju isključenja, prelaze preko pune linije u dijelu krivine. Sve i da nakon pristupnog puta njihovom naselju imaju želju na propisan način izvršiti na nekom drugom mjestu polukružno kretanje, nakon prilaska je nemoguće izvršiti ulaz u postojeću cestu iz pravca Gornje Tuzle, a da se ne pređe na drugu stranu putne komunikacije koja je dvosmjerna. Iz navedenog razloga predlažem, da nadležna Gradska služba izvrši uvid i predloži način na koji bi se ovaj problem riješio. Hvala.

ANA PEJIĆ

Zahvaljujem se. Sljedeća vijećnička inicijativa. Vijećnik Mirnes Ajanović. Izvolite.

MIRNES AJANOVIĆ

Hvala. Tri su. Jednu dostavljam, jednu ću pročitati, a jednu sam dužan, jer je zajednička inicijativa BOSS-a i Tuzlanske alternative. Za Grad Tuzlu, Vladu TK, Ministarstvo trgovine, turizma i saobraćaja TK. Inicijativa za sistemsko unapređenje i uspostavljanje jedinstvenog, pravednog sistema javnog linijskog prevoza putnika na području Tuzlanskog kantona. Uklanjanje dvostrukih standarda. Tuzla kao administrativni, zdravstveni, obrazovni univerzitetski centar Tuzlanskog kantona svakodnevno je izložena intenzivnom prilivu građana iz drugih gradova i opština kantona. Građani dolaze na posao, škole, fakultete, zdravstvene ustanove, institucije i druge javne službe, što za posljedicu ima izražene saobraćajne gužve, preopterećenje gradske infrastrukture i hronični nedostatak parking prostora.

Grad Tuzla je u prethodnom periodu, nakon opravdanog nezadovoljstva građana i javnih protesta učenika, studenata i radnika, preuzeo odgovornost i reorganizirao gradski javni prevoz, uspostavivši znatno povoljniji i uređeniji i dostupni sistem. Time su snižene cijene karata, uvedene subvencije, besplatan prevoz za najugroženije kategorije, vraćene nedjeljne linije i javni prevoz vraćen u funkciju javne usluge, a ne tržišnog luksuza. Pozitivni efekti ovakvog pristupa su vidljivi kroz povećano korištenje javnog prevoza i smanjenje upotrebe privatnim vozila unutar grada.

Međutim, najveći saobraćajni pritisak na Tuzlu dolazi sa kantonalnih, odnosno međugradskih linija, čije uređenje je isključivo nadležnost Tuzlanskog kantona. Zbog neujednačene i visokih cijena karata, loše povezanosti, nedovoljne frekvencije linija i nepostojanja integrisanog sistema, veliki broj građana iz drugih sredina primorani koristiti

privatna vozila. Na taj način su u Tuzlanskom kantonu stvoreni dvostruki standardi u oblasti javnog linijskog prevoza.

U pojedinim gradovima javni prevoz je subvencioniran i dostupan, dok su građani iz drugih opština izloženi višestruko većim troškovima i lošijoj usluzi. Slične modele subvencioniranja javnog prevoza već uvode i planiraju Lukavac i Živinice, izdvajajući vlastita budžetska sredstva, čime se dodatno potvrđuje da rješenje postoje. Međutim, gradovi ne mogu i ne smiju trajno preuzeti nadležnost kantona, jer se time narušava princip jednakosti građana, odgovornost sistemski prebacuje sa kantona na lokalne zajednice i stvara dugoročno neodrživ i neujednačen sistem.

Javni linijski prevoz nije privilegija, nego osnovna javna usluga od značaja za obrazovanje, rad, socijalnu uključenost, smanjenje saobraćajnih gužvi i ostanak mladih u Tuzlanskom kantonu. Zbog svega navedenog, neophodno je sistemsko i kantonalno rješenje, a ne parcijalne i teritorijalno ograničene mjere. Prijedlog inicijative. Predlažemo:

Jedan. Da Vlada Tuzlanskog kantona i Ministarstvo trgovine, turizma i saobraćaja TK u najkraćem roku predstave jasan vremenski i definisan plan uspostavljanja jedinstvenog kantonalnog sistema javnog linijskog prevoza, koji će obuhvatiti integrisane karte, jedinstven red vožnje, ujednačenje i socijalno prihvatljive cijene.

Dva. Da se u okviru tog sistema posebno zaštite učenici, studenti, radnici, penzioneri i socijalno ugrožene kategorije, kako bi se uklonili postojeći dvostruki standardi među građanima kantona.

Tri. Da se dostavi informacija o planiranim već izdvojenim sredstvima u Budžetu TK za javni linijski prevoz, kao i rokovima o kojima građani mogu očekivati konkretne i vidljive rezultate.

Četri. Da se prema Skupštini Tuzlanskog kantona inicira donošenje odgovarajućeg zakonskog okvira, kojim će se javni linijski prevoz trajno i sistemski urediti kao javna usluga od posebnog društvenog interesa.

Zaključna napomena. Grad Tuzla je pokazao da je moguće reagovati brzo i u interesu građana. Međutim trajna rješenja ne mogu biti parcijalna, niti teritorijalno nejednaka. Ako gradovi subvencioniraju, a kanton kasni, rizikujemo daljnju nepravdu među građanima i ozbiljno ugrožavanje funkcionalnosti javnog linijskog prevoza na nivou Tuzlanskog kantona. Ova inicijativa nije usmjerena protiv bilo kojeg nivoa vlasti, niti bilo koga, već za uspostavljanje pravednog, funkcionalnog i jedinstvenog sistema javnog prevoza u interesu svih građana Tuzlanskog kantona. BOSS, ja i predsjednik Kluba TA, Admir Hasanbašić.

Ima još jedna. Vijećnička inicijativa za hitno rješavanje klizište ugroženih objekata na pravcu Ilinčica- Orašje, uklanjanje spornog objekta i hitno omogućavanje odvijanje saobraćaja. Ovo podnosim iz razloga što sam već prošli put podnio inicijativu kao vijećnik. Brzo su postupili. I zaista je interesantno da su građani vidjeli da je Služba za komunalne poslove postupila brzo i odlučno. Riješila je problem ugroženosti na saobraćajnici gdje je jedan objekat koji je već ruševan, nageo se na saobraćajnicu i može da padne. Imamo takvih situacija, bilo je i kod pijace gdje sam reagovao da objekat može se srušiti, pa je Grad Tuzla na račun tog vlasnika srušio taj objekat. I mene je iznenadila ta brzina kako je služba postupila, šta su radili. Evo pogledajte šta. Stavili znak zabrane. Pomogli građanima da im zabrane prolaz. Nema više nikako prolaza. Pa sramota. Ja ispado kriv. Bolje da sam šutio po toj logici. Pa ljudi prolazili nekako. Evo šta napraviše. Zabranjen prolaz, evo da vide svi. E pa svaka čast službi. Pa jel to vi nas zafrkavate kao vijećnike? Jel to vi toliko mislite da smo mi kao ovo Vijeće što funkcionišemo dobro, vlast, opozicija, ne zna se više ni ko je vlast, ko opozicija. Svi smo jedno. Da imate pravo da se zafrkavate s nama. Svi. Sve službe. Preduzeća i ostali. Jel mislite da ovaj naš korektan odnos između nas će se i dalje trajno zadržati i da nas ponižavate pred građanima u odnosu na vas? Ovo samo malo prepričavam, dobit ćete u pisanoj formi. Neće. Od naredne sjednice, imat ćemo Kolegij, raspravljali smo, sasvim drugačiji odnos prema

službama i svima će biti ovog Vijeća. Dosta je više ponižavanja nas. Ismijavanja u kuloarima, pričanja kako neki postavljaju neke zaključke koji nemaju veze s nečim. Ne moramo mi znati. Mi radimo posao službi. Danas imate koliko? 30 vijećnika, 3 pitanja, 3 inicijative. Brojte koliko je. Koliko je sjednica dosad bilo? To je posao koji odrađujemo za njih. Primaju dobre plate za naše maltretiranje. Ovdje nas. Sjedenje, izmišljanje, hodanje, raspravljanje. Pa negdje u okviru zaključaka i grešku neku. Ne moramo znati sve. A onda njihovo ismijavanje. Jer oni znaju to, oni su stručni. Oni imaju samo taj zakon koji čitaju. A mi moramo čitat sve. I onda dobijem ovu situaciju gdje me ljudi zovu, pa kaže bolje da si šutio. Ne možemo proć sad. Hodaju okolo. Obilaze desetine kilometara praktično. Ovaj znak se mora skinuti odmah. Naći rješenje u smislu, kao što je to već rađeno na račun tog lica, kako god hoće nek mu ispostave, taj objekat ukloniti. Znak sutra mora biti uklonjen. Ja neću da se sramotim pred ljudima. Neću da me prozivaju ljudi. Dakle, tražim ovom inicijativom da se više, prvo ovaj slučaj, a onda prošireno i tražicu od Vijeća i zaključke i potpuno drugačiji odnos ovog Vijeća prema svim ostalim.

Dakle, nećemo dozvoliti zloupotrebu ovog našeg vrlo dobrog, korektnog odnosa, kompletnog svih 31. vijećnika, uključujući sekretara, naravno, ona je kao da je i sastavni dio, kao da je i vijećnik stalni i tako i treba da bude i zahvalnost za sve ovo što radimo i odrađujemo, ali svi ostali da znate, naša tolerantnost je došla do kraja. Bićemo tolerantni onoliko koliko vi nas poštujete. Ukoliko nas ne budete poštovali, mi ćemo deset puta biti gori, a mi znamo granicu, a vi ćete tek osjetit. Dakle, nije prijatna, upozorenje, budite korektni prema nama, ne odgovarajte na naša pitanja s jednom apsurdnom, smiješnom rečenicom i ponavljajući isti odgovor stalno. Odgovorite korektno, potrudite se, bar kada smo se mi svi potrudili, nas 31, sjeli, napisali, gledali, analizirali, potrošili svoje vrijeme, da bar napišete nešto korektno da se može to što ste napisali smatrati poštenim odgovorom. Ne mora uvijek biti rješenje, ali bar dajte korektan odgovor. Evo ovo je možda u ime svih nas i vjerujem da jeste svih nas vijećnika, u jednoj blažoj formi, zauzećemo zaista konkretne stavove i neka sjede od sada svi ovdje. U pravu je predsjedavajuća kada je ih pozvala, neka sjede unutra. Nema šta sjedenja tamo. Kad je pauza, onda je pauza za sve. Svi ima da sjede ovdje u sali kad mi sjedimo kao vijećnici. U suprotnom, smatra se da nije prisutan na sjedinici Vijeća. Nećemo više nikoga moliti i tražiti i pozivati gdje je, pa čekati da dođe. Donijet ćemo odluke o zahtjevu gradonačelnika za sankcionisanje svih koji ne budu poštivali ovo Gradsko vijeće, u smislu da su prisutni u sali, da imaju spremne odgovore, da ono, ako mi nešto i pogriješimo, imaju pravo da se jave, da izađu za govornicu, da isprave to što smo mi rekli, ili da daju svoj prijedlog i na kraju da radi svoj posao, da mi nemamo potrebe da postavljamo vijećnička pitanja i inicijative. Što ćemo džaba trošiti uopšte vrijeme? Mi imamo tačke dnevnog reda, ne trebamo uopšte da radimo ovo što oni trebaju svi da rade. Evo, ovo je malo šire bilo. Hvala predsjedavajućoj što je dozvolila. Ovo ćemo nastaviti svakako naredne sjednice. Hvala.

ANA PEJIĆ

Zahvaljujem se. Sljedeća vijećnička inicijativa. Jedna je urgencija, Jasmin Gavranović i moja inicijativa urgencija. Jedna je Zlatan Mehmedović i ja koju prilažim. Jedna je moja inicijativa, samo ću pročitati naziv inicijative, za jasno i propisno označavanje parking mjesta ispred svih dječijih vrtića na području grada Tuzla, namijenjenih kratkotrajnom zadržavanju roditelja prilikom dovođenja i preuzimanja djece u vrtićima. Inicijativu upućujem prema Službi za komunalne poslove i prema Javnom komunalnom preduzeću Saobraćaj i komunikacije Tuzla.

Sljedeća vijećnička inicijativa. Vijećnik Mirza Malkočević. Izvolite.

MIRZA MALKOČEVIĆ – vijećnik Naroda i pravde (NIP)

Hvala predsjedavajuća. Pozdrav svim prisutnim. Evo, jednu ću predati, jednu je kolega već, ovaj, Emir pročitao. Pokušat ću bit kratak, a inicijativa je vezana za, iniciram hitnu obnovu poligona igrališta u Mramoru, koje se nalazi u naselju Marina Glava. Riječ je o mjestu koje je decenijama bilo jedno od rijetkih pravih okupljališta mladih, gdje se godinama druže mladi iz najmanje tri mjesne zajednice. Godinama su na navedenom poligonu održavani sportski turniri, posebno noćni turniri koji su trajali po nekoliko dana, koji su obilježili djetinjstvo i mladost mnogih generacija. Također, tu je bio jedan od prvih parkova u Mramoru, a potom košarkaški poligon koji postoji godinama. Danas izgleda gotovo isto kao i prije 20 godina. Osobe s kojim sam razgovarao, tj. grupa mladih s tri mjesne zajednice, koje imaju 30-ak godina, tvrde da je poligon isti kakvog pamte iz djetinjstva. Ovo mjesto ne treba gledati kao samo sportski teren. To je prostor susreta, prijateljstva, zdravih navika i zajedništva. Ulaganje u njegovu rekonstrukciju ulažemo direktno u prevenciju negativnih pojava, bolji kvalitet života u ruralnim mjesnim zajednicama.

Iz svega navedenog, smatram da je obnova i modernizacija ovog poligona neophodna i opravdana, te da bi imala višestruku korist za više mjesnih zajednica. Hvala.

ANA PEJIĆ

Zahvaljujem se. Sljedeće vijećničke inicijative. Vijećnik Jasmin Gavranović. Izvolite.

JASMIN GAVRANOVIĆ – vijećnik SDP – Socijaldemokratske partije Bosne i Hercegovine

Ovim putem pozdravljam sve prisutne. Priložit ću ove inicijative.

ANA PEJIĆ

U redu. Da li ima još neko? Vijećnik Omer Berbić. Izvolite.

OMER BERBIĆ

Ja ću jednu priložit. Dvije ću iščitati.

Prva inicijativa je opet sugestija našeg sugrađanina Slađana Suljetovića, a prilažemo je doktor Zlatan Mehmedović, odnosno kolega Zlatan Mehmedović i ja.

I ona je upućena u Službu za komunalne poslove izgradnje i poslove mjesne zajednice Grada Tuzla i direktoru, odnosno Javnom preduzeću Saobraćaj i komunikacije. Ona se tiče konkretno uređenja i unapređenja organizacije parking prostora u naselju Slatina. Znači, na osnovu kontinuiranih pritužbi građana naselja Slatina, na prijedlog građanina Slađana Suljetovića, mi dajemo i pokrećemo vijećničku inicijativu da se u što skorijem roku izvrši detaljna analiza postojećeg stanja, te unaprijedi organizacija parking prostora na području naselja Slatina. Građani ovog naselja svakodnevno su izloženi represivnim mjerama, znači govorimo o novčanim kaznama, uklanjanjem vozila i tako dalje, dok istovremeno ne postoji dovoljan broj legalnih parking mjesta, ni u neposrednoj blizini stambenih objekata, često u krugu od 100 do 200 metara ovako stanje, stvar opravda nezadovoljstvo stanovnika, te dodatno narušava odnos između građana i nadležnih institucija.

Predlažemo da nadležna služba u saradnju sa Saobraćajem i komunikacije, Mjesnom zajednicom Slatina i drugim relevantnim institucijama, pristupi iznalaženju trajnog sistemskog

rješenja koji će omogućiti funkcionalan, siguran i pravedno organizovan parking prostor za stanovnike ovog grada.

Posebno predlažemo, sad je ovo jako bitno, da se organizuje javna rasprava na ovu temu, al ne one javne rasprave gdje dođe pet, deset ljudi, nego da se napravi ozbiljna javna rasprava u području mjesne zajednice ili tamo gdje može doći veći broj ljudi, da dođu građani Slatine i da se napravi javna rasprava o modelima naravno i temi uređenje i naplate parking prostora po uzoru na model koji je implementiran u naselju Stupine, da vidimo da li građani žele da se na ovaj način riješi ovo pitanje. Ukoliko ne žele, naravno građani će imat zadnju riječ, ali jako je bitno da se napravi javna rasprava. Ona treba obuhvatit način naplate parkinga, prava i pogodnosti za stanare, režim korištenja parking mjesta, kao i jasno definisanje i zaštitu požarnih i servisnih puteva. U okviru iste javne rasprave neophodno je razmotrit i izgradnju javne podzemne garaže, u skladu sa priloženim idejnim rješenjem koje ćemo mi priložiti, znači idejno rješenje ne narušava izgled naselja, nego bi išlo pod zemljom, a ostala bi i dječija igrališta i šetnica i zelene površine. Ono podrazumijeva maksimalno jedan sprat iznad nivoa terena uz zadržavanje i unaprijeđenje postojećih zelenih površina, dječijih igrališta i pješačkih komunikacija.

I u tom smislu predlažemo korake koje će napraviti sistemski pregled analizu svih postojećih idejnih rješenja, naravno izradu stručne procjene, utvrđivanja lokacije koja pruža najveći javni interes, itd, itd.

Da ne bi dužio, u suštini mi ovdje predlažemo, a kompletnu inicijativu ćemo priložiti, da se napravi javna rasprava na ovu temu, priložit ćemo idejno rješenje i mislimo da je ovo idejno rješenje u skladu i normativima onako kako Grad Tuzla treba da radi.

Drua inicijativa. Ovu inicijativu upućujem gradonačelniku Grada Tuzle i Medžlisu Islamske zajednice u Tuzli. To je da se sjedne i da se iznađe rješenje, po kojem će gradonačelnik Grada Tuzle i Islamska zajednica riješiti imovinsko pravna pitanja oko Imamovog brda u Ši Selu, gdje Islamska zajednica ima više od 8 duluma, a Grad Tuzla također ima više od 8 duluma, te da se napravi na toj lokaciji park za stanovnike naselja Stupina, Ši Sela, Sjenjaka itd. koji bi imao naravno više od 15 duluma i u tom parku treba da bude naravno dječije igralište i šetnice, itd. ali treba naravno ta lokacija da bude zaštićena od alkohola i ostalih stvari koje tu ne pripadaju. Ovo je inicijativa da se sjedne i da se pokrene tema razmjene zemljišta, gdje bi Grad Tuzla s jedne strane, naravno dao ono što misli da je ok Islamskoj zajednici, a Islamska zajednica bi ustupila ovu lokaciju radi izgradnje javne površine, odnosno parka za naselje Stupine, Ši Selo, Sjenjak, Slavinovići, Zlokovac i ovaj kompletan dio grada.

A treću ću priložit.

ANA PEJIĆ

Zahvaljujem se. Da li još neko ima vijećničke inicijative?

JASMIN GAVRANOVIĆ

Ja se izvinjavam predsjedavajuća, inicijativa je bila od Senada Mehmedinovića i mene, ako je to ta.

ANA PEJIĆ

Dobro. Prilažete? (JASMIN GAVRANOVIĆ – Ja. Jest). U redu. U redu.
Da li još neko ima vijećničke inicijative? Nema.

Prelazimo na sljedeću tačku dnevnog reda:

Razmatranje i usvajanje:

a) Odluke o raspisivanju javnog oglasa, postupku i utvrđivanju uslova i kriterija za imenovanje sekretara Gradskog vijeća Tuzla, (sa tekstom javnog oglasa)

b) Rješenja o imenovanju Komisije za provođenje javnog oglasa za imenovanje sekretara Gradskog vijeća Tuzla

Predlagač: Kolegij Gradskog vijeća.

Obrađivač: Stručna služba Gradskog vijeća.

Materijal su razmatrali: Komisija za statutarna pitanja i propise, Komisija za izbor i imenovanja (pod b) i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika.

Vijećnik Senad Mehmedinović. Izvolite.

SENAD MEHMEDINOVIĆ – vijećnik Nezavisne liste „Sloboda“

Hvala ljepo. Poštovana predsjedavajuća, zamjeniče, poštovane kolege, predstavnici službi i medija, sekretaru. Osjećam ljudsku neku obavezu da kao neko koji sjedi ovdje već pet godina, da se Slađi zahvalim na dosadašnjem profesionalnom i odgovornom radu kao sekretara. Hvala joj što je pokazala da u radu Gradskog vijeća, u njenoj percepciji ne postoji pozicija, nit postoji opozicija, nego postoje zakoni, postoje pravilnici kojih se ona drži i koji nama sugerise kako da postupamo, tako da Slađana, hvala vam na tome. Definitivno vaš doprinos radu Gradskog vijeća je i značajan i prepoznatljiv. I zato, javio sam se zato što očekujem i vjerujem da ćete ponovo aplicirati, jer iskustvo koje imate i stručnost koju imate je potrebna ovom Gradskom vijeću. Hvala ljepo.

ANA PEJIĆ

Zahvaljujem se. Sljedeća diskusija. Vijećnik Admir Hasanbašić. Izvolite.

ADMIR HASANBAŠIĆ

Hvala predsjedavajuća. Evo, preduhitrio me Senad, sa cijelim njegovim izlaganjem se slažem, al evo, moram iskoristiti priliku da se ispred Kluba Tuzlanske alternative zahvalim našem sekretaru koja nesebično radi za ovo Gradsko vijeće 24 sata. Ali, ne samo ona, nego svi članovi Stručne službe Gradskog vijeća.

Zaista, oni su jedan uigrani tim i mi smo pravi sretnici što imamo ovakvu službu koja u svakom momentu zna da odgovori datom zadatku. Ja vam se iskreno zahvaljujem još jednom ispred Kluba Tuzlanske alternative, a što se tiče ovog javnog konkur...oglasa, neka ide svojim tokom, a ja sam siguran da će i naredni četiri godine na ovoj poziciji sjedit naša draga Slađana Krajina. Hvala.

ANA PEJIĆ

Zahvaljujem se. Sljedeća diskusija. Vijećnik Mirnes Ajanović. Izvolite.

MIRNES AJANOVIĆ

Pa, ja sam tu prilično dugo u odnosu na iskustva sa aktuelnim sekretarom Gradskog vijeća. Ono što kaže sad evo kolega, hvala joj što nas maltretira, bukvalno. A imao sam, ja tako i imam računavođu tamo, nema veze gdje, jer ne smiješ ništa uradit. Što god hoćeš, ne može kaže i onda prihvatiš ne može i hajde ideš dalje. Ali nikad nisam imao problem sa provjerama poreskim ili bilo kim. Tako da i nas Slađana maltretira u smislu da ako negdje pogriješimo, ispravi nas. Ali, za razliku od ove maločas kritike gdje sam rekao gdje se neki malo smijulje kad neki od nas nešto kažu, a trude se, a ne daju rješenje. Slađana da rješenje. Ne može ovako, al može ovako. Il ne može nikako i to je rješenje kad nekome kažete da je stanje takvo kakvo jeste. Tako da je ova, recimo, naša diskusija, ne u smislu da mi preudiciramo ko će proći, nego da tražimo da se kandiduje aktuelni sekretar, jer je to dužnost. Šta ćemo? Tu smo, odrađujemo, funkcionišemo. Nije pretjerivanje 24 sata, dobijemo poruku nekad i naveče i stalno podsjećanje. I dobro je Admir isto rekao da je ovo cijela Stručna služba. Dakle, to je jedinstven mehanizam kao jedna ruka koja se stisne u pesnicu i oni funkcionišu i prema nama i prema ostalima, ali ovo što se dešava na sjednicama Gradskog vijeća jeste ipak vrlo odgovorno. Prvo, valja počesto prihvatiti, propratiti, evidentirati naše prijedloge, zaključke, sve to. Kasnije to sistematizovati, ispraviti, dotjerati ako negdje i pogriješimo ili ga eventualno dotjera koji zaključak u smislu da to bude pravilnije. Vidim i ja kad napišem, još se dosta dobro razumijem u to, pa vidim neki par intervencija koje zaista popravljaju to, iako sam i relativno i dosta stručan i svašta, ali je bitno da dakle pročita, bez obzira šta mi dostavimo u pisanoj formi, il pričamo, sjede, pročita, zapanji me to ponekad. Ja nisam primijetio da nekad, da do sada neko na takav način daje sebe, troši sebe, a sluša sve nas još usput. I ja to mogu slično raditi, možda kraj na više tih nekih paralela, ali evo zadivljuje da još ima osoba koja dok sve nas sluša još, pogledam ispravi to, da pogledam vidi ja napravio sam grešku, ili bolje izgleda. Tako da je pored te zahvalnosti za olakšavanje rada Vijeća, truda, angažmana, svega, pa nekad naših i preleta, jer nekad su bile neke situacije koje su bile takve kakve jesu, danas smo govorili o afektivnosti. Nekad čovjek nešto uradi o nerazumijevanju, afektu ili svemu, al treba malo prije svega promisliti, razmisliti, ali evo i riješiti, ovo je dakle zaključak, ne treba ga pisati, ali obaveza Gradskog vijeća Tuzla, obaveza ponovnog kandidovanja, nema ograničenja koliko znam, dozvoljeno je. A iz razloga što je nekad bilo, mene je to malo iznenadilo na početku ovog mandata, kao moguće da više neće biti, pa pojasnili smo šta je problem. Nažalost, nešto se nosilo što nije trebalo da bude duže vrijeme, ali evo, riješeno je. Dakle, obaveza nije zaključak kandidatura da, e sad, odluka će biti u odnosu na sve ono što će pisati u kandidaturi, a nećemo preudicirati. Kako god, bitno je ispoštovati obavezu, treba nam to. Evo vidio sam danas, predsjedavajuća o nekim okolnostima, da neke promjene će možda biti nekad u ovom Vijeću, pa ono kaže zabrinula sam se sad. Dakle, savršeno funkcionišemo. Svi mi ovakvi kakvi smo. Do zadnjeg. Do 31-og vijećnika, plus računajući ovog 32-og, jest sekretara koji je sastavni dio Vijeća. Dobro odrađujemo ovaj posao. Faktički možemo reć sa nekakvim posebnim zadovoljstvom da smo korisni društveni u svemu. I kad vidimo da treba da odradimo, pogotovo nekome koji će imati posebnu korist ovog što mi radimo u smislu zdravstvene zaštite ili bilo čega, primijeti se to zadovoljstvo i da smo, baš moram reći, bili korisni. Tako da evo, ja vjerujem da je ovo stav svih nas, nas nekoliko ovo reklo. Ja sam na trenutak razmišljao da li da kažem da ne ispadnem da mi preudiciramo ko će biti izbran. Ne, ovo je samo zahtjev da se ne desi da iz bilo kojih razloga Slađana smatra da nešto možda treba drugo raditi u životu. Ne, ovo je sad obaveza i idemo dalje.

ANA PEJIĆ

Zahvaljujem se. Zaključujem diskusiju klubova vijećnika.

Otvaram diskusiju vijećnika.
 Da li se neko javlja.
 Vijećnica Svjetlana Kakeš. Izvolite.

SVJETLANA KAKEŠ

Evo, ja bih ovaj naravno da svi ovdje pretpostavljam, u stvari vjerujem svi, podržavamo ove diskusije koje smo čuli. Evo, takvi su propisi, mora se ponovo raspisat javni oglas i ponovo pristupiti izboru sekretara Gradskog vijeća, ali ja evo imam danas primjedbu na rad našeg sekretara, jer ne vidim da piše ikakve zaključke vezano za ovu tačku dnevnog reda. I ja bih voljela da pored zaključka da mi usvajamo i donosimo ovu odluku, da svakako bude i zaključak, da Gradsko vijeće izražava zahvalnost Slađani Krajini na dosadašnjem radu, da pohvaljuje njen rad i da ovu evo da izvučemo iz ovih diskusija, da to svakako ostane zapisano i na papiru kao zaključak prilikom usvajanja ove odluke. Hvala.

ANA PEJIĆ

Zahvaljujem se. Replika. Mirnes Ajanović. Izvolite.

MIRNES AJANOVIĆ

Pa nisam htio davat to formi, jer znam da Slađana to ne bi pratila, jer radi se osobi koja čak i ne vidi koliko je zasluga njena u svemu ovome što mi radimo. Tako da je to kao nepisani zaključak i obaveza, a da ne bi bilo preudiciranje, iz tog razloga i ne treba ga pisati. Dakle, da ne bude to, jer ne opraštamo se ništa, idemo dalje. Zato sam izbjegao ovu formu zvaničnosti, nego idemo u ovu nezvaničnu što imamo pravo da iznesemo svoje mišljenje i tražimo poštivanje stavova Gradskog vijeća. I zaključaka i zahtjeva. Hvala.

ANA PEJIĆ

Replika. Vijećnica Svjetlana Kakeš. Izvolite.

SVJETLANA KAKEŠ

Pa ništa, evo ja ću onda priključit se ovoj diskusiji kolege Mirnesa Ajanovića. Prihvatam ovu sugestiju, al evo osjećala sam potrebu da skrenem pažnju na to. Hvala.

ANA PEJIĆ

U redu. Da li se još neko javlja od vijećnika za diskusiju?

Zaključujem diskusiju vijećnika i da vas pitam da li ste za da glasamo u paketu o odluci i rješenju?

Stavljam na izjašnjavanje prijedlog Odluke o raspisivanju javnog oglasa, postupku i utvrđivanju uslova i kriterija za imenovanje sekretara Gradskog vijeća Tuzla, (sa tekstom javnog oglasa) i Rješenje o imenovanju Komisije za provođenje javnog oglasa za imenovanje sekretara Gradskog vijeća Tuzla i molim vas da se izjasnite.

Glasanje je okončano.

Konstatujem da je pročitana odluka i rješenje usvojeni sa,
 20 glasova za, nije bilo protiv i 5 suzdržanih.

Prelazimo na sljedeću tačku dnevnog reda:

Razmatranje i usvajanje:

- a) Rješenje o razrješenju člana Gradske izborne komisije Tuzla**
- b) Odluke o raspisivanju javnog oglasa za imenovanje člana Gradske izborne komisije Tuzla (sa tekstom javnog oglasa)**
- c) Rješenja o imenovanju Konkursne komisije za provođenje postupka imenovanja člana Gradske izborne komisije Tuzla**

Predlagač: Kolegij Gradskog vijeća.

Obrađivač: Stručna služba Gradskog vijeća.

Materijal su razmatrali: Komisija za statutarna pitanja i propise, Komisija za izbor i imenovanja (pod a i c) i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na...Da li ste za da glasamo u paketu i ovdje?

Stavljam na izjašnjavanje Rješenje o razrješenju člana Gradske izborne komisije Tuzla, Odluke o raspisivanju javnog oglasa za imenovanje člana Gradske izborne komisije Tuzla (sa tekstom javnog oglasa) i Rješenje o imenovanju Konkursne komisije za provođenje postupka imenovanja člana Gradske izborne komisije Tuzla i molim vas da se izjasnite.

Glasanje je okončano.

Konstatujem da su pročitana rješenja i odluka usvojeni sa,

20 glasova za, nije bilo protiv i 5 suzdržanih.

Prelazimo na sljedeću tačku dnevnog reda:

Razmatranje:

- a) Informacije o radu Komisije za provođenje javnog oglasa za imenovanje gradskog pravobranioca u Gradskom pravobranilaštvu Tuzla sa konačnom rang listom najuspješnijih kandidata za imenovanje gradskog pravobranioca u Gradskom pravobranilaštvu Tuzla**
- b) Donošenje Rješenja o konačnom imenovanju gradskog pravobranioca u Gradskom pravobranilaštvu Tuzla**

Obrađivač: Komisija za provođenje javnog oglasa za imenovanje gradskog pravobranioca u Gradskom pravobranilaštvu Tuzla sa konačnom rang listom najuspješnijih kandidata za imenovanje gradskog pravobranioca u Gradskom pravobranilaštvu Tuzla (pod a) i Stručna služba Gradskog vijeća (pod b).

Materijal su razmatrali: Komisija za statutarna pitanja i propise, Komisija za izbor i imenovanja i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i konstatujem da je Gradsko vijeće Tuzla primilo k znanju Informaciju o radu Komisije za provođenje javnog oglasa za imenovanje gradskog

pravobranioca u Gradskom pravobranilaštvu Tuzla sa konačnom rang listom najuspješnijih kandidata za imenovanje gradskog pravobranioca u Gradskom pravobranilaštvu Tuzla.

Stavljam na izjašnjavanje prijedlog Rješenja o konačnom imenovanju gradskog pravobranioca u Gradskom pravobranilaštvu Tuzla i molim vas da se izjasnite.

Glasanje je okončano.

Konstatujem da je pročitani prijedlog rješenja usvojen sa,

22 glasa za, nije bilo protiv i 5 suzdržanih.

Sada ćemo napraviti pauzu, kako bi Stručna služba Gradskog vijeća obezbijedila uslove da se imenovani gradski pravobranilac položi svečanu izjavu pred vijećnicima Gradskog vijeća Tuzla, a ujedno ćemo i napraviti i pauzu koju pravimo na svakoj sjednici, tako da dajem pauzu od 30 minuta.

(Pauza).

Pozivam vijećnike da uđu u salu kako bismo nastavili sa radom.

Nastavljamo sa radom.

Gradsko vijeće Tuzla...Možete, pozovite ih slobodno. Gradsko vijeće Tuzla je na današnjoj sjednici donijelo Rješenje, broj 01/04-A-1200-2026 o konačnom imenovanju gradskog pravobranioca u Gradskom pravobranilaštvu Tuzla, kojim se za gradskog pravobranioca u Gradskom pravobranilaštvu Tuzla imenuje Nina Popić Nezirović. Imenovana na dužnost stupa danom davanja svečane izjave pred Gradskim vijećem Tuzla.

Sada ćemo pristupiti činu davanja svečane izjave novoizabranog gradskog pravobranioca u Gradskom pravobranilaštvu Tuzla, u skladu sa članom 38. Zakona o pravobraniteljstvu („Službene novine Tuzlanskog kantona“, broj 4/04., 5/08., 2/14. i 4/18.) kojim je propisano da „prije stupanja na dužnost, gradski odnosno općinski pravobranitelj i zamjenik gradskog odnosno općinskog pravobranitelja daju svečanu izjavu pred gradskim odnosno općinskim vijećem“.

Pozivam gospođu Nezirović da priđe za sto i da da svečanu izjavu. Mensure, hoćete li vi?

Molim sve ostale prisutne da ustanu.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

„IZJAVLJUJEM DA ĆU U VRŠENJU SLUŽBE GRADSKOG PRAVOBRANIOCA PRIDRŽAVATI USTAVA I ZAKONA I DA ĆU SLUŽBU OBAVLJATI SAVJESNO.“

NINA POPIĆ NEZIROVIĆ - „IZJAVLJUJEM DA ĆU SE U VRŠENJU SLUŽBE GRADSKOG PRAVOBRANIOCA PRIDRŽAVATI USTAVA I ZAKONA I DA ĆU SLUŽBU OBAVLJATI SAVJESNO.“

ANA PEJIĆ

Gospođo Popić Nezirović, u ime Gradskog vijeća Tuzla, upućujem Vam iskrene čestitke.

(cvijeće). (aplauz).

Nastavljamo sa radom sjednice.

Razmatranje i usvajanje Odluke o bratimljenju Grada Tuzle i Opštine Velenje iz Republike Slovenije

Predlagač: gradonačelnik Grada Tuzla.

Obrađivač: Stručna služba Kabineta gradonačelnika.

Materijal su razmatrali: Komisija za statutarna pitanja i propise, Komisija za saradnju sa jedinicama lokalne uprave i samouprave i klubovi vijećnika.

Da li ima potrebe za uvodnim izlaganjem? (Treba). Treba.

Zamoliti ću samo obrađivač je Stručna služba Kabineta gradonačelnika, pa zamoliti ću samo da neko ispred službe Kabineta gradonačelnika izađe i da uvodno obrazloženje.

Evo gospođa Asja Kravić. Izvolite.

ASJA KRAVIĆ – ispred Stručne službe Kabineta gradonačelnika Grada Tuzla

Srdačno vas pozdravljam. Ja ću vrlo kratko. Znači, ovo je onaj jedna odluka, znači pravni osnov za donošenje odluke je Zakon o principima lokalne samouprave i odluka o proceduri predlaganja i donošenja odluke o bratimljenju Tuzle sa gradovima i lokalnim zajednicama izvan područja Republike Bosne i Hercegovine.

Nakon održanih sastanaka predstavnika općine Velenje i Grada Tuzla, a imajući u vidu obostranu želju svih ovih jedinica lokalne samouprave za jačanje međunarodne saradnje, pokrenute su aktivnosti s ciljem formalnog bratimljenja i razvijanja saradnje u oblastima energetske efikantnosti, kulture, turizma i sporta.

S obzirom da je Velenje, baš kao i Tuzla poznato po rudarstvu, te da se na području Velenja nalazi Rudnik lignita, pravedna tradicija, zelena ekonomija, znači su polja od posebnog interesa za obe jedinice lokalne samouprave. Imajući u vidu sve navedeno, predlaže se donošenje ove odluke. Hvala.

ANA PEJIĆ

Zahvaljujem se.

Da li ima potrebe da se pročitaju izvještaji komisija? Nema. Zahvaljujem se Asja.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje Odluku o bratimljenju Grada Tuzle i Opštine Velenje iz Republike Slovenije, te vas molim da se izjasnite.

Vijećnik Emir Šahović, samo molim vas.

Glasanje je okončano.

Konstatujem da je pročitana odluka usvojena sa,

18 glasova za, nije bilo protiv i 6 suzdržanih.

Sljedeća tačka dnevnog reda:

Razmatranje i usvajanje nacрта:

a) Regulacionog plana sjeverne strane ulice Kazan mahala u Tuzli

b) Odluke o provođenju Regulacionog plana sjeverne strane ulice Kazan mahala u Tuzli

Predlagatelj: gradonačelnik Grada Tuzla.
 Obradivač: Služba za prostorno uređenje i zaštitu okoline i UO Zavod za urbanizam.
 Materijal su razmatrali: Komisija za statutarna pitanja i propise, Komisija za prostorno uređenje i zaštitu okoline i klubovi vijećnika.
 Da li ima potrebe za uvodnim izlaganjem? Nema.
 Da li ima potrebe da se pročitaju izvještaji komisija? Nema.
 Otvaram raspravu klubova vijećnika.
 Vijećnik Senad Mehmedinović. Izvolite.

SENAD MEHMEDINOVIĆ

Ništa, ja samo želim da se zahvalim, da čestitam službi, što je jedna, mogu da tako slobodno kažem, pogotovo u posljednje vrijeme, jedna od rijetkih koja čita zaključke Gradskog vijeća, pa, ne samo da čitaju, nego i ono što smo mi predložili usvoje. I predlože to sada u ovom dokumentu. Dakle, ja sam govorio uvijek i to je zaključak bio prije, da u svim budućim nacrtima regulacionih planova treba da bude dio koji se odnosi na uklanjanje arhitektonskih barijera i u smislu one uredbe sa federalnog nivoa koja je donesena. Tako da pozdravljam predstavnike službi i vidimo da u ovom dokumentu član 49. upravo postoji nešto što nije postojao, a to je ova uredba koja je veoma bitna, što znači da sve u budućnosti kroz nacрте regulacionih planova i regulacionih planova što se bude moralo raditi, morat će se raditi po principu univerzalnog dizajna, a to nam u stvari govori već da možemo da govorimo o inkluzivnosti grada Tuzle, na način da se i osobe sa različitim vrstama i stepenima invalidnosti mogu kretati nesmetano po površinama i nesmetano po ovim zgradama koje će se raditi. Hvala lijepo.

ANA PEJIĆ

Zahvaljujem se. Da li se još neko javlja?
 Vijećnik Mirnes Ajanović. Izvolite.

MIRNES AJANOVIĆ

Pridružujem se diskusiji kolege Senada, jer smo mi juče na Komisiji za statutarna pitanja i propise raspravljali isto o ovome i to je osnovna stvar koja je bila u vezi ovog regulacionog plana, tako da ja nemam šta više reći. Sve je rekao kolega.

ANA PEJIĆ

U redu. Vijećnik Admir Hasanbašić. Izvolite.

ADMIR HASANBAŠIĆ

Hvala lijepo. Pridružujem se i podržavam diskusije kolege Senada Mehmedinovića i kolege Mirnesa Ajanovića. Hvala.

ANA PEJIĆ

Zahvaljujem se. Da li se još neko javlja ispred klubova vijećnika?
 Zaključujem diskusiju klubova vijećnika.
 Otvaram diskusiju vijećnika.

Zaključujem diskusiju vijećnika i hoćemo u paketu? Stavljam na izjašnjavanje nacrt Regulacionog plana sjeverne strane ulice Kazan mahala u Tuzli i nacrt Odluke o provođenju Regulacionog plana sjeverne strane ulice Kazan mahala u Tuzli i molim vas da se izjasnite.

Glasanje je okončano.

Konstatujem da su nacrt Regulacionog plana sjeverne strane ulice Kazan mahala u Tuzli i Odluke o provođenju Regulacionog plana sjeverne strane ulice Kazan mahala u Tuzli usvojeni sa,

18 glasova za, nije bilo protiv i 6 suzdržanih.

Sljedeća tačka dnevnog reda:

Razmatranje i usvajanje Odluke o pristupanju izradi Zoning plana poslovne zone „Kreka sjever“

Predlagач: gradonačelnik Grada Tuzla.

Obrađivač: Služba za prostorno uređenje i zaštitu okoline i UO Zavod za urbanizam.

Materijal su razmatrali: Komisija za statutarna pitanja i propise, Komisija za prostorno uređenje i zaštitu okoline, Komisija za ekonomske odnose, Komisija za poduzetništvo i klubovi vijećnika.

Da li ima potrebe za uvodnim izlaganjem? Nema.

Da li ima potrebe da se pročitaju izvještaji komisija? Nema.

Otvaram raspravu klubova vijećnika.

Vijećnik Mirnes Ajanović. Izvolite.

MIRNES AJANOVIĆ

I ovo smo juče raspravljali detaljnije. Inače sve raspravljamo detaljno, ali detaljnije je na Komisiji za statutarna pitanja i propise. Dobili smo informaciju pomoćnika gradonačelnika u vezi ovoga zašto Zoning plan. Pa možda i ne znate da vam prezentiram. Kada idemo sa regulacionim planom, tad su objekti koji su definirani u tom planu zakovani. I faktički da bi mijenjali objekat u bilo kojem smislu, u gabaritima, mora se mijenjati plan. Kad se ide sa Zoning planom, onda nije ta zakovanost, može se lakše i fleksibilnije biti u odnosu sa investitorima. Iz tog razloga je za ovaj dio urađen ovaj Zoning plan koji je povoljniji u ovakvim okolnostima kada je izvodljiv, naravno, i evo, daće veću mogućnost za sve što je potrebno u vezi ovakvog Zoning plana poslovne zone. Zato i jeste urađeno ovako, da se prilagodi privrednicima, da mogu lakše ostvariti ono što u toku same gradnje vidi se da je došlo do raznih izmjena, promjena, potreba, povećanja čak i prostora, a kad je regulacioni plan, to nije moguće. Tako da je podrška za ovo.

ANA PEJIĆ

U redu. Da li se još neko javlja ispred klubova vijećnika.

Vijećnik Samir Mulaosmanović. Izvolite.

SAMIR MULAOSMANOVIĆ – vijećnik SDP – Socijaldemokratske partije Bosne i Hercegovine

Hvala. Evo, kolega Mirnes je sve objasnio. Ja bi samo da pohvalim način razmišljanja i da ovo bude neka smjernica za ubuduće. Stvarno, definitivno, pomak je u ovom slučaju izlazi u susret privrednicima, tako da sve pohvale službi za ovakav način razmišljanja. Hvala puno.

ANA PEJIĆ

Zahvaljujem se. Da li se još neko javlja ispred klubova vijećnika?
 Zaključujem diskusiju klubova vijećnika.
 Otvaram raspravu vijećnika.
 Vijećnik Omer Berbić. Izvolite.

OMER BERBIĆ

Hvala ljepo. Moram isto reći da mi je drago da govorimo o ovim zonama, znači proizvodnim i drago mi je da se ide sa Zoning planom, pošto je to neoptrećujuće. Također, nadam se da ćemo ubrzo, nakon što prođe generalni ovaj prostorni plan Tuzlanskog kantona, imati još više Zoning planova oko privrednih zona, jer znam da smo bili na jednom sastanku gospodin Mensur, ja i gradonačelnik, mislim da je Selma bila, gospođa Selma iz Urbanizma, da smo dogovorili da grad Tuzla daje primjer, da želimo još više privrednih zona u gradu Tuzla, to se pogotovo odnosi gore na Husino i onaj dio koji ide prema Živinicama, na Gornju Tuzlu gore i ovaj pravac Bare, Požarnica i tako dalje. Mislimo da su ove proizvodne zone, budućnost Tuzle i evo samo se nadam da ćemo u budućnosti, osim ovih stvari, moći da ubrzamo izdavanje građevničkih dozvola za proizvodne objekte koji sada jako dugo traju. I evo, puna podrška, nadam se što većem broju zona i proizvodnje i u budućnosti.

ANA PEJIĆ

Zahvaljujem se. Da li se još neko javlja ispred vijećnika?
 Zaključujem diskusiju vijećnika i stavljam na izjašnjavanje prijedlog Odluke o pristupanju izradi Zoning plana poslovne zone „Kreka sjever“ i molim vas da se izjasnite.
 Glasanje je okončano.
 Konstatujem da je pročitana odluka usvojena sa,
 17 glasova za, nije bilo protiv i 6 suzdržanih.

Prelazimo na sljedeću tačku dnevnog reda:

Razmatranje i usvajanje Odluke o pristupanju izradi Urbanističkog projekta sjevernog dijela prostorne cjeline „Stari Grad“

Predlagač: gradonačelnik Grada Tuzla.
 Obradivač: Služba za prostorno uređenje i zaštitu okoline i UO Zavod za urbanizam.
 Materijal su razmatrali: Komisija za statutarna pitanja i propise, Komisija za prostorno uređenje i zaštitu okoline i klubovi vijećnika.
 Da li ima potrebe za uvodnim izlaganjem? Nema.
 Da li ima potrebe da se pročitaju izvještaji komisija? Nema.
 Otvaram raspravu klubova vijećnika.
 Zatvaram raspravu klubova vijećnika.
 Otvaram raspravu vijećnika.
 Zatvaram raspravu vijećnika i stavljam na izjašnjavanje prijedlog Odluke o pristupanju izradi Urbanističkog projekta sjevernog dijela prostorne cjeline „Stari Grad“ i molim vas da se izjasnite.
 Glasanje je okončano.
 Konstatujem da je pročitana odluka usvojena sa,
 17 glasova za, nije bilo protiv i 6 suzdržanih.

Sada dajem pauzu od 10 minuta.

(Pauza).

Nastavljamo sa radom sjednice.

Razmatranje i usvajanje...Možemo nastaviti dalje? Možemo.

Razmatranje i usvajanje Odluke o davanju prethodne saglasnosti Nadzornom odboru JP SKPC „Mejdan“ d.o.o Tuzla za imenovanje direktora društva

Predlagач: gradonačelnik Grada Tuzla.

Obrađivač: Služba za ekonomski razvoj, poduzetništvo i poljoprivredu i Nadzorni odbor JP SKPC „Mejdan“ d.o.o Tuzla.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Vijećnik Senad Mehmedinović. Izvolite.

SENAD MEHMEDINOVIĆ

Ma čekao sam da vidim, hoćel se neko javiti iz pozicije, pa da nešto prokomentarišem. Prije svega, moram da kažem da ovaj prvi prijedlog koji je gospodin Jasenko, da bez obzira to što se poznamo, da je riječ o osobi koja je dugogodišnji sportski radnik. Bio je direktor Mejdana, pa pomoćnik direktora, pa sad opet direktor, tako da definitivno je predložena osoba koja ima dobro radno iskustvo po pitanju vođenja i rukovođenja Mejdanom.

Vidim da smo u ovoj zadnjoj trećini malo dobili potpuniji izvještaj, u smislu pojedinačnih bodova koji su dobili kandidati. To je dobro, jer je to nedostajalo ovom prijašnjem izvještaju. Takođe, moram da kažem da mi je drago da pozicija funkcionise na najbolji mogući način. Vidimo da su bila tri, četiri kandidata. Svaki kandidat je nosio drugačiji dres i može se zaključiti da je bilo više kandidata iz pozicije, a predložen je onaj kroz odluku, gdje se po svemu sudećem pozicija nije ni pitala, al pošteno i to su lijepa lekcija.

Tako da onaj, mi iz opozicije ćemo podržati dobar kandidat, pošto se vi iz pozicije i ne pitate ko će biti. Tako da onaj, svaka čast na prijedlogu i mi ćemo podržati izbor Jasenka kao kandidata. Hvala.

ANA PEJIĆ

Zahvaljujem se. Da li se još neko javlja? Može. Replika. Vijećnik Nedžad Jusić. Izvolite.

NEDŽAD JUSIĆ

Poštovani kolega Senade, ovaj, ne treba nitko ovdje da se pita u ovoj sali ko će biti direktor, a tko neće. To određuje komisija. Hvala.

ANA PEJIĆ

Replika. Vijećnik Senad Mehmedinović. Izvolite.

SENAD MEHMEDINOVIĆ

Hvala. Hvala kolegi. Hvala kolegi što mi je objasnio kako ide izbor, onaj, samo možda zaboravio da se na kraju Vijeća digne ruka za ovo, pa eto.

ANA PEJIĆ

U redu. Diskusija. Vijećnik Mirnes Ajanović. Izvolite.

MIRNES AJANOVIĆ

Kao i Senad i ja nisam htio da diskutujem. Nisam vlast, nisam većina, jesam i većina i opozicija kad treba da se odlučuje u interesu građana. I nisam. Ako nije u interesu. Ali, prvo ovo tačno je, mi odlučujemo bez obzira na komisiju, na sve mi smo ti koji na kraju dajemo saglasnost ili ne. Ako ne damo, džaba im što su oni pričali. Radili, analizirali, ispitivali, šta god da su radili. Al ja se pridružujem ovaj put kolegi Senadu, jer je obrazložio razlog. Ja ne znam ovog čovjeka. Možda sam ga viđao imenom i prezimenom. Ne mogu da vidim lik. Ne znam ko je. Nisam imao priliku da budemo u kontaktu. Ali ako opozicija kaže, mi iz opozicije, nije rekao, mi iz svoje stranke, odnosno kluba, ja sam saglasan s tim, mi iz opozicije daćemo podršku.

ANA PEJIĆ

Zahvaljujem se. Da li se još neko javlja za diskusiju vijećnika?
Vijećnik Denis Bećirović. Izvolite.

DENIS BEĆIROVIĆ

Hvala predsjedavajuća. Evo ja bi, obzirom da se radi o ovom Javnom preduzeću, vjerovatno ćemo imati priliku razgovarati sa imenovanim direktorom u nekom narednom periodu kada bude izvještaj, al evo htio bi nešto podijeliti sa kolegicama i kolegama u Vijeću, pa možda i predložiti jednu formu zaključka vezano za Mejdan.

Dakle, ko god da bude izabran za direktora, ono što je moja želja je kao nekoga koji je odrastao u Mejdanu, neko ko je u Klubu borilačkih sportova Tuzla, Simbra Tuzla, danas Tuzla, godine provodio dole i svi koji su prošli, znaju šta taj prostor znači. Ma ne bi da se skloni onaj džingl, mislim da je radio Kameleon, izvinjavam se ako spominjem ime radija, ali pokušavam targetirati gdje je, ima neki džingl koji radi reklamiranje Sportsko kulturnog privrednog centra Mejdan, gdje čovjek onako pričajući kroz nos na jedan neumjesan način jednu takvu instituciju reklamira. Dakle, volio bi ako imamo Slađo, opet znate propise bolje nego mi svi ovdje, dakle, da mi pomognete sa konstrukcijom ovog zaključka, pa da vidimo da li će Vijeće prihvatiti, dakle, da se ta reklama skloni ili da bude neprihvatljiva. Neki dan vozeći se na posao ujutru onakvo zdanje, onakav objekat od tog značaja za razvoj svih ljudi, posebno naših sportista, zaslužuje dobru reklamu i evo i novi zadatak da bude direktoru da izrade novu reklamu, ali ono stvarno, onu sramotu treba ugastiti. Mislim da je radio Kameleon, mislim da je radio Kameleon da sam kod njih to čuo. (ANA PEJIĆ – Molim vas, bez dobacivanja. Slađana, jeste li vi nešto rekli?). (SLAĐANA KRAJINA – Da se ukloni reklama jel?). Samo

da se više ovaj ne reproducira. Dakle, da se ne...(ANA PEJIĆ – Možel to da ide kao prijedlog ili sugestija ili kao zaključak?). Zaključak. Evo ja bi... Evo i sugestija. (ANA PEJIĆ – Sugestija znači). Evo sugestija. Ne mora ić kao zaključak. (ANA PEJIĆ – Molim vas, bez dobacivanja. Molim vas, samo za tišinu. Slađana, izvolite, vi upalite samo...Možete samo molim vas Denise mikrofon. Izvolite Slađana).

SLAĐANA KRAJINA – sekretar Gradskog vijeća Tuzla

Ma možemo mi sugerisat menadžmentu, ali ja sad ne znam mislim kako su oni to regulisali, jesul potpisali ugovor s njima, na koji period il nešto, kakav je tip reklame, al evo ima resorna služba, pa će prenijet ovu sugestiju Mejdanu. A nema smetnje ni zaključak. Nema smetnje.

ANA PEJIĆ

Izvolite Denise. Nastavite.

DENIS BEĆIROVIĆ

Onda u redu, evo, obzirom na prijedlog, dakle, neka ide kao sugestija za dakle, prestana...zaustavljanje reprodukcije reklamami, džingla, mislim to zovu džingl. Ako uspijete, ja sam pokušao naći na YouTube-u, nema, htio sam pustit da čujete svi. Grozno je. Grozno je, evo, ako služba može, dakle, imamo javno preduzeće koje stvarno, evo, radi, okuplja sportske kolektive, takmičenja, sve živo, a onda nam tu dođe čovjek i kroz nos reklamira, nije, nije, nije, nije pristojno. Nije pristojno sa svih mogućih aspekata.

ANA PEJIĆ

U redu. Da li se još neko ja...Replika. Replika. Vijećnik Senad Mehmedinović. Izvolite. Može samo mikrofon Denise da isključite. Izvolite Senade.

SENAD MEHMEDINOVIĆ

Dobro, pozitivna je replika, naravno to ko je reklamirao, vjerovatno je angažovan od strane, evo, ako je riječ Kameleon, Kameleona, onaj, međutim, možda, samo eto sugestija ubuduće, kad se snimaju reklame, da budu angažovane osobe koje nemaju, možda, onaj, alergije, pa da nemaju taj nazalni govor. Povlačim, šalim se.

ANA PEJIĆ

U redu. Nedžad Jusić. Jestel se vi javili il? Replika je li? (NEDŽAD JUSIĆ – Ma može il replika iz ispravka krivog navoda). Izvolite. Replika.

NEDŽAD JUSIĆ

Možda samo sugestija da se poboljšaju reklame za Mejdani. Možda u tom pravcu ukoliko...

ANA PEJIĆ

U redu. U redu. Da li se još neko javlja za diskusiju?
Vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Pa evo, sad neka ovo ide kao sugestija, a ja bih zamolio Denisa da na sljedećem Gradskom vijeću, na sljedećoj sjednici, podnese inicijativu daleko bi bilo efekasnije i bolje.

ANA PEJIĆ

Zahvaljujem se. Da li se još neko javlja diskusiju vijećnika?
Može li bez dobacivanja, molim vas?

Zaključujem diskusiju vijećnika i stavljam na izjašnjavaње prijedlog Odluke o davanju prethodne saglasnosti Nadzornom odboru JP SKPC „Mejdan“ d.o.o Tuzla za imenovanje direktora društva i molim vas da se izjasnite.

Glasanje je okončano.

Konstatujem da je pročitana odluka usvojena sa,
22 glasa za, nije bilo protiv i 6 suzdržanih.

Prelazimo na sljedeću tačku dnevnog reda:

Razmatranje i usvajanje Odluke o izmjeni i dopuni Odluke o kriterijima i postupku za ostvarivanje prava na obavezno zdravstveno osiguranje osoba u stanju socijalne potrebe koje nisu osigurane po drugom osnovu

Predlagač: gradonačelnik Grada Tuzla.

Obrađivač: Služba za kulturu, sport, mlade i socijalnu zaštitu.

Materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Da li ima potrebe za uvodnim izlaganjem? (Da). Treba je li? Ok. Zamolit ću samo preds...Evo Asja Redžić, pomoćnik gradonačelnika za kulturu, sport, mlade i socijalnu zaštitu, pa samo kratko.

**ASJA REDŽIĆ – pomoćnik gradonačelnika Službe za
kulturu, sport, mlade i socijalnu zaštitu**

Dobar dan svima. Poštovna predsjedavajuća, dopredsjedavajući, uvaženi vijećnici i vijećnice, ova izmjena je tehničke prirode. Dakle, u vezi sa Zakonom o zaštiti ličnih podataka u službi, u Centru za socijalni rad, više ne mogu po službenoj dužnosti pribavljati podatke iz Porezne uprave, nego moraju građani lično da uvjerenje iz Porezne pribavljaju.

Dakle, ovo je čisto tehničke prirode. I po službenoj dužnosti, Služba za kulturu, sport, mlade i socijalnu zaštitu pribavlja mjesto prebivališta, a više ne dostavljaju građani PBA 3 obrazac. Znači, to je samo tehnička priroda. Ako ima nekih pitanja, stojim na raspolaganju.

ANA PEJIĆ

Zahvaljujem se. Otvaram diskusiju klubova vijećnika.
Vijećnik Zlatan Mehmedović. Izvolite.

**ZLATAN MEHMEDOVIĆ – vijećnik SDP – Socijaldemokratske partije
Bosne i Hercegovine**

Evo ja ću kratko, pozdravljam sve prisutne. Evo, kao vijećnik i predsjednik Kluba SDP-a, ali i kao ljekar koji svakodnevno radi s pacijentima, smatram da su ove izmjene opravdane i potrebne. U praksi vrlo jasno vidimo koliko je važno da osobe u stanju socijalne potrebe imaju brz i zakonit pristup obaveznom zdravstvenom osiguranju, posebno kad je riječ o teškim i hitnim oboljenjima. Izmjene odluke usklađuju postupak sa propisima o zaštiti ličnih podataka i jasno definišu odgovornosti, što je važno za pravnu sigurnost sistema. Istovremeno, važno je da gradske službe pokažu dodatnu osjetljivost i pruže administrativnu podršku građanima koji se teže snalaze u pribavljanju dokumentacije, kako procedura ne bi postala prepreka ostvarivanju prava.

Kao SDP podržavamo rješenja koje štite socijalno najugroženije, unapređuju transparentnost i ne stvaraju dodatni finansijski teret za budžet Grada. Svakako, ovo je korak kao uređenijem, pravednijem i humanijem sistemu zdravstvene zaštite na lokalnom nivou. Hvala.

ANA PEJIĆ

Zahvaljujem se. Da li se još neko javlja ispred klubova? Vijećnik Nedžad Jusić, pa vijećnik Mirnes Ajanović. Izvolite.

NEDŽAD JUSIĆ

Hvala predsjedavajuća. Evo, imamo ovu tačku dnevnog reda Razmatranje i usvajanje odluke o izmjeni i dopuni odluke o kriterijima i postupku za ostvarivanje prava na obavezno zdravstveno osiguranje osoba u stanju socijalne potrebe koji nisu osigurani po drugom osnovu.

Ja sam diskutovao kada smo usvajali Budžet Grada Tuzla za 2026. godinu i na toj budžetskoj liniji smo predvidjeli 170.000 maraka, gdje Grad Tuzla, ovo moramo naglasiti i nije obavezan da finansira pomenuto zdravstveno osiguranje. To je u nadležnosti viših nivoa vlasti, ali ipak zbog građana grada Tuzle donešena je takav pravilnik i odluka da Grad Tuzla osigurava lica u stanju socijalne potrebe koja ne mogu ostvariti pravo na zdravstvenu zaštitu po bilo kojem drugom osnovu i evo iz godine u godinu sve veći i veći broj je takvih građana, ako se ja ne varam, mi smo krenuli nekad prije nekih možda šest, sedam, osam godina ne znam sad tačno, sa četiri hiljade maraka na ovoj budžetskoj liniji, evo danas imamo sto sedamdeset hiljada maraka i možda i mi u nekom narednom periodu kao Gradsko vijeće trebamo uputiti određenu inicijativu višim nivoima vlasti koji između ostalog i ubiru porez za ove namjere i namjene da prilagode svoju zakonsku legistativu kako bi svi građani ne samo grada Tuzle, Tuzlanskog kantona i šire, imali osnovni paket zdravstvenog osiguranja i ovo je za svaku pohvalu za prvenstveno službu koja sprovodi i radi sa građanima grada Tuzle i jednostavno na neki način olakšava svaku bol, ono ako se može tako reći, za građane koji nemaju zdravstveno osiguranje. Možda od nas ovdje koji smo u sali nismo došli do toga da nam je potrebna ljekarska pomoć da nemamo zdravstveno osiguranje i dođemo na šalter ili kod nekog, neće se uvrijediti neki zdravstveni radnici koji su ovdje s nama u Vijeću i

oni stvarno čestiti i poštteni zdravstveni radnici, dođete kod zdravstvenog radnika, on vam traži da vam pruži uslugu, zdravstvenu legitimaciju, a vi je nemate i nažalost u nekim slučajevima se i ne pruži ovaj usluga i zbog toga je ovo vrlo važna odluka za sve građane grada Tuzle i puna podrška svima nama između ostaloga, a posebno pomenutoj službi koja realizuje ovu odluku i normalno ovo je s tehničke prirode izmjena ove odluke, ali između ostalog imao sam potrebu da kažem, ovaj, po ovoj tači dnevnog reda ovih par riječi i jednostavno naznaka za ovu odluku. Hvala.

ANA PEJIĆ

Zahvaljujem se. (ERVIN ALIBEGOVIĆ – Može replika?). Replika. Prvo vijećnik Šefik Husić, pa replika vijećnik Ervin Alibegović. Izvolite.

ŠEFIK HUSIĆ – vijećnik SDA – Stranke demokratske akcije

Evo ja prije svega sve da vas pozdravim onaj i da skrenem pažnju da ovo što je kolega Jusić rekao u ovom dijelu da se ne pruži zdravstvena usluga, to nije istina. Znači, onaj, kome nije pružena zdravstvena usluga, što se tiče bilo koje javne zdravstvene ustanove, znači, treba je odmah tu zdravstvenu ustanovu tužiti, jer po etičkom kodeksu znači po zakonu svaki građanin znači bez obzira dal ima zdravstveno osiguranje ili nema zdravstveno osiguranje, 72 sata znači ustanove su dužne, onaj, da pruže zdravstvenu zaštitu. Tako da onaj ovo su paušalna iznošenja nekih polu informacija u najmanju ruku onaj i molio bi evo da ovdje ne govorimo znači neke stvari koje nisu istina. Hvala.

ANA PEJIĆ

Replika. Vijećnik Ervin Alibegović, pa onda može...Možda i ova replika, pa da vidimo ako bude vama upućena, pa da možete na obje replike. Izvolite. Vijećnik Ervin Alibegović. Replika.

ERVIN ALIBEGOVIĆ – vijećnik Demokratske fronte – DF

Hvala. Iskoristio bi priliku da vas, da vas sve pozdravim. Naravno ova inicijativa koju smo dobili je dobra, da li je lokalna zajednica odgovorna ne u smislu podnošenja, ali u smislu socijalne zaštite inicijativa itekako postoji odgovornost, dakle i lokalne zajednice. Hvala svima vama, svima nama, koji se angažuju, a pogotovo stručnim službama na tom planu.

Moja replika se odnosi upravo na zdravstvene radnike i ja bi zamolio da se bez argumenata ne prozivaju, dakle, zdravstvena zaštita se pusti, medicinske sestre, tehničari, vozači, ljekari, adekvatno pružaju svima zdravstvenu zaštitu, a naplatni postupak po utvrđivanju identiteta vodi se kasnije. To je zaseban regresni postupak, pa molim, dakle, ako je bilo ovakvih slučajeva, volio bi i ja da kao član etičkog komiteta, znam, ali takvih pritužbi nije bilo, ja oštro odbacujem ovakve navode. Hvala.

ANA PEJIĆ

Replika. Vijećnik Nedžad Jusić. Izvolite.

NEDŽAD JUSIĆ

Ok. Hvala. Replika kolegama, dal da vjerujemo vama ili svojim očima, ne znam više, a ovaj, a ovo malo postaje onaj malo, ne znam više kako da pravu riječ, ovaj, upotrijebim. Ja na sedmičnom nivou možda u mjesečno dva puta najmanje dolaze građani grada Tuzle, koji nisu dobili zdravstvenu uslugu dal u Domu zdravlja Tuzla il na Kliničkom centru, zato što nisu imali zdravstveno osiguranje, zato što nisu zdravstveno osigurani.

Samo da vas posjetim. Doktore, pošto ste vi u etičkom kontekst...kodeksu, više, malo se ovaj poč...komitetu gubim. Šta ste postupili po zvaničnom događaju koji je bio gdje Danis Tanović snimio film za Romkinju jednu koja je trebala život da izgubi? Nije netko od vaših kolega na UKC-u, nije htio da je primi, da izvrši abortus, jer nije imala zdravstvenu knjižicu, a plod je bio mrtav. I zbog toga šta ste uradili? Znači, nemojmo pričati iz udobne fotelje da vidimo kako oni građani obični koji stvarno su ugroženi po tom osnovu i govorimo da nema od toga ništa. Evo ja vam obećavam, znači ovo ja ne pričam uzalud i paušalno, nego pričam konkretno sa slučajevima, gdje ljudi nemaju zdravstveno osiguranje, u stanju su potrebe, dođu da prime se u zdravstvenu ustanovu, prvo što im traže, traže im zdravstvenu knjižicu. (ANA PEJIĆ – Molim vas, samo vodite računa o vremenu. Replika je u pitanju). E toliko. U redu. Znači, konkretan vam je evo slučaj. Upoznati ste sa slučajem za film koji je snimio Danis Tanović. Hvala.

ANA PEJIĆ

Replika. Vijećnik...Ispravka krivog navoda. Vijećnik Mirnes Ajanović. Izvolite.

MIRNES AJANOVIĆ

Da prekinemo replike, jer su u pravu i kolege iz zdravstva i Nedžad. I nisu u pravu. Zašto? Zato što građani ne znaju. Ne zna ni Nedžad. Ne znaju ni kolege koji su se javile. Nisam ni ja imao tu informaciju. Dakle, nisam ja pametniji od njih, nego jednostavno nisam imao informaciju. Da Nedžade, ne može se doć ljekaru bez knjižice. Ljekar prima i poduzima mjere po knjižici. I u pravu su oni. Oni kažu nisu vratili. To on može primit ako hoće onako. Knjižicu, zdravstvenu odnosno karticu moraš imati. Ali, problem je što građani ne znaju da imaju pravo na tu zdravstvenu karticu. U tome je problem Nedžade. Ne znaju, evo ga. Službene novine kantona 14/22 25.07. Odluka o utvrđivanju osnovica, stopa i načina obračunavanja i uplate doprinosa za obavezno zdravstveno osiguranje na području Tuzlanskog kantona. Član 3. Ko su obveznici doprinosa? I govori se o organima i slično. Ali u tom članu 3. pod tačkom f) ko je dužan? Organ uprave kantona. Ko plaća onima koji nemaju mogućnost da plate? Organ uprave kantona, odnosno jedinice lokalne samouprave Tuzlanskom kantonu. Grad. Zato mi imamo našu odluku koju smo sad evo nazvali, dug je naziv, da je ne čitamo ponovno u članu 3. Ali nisam ni ja ovo znao. Ovo sam predložio Amandmanom da preciziramo, pa sam ga povuko, jer je Asja Redžić, pomoćnik gradonačelnika zvala me jučer kad je bio Amandman, raspravljali smo nekoliko puta, raspravljali i danas i dobili smo i zauzeli sve ove informacije dobili, zauzeli stav, da je našom odlukom to pokriveno. I onda je zajednički prijedlog bio, danas će biti kad budem dobio riječ da razgovaram, zato sam rekao da ne idem dalje u replikama. Prijedlog da mi obavijestimo javnost da imaju ovo pravo. Dakle, ne možeš doć pred doktora ako nemaš zdravstvenu karticu. Ne mora te primit. Može ako hoće, ali tad na svoju odgovornost može izgubit posao. Zavisi od rukovodioca kakav je. Ali svako ima pravo na zdravstvenu karticu, osim ako svojom krivicom nije htio da izvadi. Ima nekakve milione, mrsko mu da ode tamo da izvadi zdravstvenu karticu i kaže moja prava ugrožena. E ti ne moreš imat. Ali ako imaš bilo kakvu, to ću u diskusiji, socijalnu potrebu, pa i ako imaš stan. Kaže ima

on stan. I tu je socijalna pot...Pa neće prodat stan, izać na cestu da bi mogo dobit zdravstvenu zaštitu. Kao što u sudu ne možete biti oslobođeni sudske takse. Kaže sudija imate stan. Nije sudija kriv, nego takav propis. Šta će, treba izać na cestu, bit beskućnik? (ANA PEJIĆ - Molim vas, samo vodite računa o vremenu, obzirom da je ispravka krivog naroda). Ispravka je iz ovog razloga. I jedni i drugi su u pravu, ali kroz diskusiju ću precizirati kako da ovo riješimo.

ANA PEJIĆ

U redu. Replika. Vijećnik Šefik Husić, pa vijećnik Ervin Alibegović. Javili ste se. Izvolite.

ŠEFIK HUSIĆ

Ma, ja bih još jedanput da demantujem ovo da je neko odbio da pruži zdravstvenu uslugu, jer zakon je tu decidan. Može znači bit da nisu ispunjeni zakonski uslovi ovog tipa što kaže kolega Mirnes. Znači, al to je odgovornost svakog građanina, znači, da posjeduje. Zove se zdravstvena legitimacija. Znači, to je dokument koji vi morate imati. Zdravstveno osiguranje. Znači, pa postoji mogućnost da ga nemate. I ovo što kaže profesor Alibegović, znači, to je kasnije postupak upravni koji se vodi. Znači, ko će platiti ili naplatiti, ali tog zdravstvenog radnika u trenutku kad treba da pruži hitnu zdravstvenu zaštituu, znači, ne interesuje, on postupa po zakonu, znači, koji kaže 72 sata. I tu je tačka. Tako da ovo, s pravom kažem da je paušalna informacija i ne želim da to na kraju krajeva završi u javnosti, tako da je neko oštećen, pogotov, znači iz Javne ustanove Klinički centar Tuzla, onaj, sigurno, niko nije vraćen, znači, a da je ispunio zakonske uslove za pružanje zdravstvene zaštite. I u hitnim, naravno u hitnim slučajevima.

ANA PEJIĆ

Replika. Vijećnik Ervin Alibegović. Izvolite.

ERVIN ALIBEGOVIĆ

Hvala vam. Pretvorit će se iz repliku u repliku, ali ja sam dužan sa bilo koje, pa i sa ove pozicije, da branim svoje kolege i kolegice ukoliko rade ispravno, a i saradnike. Dakle, niko nije vraćen zato što nije imao zdravstvenu knjižicu. A pošto mi je direktno gospodin Nedžad uputio ovako jednu kritiku da sjedim ja u udobnoj fotelji, on sjedi u udobnoj fotelji. Ja sam 1992. godine, bio uz ranjenike, uz bolesnike gospodine Nedžade. Nisam se sklanjao, nisam bježio. Bio sam uz najteže pacijente i nisam jedini koji je to radio u ovoj sali. Svi ovi ljudi, zdravstveni radnici zaslužuju dakle puno više pažnje i poštovanja i probir riječi kada se o njima govori. Hvala.

ANA PEJIĆ

Nastavljamo sa diskusijama. Diskusija. Vijećnik Mirnes Ajanović. Izvolite.

MIRNES AJANOVIĆ

Pa evo, već sam pojasnio u vezi ovog zakona Tuzlanskog kantona. Dakle, svi građani Tuzlanskog kantona imaju pravo na zdravstvenu zaštitu. E sad, gdje sam ja naišao na problem? U našoj odluci, evo gore naziv, dug je nešto prilično, da ga ne čitam ponovo. Odluka

o zdravstvenoj zaštiti u članu 3. korisnici prava. Piše, pravo na uplatu doprinosa. Dva puta je napisano, zaista, evo ja gledam, pa reko ja pogrešno. Pravo na uplatu, na uplatu doprinosa. Ima greška u članu 3. U kucanju teksta, nije važno. Za obavezno zdravstveno osiguranje sredstvima iz Budžeta Grada Tuzle mogu ostvariti osobe koje imaju stalno prebivalište na području grada Tuzle i nalaze se u stanje socijalne potrebe, a nisu osigurane po drugom osnovu. E sad, meni je bilo ovo, stanje socijalne potrebe, vrlo bitno. Šta ako lice ima kuću, stan, a nema naknadu, nema platu? Recimo lice koje treba da ide u penziju, ovdje je to obrazloženo, građani ne znaju kad dobiju rješenje da idu u penziju, da čekaju jedno godinu do godinu i po, dok dobiju penziju. Apsurdno, al je tako. U međuvremenu nemaju ništa. Evo sad ovi radnici pravosuđa koji su na minimalcu, Vlada im TK-a ukinula bila platu i oni bi vrlo brzo za mjesec dana došli u situaciju nemaju zdravstvenog osiguranja, ne mogu se ne liječiti. Šta sa licima koja bez svoje krivice dođu u stanje da imaju stan, ali nemaju prihode koje omogućavaju uplatu doprinosa, ili, pogotovo problem, lica koja su na birou, imaju pravo na zdravstveno osiguranje, ako nisu sami raskinuli radni odnos, oni drugi već imaju problem, al ima i tu rješenja. Da mogu javno kome za treba daću informaciju i uputu. Ali, kada napune 65 godina života, skidaju ih sa Biroa, a ne mogu u penziju. Ostaju bez zdravstvene zaštite. Dakle, ne mogu niti platiti, niti dobiti, niti bilo šta.

Iz ovih razloga sam ja napravio Amandman da sva lica koja po kojem osnovu, a nisu sami skrivili, nego su po sili zakona došli u stanje da nemaju zdravstvenu zaštitu, budu pod ovim članom. 3. stav. 1. bez uskog određivanja šta je socijalna potreba. Opet ponukan time, još jednom ću reći. Na sudu imate pravo da se oslobodite od sudske takse, ali morate donijeti dokaz da nemate ništa. Ako doneseš dokaz da imaš nekretninu, kaže, imaš ti stan, kuću. I ne možeš dobit oslobađanje. Ovdje nije tako. Nisam znao, nisam dobio ovakvu informaciju. Kada sam uzeo da pripremam sjednicu Vijeća, dobio sam ovaj materijal. I odmah kada sam predložio Amandman, zvala me, rekao sam već pomoćnik gradonačelnika Asja Redžić, da se konsultujemo u vezi Amandmana. Povukao sam ga nakon konsultacije. Definitivno, Grad Tuzla ima oko šest stotina korisnika. Svi su koji dostave potvrdu po bilom kojem osnovu osigurani. Dakle i ovi koji na Birou izgube pravo na Biro, kada donesu potvrdu sa Biroa, dobijaju pravo na zdravstveno osiguranje. Cilj je da Grad Tuzla svima obezbijedi da svi, ovo što je rekao i Nedžad, bez obzira ko bio, kako bio, u kakvom stanju, statusu, a ne može platiti osiguranje, nije kriv za to da dobije osiguranje, jer ne možemo mi sad ić kući, leć, spavat, ne znam više šta, radovat se, a da neko ne može da se liječi jer nema to pravo. Pravo na liječenje moraju imati svi. Gdje je sad problem? U neinformativnosti. Nismo znali, nije se znalo, ni ja ove stvari nisam sve znao. Evo, zadovoljstvo mi je da sam dobio priliku da ovo funkcioniše, dakle, bez naše intervencije Gradskog vijeća, ali mi ćemo danas napraviti intervenciju. Bilo je još jedan prijedlog, razgovarao sam s Asjom, pa ne znam bil to danas, a evo da možemo da procijenimo. Zašto kanton uopšte to prebacuje na gradove, kad već imamo sistem zdravstvene zaštite, uplaćuje se sasvim dovoljno sredstava, imaju čak i viška, koliko miliona maraka, zašto kanton sam to ne plaća? Što bi mi kao grad morali davati otprilike 180.000 maraka?

Može jedan zaključak, nisam ga napisao poslije ovoga, samo kratak. Gdsko vijeće predlaže da se zakon o, pa ćemo ga, kako se ove zove, kako sam ga pročitao malo čas, za zdravstveno osiguranje, recimo može i on, Zakon o zdravstvenom osiguranju, izmijeniti na način da licima u socijalnoj potrebi zdravstveno osiguranje uplaćuje se i Zavoda zdravstvenog osiguranja. Pa ako ne budu nekoga htjeli, mi ćemo ostale koji nemaju. Time bi došli u poziciju da mi možemo sa manje novca podmiriti tu razliku, dakle sve ostale koji, pa eto, ako je nekom svojom krivicom, a nešto propustio da mi omogućimo plaćanje, a zaista bi ovo trebalo da bude ova razlika iz tog Fonda zdravstvenog osiguranja. Stoji novac, zašto sad, koliko nije važno, evo svaka opština ili grad mora sam izdvajati sredstva, to je njima zanemariva nekakva suma koja uopšte ništa ne znači. Dakle, to je taj drugi, il, evo, prvi prijedlog, hajde nek bude, nije ukucano, ovaj ću sad pročitati.

Evo, prijedlog Amandmana. Gradsko vijeće konstatuje da se pravo na uplatu doprinosa za obavezno zdravstveno osiguranje sredstvima iz Budžeta Grada Tuzle, u skladu sa članom. 4. Odluke u kriterijima je postupak za ostarivanje prava na obavezno zdravstveno osiguranje osoba u stanju socijalne potrebe koji nisu osigurane po drugom osnovu, primjenjuje na sve građane koji ostanu bez zdravstvenog osiguranja po bilo kojem osnovu, ukoliko se nalaze u stanju socijalne potrebe i nemaju drugo obavezno zdravstveno osiguranje.

Gradsko vijeće Tuzla zadužuje nadležnu gradsku službu da bez odlaganja putem zvanične web stranice Grada Tuzle, sredstava javnog informisanja, oglasnih ploča i drugih dostupnih kanala, jasno i razumljivo informiše građane da imaju pravo na zdravstveno osiguranje koje se finansira iz Budžeta Grada Tuzle u svim situacijama kada bez svoje krivice ostanu bez zdravstvenog osiguranja bez obzira na godine života, radni status ili prestanak prava po evidenciji drugih institucija. Građani pravo mogu ostvariti podnošenjem zahtjeva Službi za kulturu, sport, mlade i socijalnu zaštitu Grada Tuzle.

Gradsko vijeće Tuzla naglašava da je pravovremeno, jasno i dostupno informisanje građana o pravu na zdravstveno osiguranje od posebnog značaja za zaštitu zdravlja stanovništva, prevenciju socijalne isključenosti i ostvarivanje osnovnih principa socijalne sigurnosti i ljudskog dostojanstva. Ovo je prijedlog dakle tog drugog zaključka, gdje se mi iz onoga što mi već sada dajemo, evo obavezujemo da upoznamo sve građane o tome. I tad smo odradili taj zadatak, jer je evidentno da to dovoljno nije došlo do javnosti, evo ovim bi završili, a i što da ne. Neka ide inicijativa kantonu, jer je to logičnije nego da to mi dajemo, da se dakle naprave izmjene, pa evo Slađo, ovog Zakona o zdravstvenom osiguranju. Ja bi ovdje stavio i ove Odluke Zakona o zdravstvenom osiguranju i Odluke o utvrđivanju osnovica, zarez, stopa i način obračunavanja i uplate doprinosa za obavezno zdravstveno osiguranje na području TK. Dakle, ima i odluka i zakon da se definiše da kanton to plaća, uz naravno, prijavu ovim našim gradskim ili opštinskim službama, koji bi dostavile kantonu, te već kako je već potrebne dokumente i da to refundira se ili plaća iz Fonda zdravstvenog osiguranja. Toliko. Hvala.

ANA PEJIĆ

Zahvaljujem se. E, sad ispred Kluba SDA imam vijećnike Muhamed Čikarić i Berisa Ahmetović, pa samo ko će ispred Kluba, a ko će kao vijećnik evo? Ispred Kluba, znači, vijećnik Muhamed Čikarić. Izvolite.

MUHAMED ČIKARIĆ

Htio sam samo komentarisati i pitati da li je moguće izbjeći ovo što se sada u ovim izmjenama stavlja kao teret nabavke poreskog uvjerenja, pozivajući se na Zakon o zaštiti ličnih podataka? Zar nije jednostavnije da osoba potpiše izjavu o saglasnosti pred službom pred kojim se vodi predmet i da se onda jedan ukupni spisak pošalje prema Poreskoj upravi, kako ne bismo ljude koji su u potrebi i kojima nije ni do čega šetali od ustanove do ustanove? Toliko.

ANA PEJIĆ

To je pitanje za predstavnike službe? U redu. Zahvaljujem se.
Da li se još neko javlja ispred klubova vijećnika.
Vijećnik Ervin Alibegović. Izvolite.

ERVIN ALIBEGOVIĆ

Evo ispred kluba jedan komentar. Otprilike samo da pojasnim kako to ide, pa da ne bude poslije dakle, i na razini federacije i na razini kantona postoji Fond za neosigurana lica. Po utvrđivanju da je lice neosigurano, dakle zdravstvena ustanova upućuje Federalnom ministarstvu odnosno Federalnom Zavodu osiguranja ili ukoliko se radi o raseljenim licima i povratničkoj populaciji upućuje Ministarstvo za raseljena lica za nadoknadu liječenja. To su grant sredstva koja se svake godine po budžetu dakle usvajaju. Nakon što taj budžet bude usvojen, znači on ne prelazi za ovu godinu negdje oko 600.000 Konvertibilnih maraka i on nije dovoljan da se zadovolji i povratnička i neosigurana lica. S tim u vezi, apsolutno podržavam inicijativu koja je malo prije pročitana, uz zamolbu da se ista uputi dakle i Ministarstvu za raseljena lica federacije i Ministarstvu...Federalnom ministarstvu zdravstvenog osiguranja, da se poveća ovaj grant sredstava za neosigurana lica, čime bi se značajno smanjili izdaci lokalne zajednice po ovom principu. Hvala.

ANA PEJIĆ

Zahvaljujem se. Zaključujem diskusije klubova vijećnika.
Otvaram diskusiju vijećnika. Vijećnica Berisa Ahmetović. Izvolite.

BERISA AHMETOVIĆ – vijećnik SDA – Stranke demokratske akcije

Zahvaljujem predsjedavajuća. Evo samo da vas sve pozdravim. Ja neću stvarno ovaj dugo, ali evo krenula bi od činjenice da sam zaista s razlogom tražila uvodne jel riječi, kako je predsjedavajuća u startu rekla. I ja bi stvarno zamolila, upravo sam se htjela javiti i po prethodnoj tački i evo i ovoj sad, uz svo uvažavanje svih i diskusija i prijedloga, zaista respekt za sve ovo izrečeno i tokom i diskusije i tokom samih replika. Naravno da su to informacije koje su nama svima od značaja, ali ja zaista nisam čula ni jednu rečenicu osim kolege Čikarića koji je rekao o ovoj odluci.

Znači kolegica Asja ako se ne varam, je u samom svom uvodnom izlaganju rekla da je riječ, znači, evo hajde, onaj, jednostavno rečeno protokolarne prirode, na način da se uskladi samo ovaj član sa potrebama Zakona o zaštiti ličnih podataka. Ja bih i vas Ana ili sam ja negdje zalutala tu, naravno, ova pitanja su od izuzetnog značaja o kojima se diskutovalo i to možda treba da bude predmet i neke i tačke dnevnog reda i bilo koje druge značajne diskusije, ali ja smatram stvarno isto ko što sam podržala, evo, kažem nisam se htjela javljat, ali u svojoj glavi kolegu Mensura kad je rekao po prethodnoj tački gdje smo odlučivali o imenovanju direktora, mi sad pričamo o reklamama. Slažem se da je možda značajno, ali evo da idemo to kroz inicijativu. Isto tako i ovdje. Ajde da se držimo odluke i da o njoj diskutujemo i možda ima nešto značajno u ovoj odluci što bi trebalo prodiskutovati.

U tom kontekstu, ja bih zaista onaj pročitala sam ovaj prijedlog i onako me zanima i možda bih voljela da ovaj kolege to nam i pojasne. Iskreno, svi smo mi u nekoj dilemi sa ovim Zakonom o zaštiti ličnih podataka i sigurno svima nama koji rade on nekako, hajde da kažem, sjedi na glavi i nismo sigurni na koji način se on treba implementirati, na koji način se treba prilagoditi. Međutim, ono što meni nekako, onaj na prvu, evo sad, bode me u oči, da kažem tako, jeste činjenica da ovdje stvarno onaj, mnogo je sad dokumentacije koja spada na samu stranku i što je kolega rekao, to su osobe koje se sad evo moraju ganjati iz institucije u instituciju.

Zakon o zaštiti ličnih podataka, bez ulaska u njegov neki, neki dublje u njegov sadržaj, je rekao u stvari da se podaci mogu prikupljati ukoliko su oni, sad možda neću iskoristiti pravi termin, ali ukoliko se ima interes za njihovo prikupljanje. Nisam baš sigurna da je ovo i Centar

za socijalni rad, mislim, da li je onaj konkretno došao do podatka da se baš mora na ovaj način ili oni mogu nastati sa prikupljanjem, evo nek to ostane, onaj, možda kolege koji su pripremali ovu odluku imaju konkretnije informacije, pa bih voljela evo o tom da nas možda dodatno informišu. Hvala puno.

ANA PEJIĆ

Zahvaljujem se. Da li se još neko javlja za diskusiju vijećnika?

Obzirom da nema više prijavljenih, zamolit ću gospođu Asju Redžić samo da odgovori na pitanja proistekla iz diskusija.

ASJA REDŽIĆ – pomoćnik gradonačelnika Službe za kulturu, sport, mlade i socijalnu zaštitu

Kad objavljujemo javne pozive, tražimo bilo koju dokumentaciju uvijek gledamo da idemo u korist stranaka. Ako treba fotokopija, da ne tražimo ovjeru, da ne bi stranke i građane dovodili u trošak. Ovdje se radi, dakle mi ne možemo prihvatiti izjavu, mi moramo dobiti dalji dokument izdat od PIO/MIO. Ali oni u Poreznoj upravi nam ne daju službenim putem, ne daju nam podatke, zbog Zakona o zaštiti ličnih podataka koji je usvojen u dvanaestom mjesecu 2025. godine.

Dakle, na koji način drugi, evo ako vi znate ovdje, recite nam, nama će biti drago da to primjenjujemo. Na koji drugi način mi možemo dobiti te podatke? (vijećnik Muhamed Čikarić govori bez uključenog mikrofona op.a.). To je prije radio Centar za socijalni rad. Dakle, Centar za socijalni rad, isto tako, spisak je slao u Poreznu upravu i po službenoj dužnosti dobavljao podatke. Više ne mogu dobiti. Javili su nam da iz Porezne uprave više ne dozvoljavaju im te podatke. Mislim, stvarno mi nije jasno, ne znam na koji način.

ANA PEJIĆ

U redu. Zahvaljujem se. Berisa, jeste vi...(BERISA AHMETOVIĆ – U suštini, jasno, do Porezne uprave je, u aktu do Porezne uprave je, jer oni na taj način zahtijevaju. Mislim, oni su hajd da kažem tako protumačili zakon). (ASJA REDŽIĆ - Da, da, da. Dakle. Ne radi se ovdje da smo mi to tako protumačili, tako da, zato kažem...Hvala.). U redu. Zahvaljujem se. Hvala vam Asja.

Zaključujem diskusiju vijećnika i stavljam na izjašnjavanje prijedlog Odluke o izmjeni i dopuni Odluke o kriterijima i postupku za ostvarivanje prava na obavezno zdravstveno osiguranje osoba u stanju socijalne potrebe koje nisu osigurane po drugom osnovu i molim vas da se izjasnite.

Glasanje je okončano.

Konstatujem da je prijedlog odluke usvojen sa,
22 glasa za, nije bilo protiv i nije bilo suzdržanih.

Sladana, hoćete li pročitati zaključke?

Da li ste za da glasamo u paketu o zaključcima ili pojedinačno? U paketu. U redu. Izvolite Sladana.

SLADANA KRAJINA – sekretar Gradskog vijeća Tuzla

Prijedlozi zaključaka su bili:

- Gradsko vijeće Tuzla konstatuje da se pravo na uplatu doprinosa za obavezno zdravstveno osiguranje sredstvima iz Budžeta Grada Tuzle, u skladu sa članom 3. Odluke o kriterijima i postupku za ostvarivanje prava na obavezno zdravstveno osiguranje osoba u stanju socijalne potrebe koje nisu osigurane po drugom osnovu, primjenjuje na sve građane koji ostanu bez zdravstvenog osiguranja po bilo kojem osnovu, ukoliko se nalaze u stanju socijalne potrebe i nemaju drugo obavezno zdravstveno osiguranje.

- Gradsko vijeće Tuzla zadužuje nadležnu gradsku službu da bez odlaganja, putem zvanične web stranice Grada Tuzle, sredstava javnog informisanja, oglasnih ploča i drugih dostupnih kanala, jasno i razumljivo informiše građane da:

- imaju pravo na zdravstveno osiguranje koje se finansira iz Budžeta Grada Tuzle,

- u svim situacijama kada bez svoje krivice ostanu bez zdravstvenog osiguranja,

- bez obzira na godine života, radni status ili prestanak prava po evidencijama drugih institucija.

- Građani pravo mogu ostvariti podnošenjem zahtjeva Službi za kulturu, sport, mlade i socijalnu zaštitu Grada Tuzle.

- Gradsko vijeće Tuzla naglašava da je pravovremeno, jasno i dostupno informisanje građana o pravu na zdravstveno osiguranje od posebnog značaja za zaštitu zdravlja stanovništva, prevenciju socijalne isključenosti i ostvarivanje osnovnih principa socijalne sigurnosti i ljudskog dostojanstva.

- Gradsko vijeće Tuzla upućuje inicijativu za izmjenu Zakona o zdravstvenom osiguranju Federacije Bosne i Hercegovine i Odluke o uvrđivanju osnovica, stopa i načinu obračunavanja i uplate doprinosa za obavezno zdravstveno osiguranje Tuzlanskog kantona na način da se licima koja su u stanju socijalne potrebe zdravstveno osiguranje uplaćuje iz sredstava kantonalnih zavoda zdravstvenog osiguranja. Navedena inicijativa se upućuje i Federalnom ministarstvu za raseljena lica i izbjeglica i Federalnom ministarstvu zdravstva da se poveća iznos grant sredstva za neosigurana lica...Jel ovdje treba samo doktore dodati iz kategorije raseljenih lica i izbjeglica? (ERVIN ALIBEGOVIĆ – I raseljena lica i izbjeglica). Dobro. To je to.

ANA PEJIĆ

Molim vas da se izjasnite o pročitanim zaključcima.

Glasanje je okončano.

Konstatujem da su pročitani zaključci usvojeni sa,

20 glasova za, nije bilo protiv i nije bilo suzdržanih.

Sljedeća tačka dnevno reda je:

Razmatranje i usvajanje Odluke o kriterijima i načinu raspodjele finansijskih sredstava iz Budžeta Grada Tuzle sa pozicije „Transferi za rad sportskih društava i klubova”

Predlagač: gradonačelnik Grada Tuzla.

Obrađivač: Služba za kulturu, sport, mlade i socijalnu zaštitu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za mlade, obrazovanje i sport i klubovi vijećnika.

Da li ima potrebe za uvodnim izlaganjem? Nema.

Da li ima potrebe da se pročitaju izvještaji komisija? Nema.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje prijedlog Odluke o kriterijima i načinu raspodjele finansijskih sredstava iz Budžeta Grada Tuzle sa pozicije „Transferi za rad sportskih društava i klubova” i molim vas da se izjasnite.

Glasanje je okončano.

Konstatujem da je pročitana odluka usvojena sa,

20 glasova za, nije bilo protiv i nije bilo suzdržanih.

Prelazimo na sljedeću tačku dnevnog reda:

Razmatranje i usvajanje Odluke o produženju važenja Strategije razvoja Grada Tuzle (2012-2026) do 31.12.2027. godine

Predlagač: gradonačelnik Grada Tuzla.

Obrađivač: Stručna služba Kabineta gradonačelnika.

Materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Da li ima potrebe za uvodnim izlaganjem? (Nema).

Da li ima potrebe da se pročitaju izvještaji komisija? (Nema).

Otvaram raspravu klubova vijećnika.

Vijećnica Svjetlana Kakeš. Izvolite.

SVJETLANA KAKEŠ

Hvala predsjedavajuća. Evo, što se tiče ove odluke o produženju važenja strategije razvoja Grada Tuzla do 31.12.27-e, razlozi za njeno donošenje su jasno i konkretno navedene u obrazloženju i proizlaze iz postojećih zakonskih okvira, ne samo domaćih institucija, odnosno Zakona o razvojnom planiranju i upravljanju razvojem u federaciji, nego i sa ciklusom planiranja u Evropskoj uniji. Ono što ovdje nije navedeno, a smatram važnim za napomenuti je da je Grad Tuzla na osnovu Zakona o razvojnom planiranju i upravljanju razvojem u Federaciji Bosne i Hercegovine i na osnovu uredbe o izrazi strateških dokumenata u federaciji, u ovom periodu od 2012. godine, jer se možda nekome i postavlja logično pitanje o neobično dugom periodu važenja strategije.

Znači, želim napomenuti ili upoznat one koji nisu znali da je od 2012. pa do danas u jednom periodu uz podršku UNDP-a, odnosno 2019. godine, Grad je uradio revidiranu strategiju razvoja za period 2019. do 2021. i tom prilikom je urađena nova i aktuelnija socioekonomska analiza, kreirana nova vizija razvoja, strateški ciljevi i određeni sektorski planovi razvoja i donesen plan implementacije strateških projekata za taj period. Sa ovom praksom donošenja trogodišnjih i godišnjih planova, implementacije i izvještavanjem o njihovoj realizaciji se nastavili u narednim periodima i mislim da se na web stranici Grada nalaze svi ovi dokumenti.

Ne trebamo zaboraviti da je Grad usvojio i čitav niz drugih takozvanih sektorskih strateških dokumentata, kao što su strategije za mlade i strategije za osobe treće životne dobi, strateške smjernice nedavno zelene tranzicije, akcione planove...akcioni plan za Rome i Romkinje, Gender akcioni plan, akcioni plan održivog upravljanja energijom, prilagođavanje klimatskim promjenama i drugo. Još neki od ovih i od ovih pobrojanih strateških i planskih

dokumenata imaju važenje do 2026. godine i s toga kao Klub SDP-a predlažemo sljedeće zaključke:

Prvo, u cilju usklađivanja sa Zakonom o razvojnom planiranju i upravljanju razvoja u Federaciji BiH, usklađivanja sa planskim ciklusima Federacije i Evropske unije, Gradsko vijeće usvaja Odluku o produžetku važenja strategije razvoja Grada Tuzle 2021. do 2026. do 31.12.2027.

Gradsko vijeće predlaže gradonačelniku i gradskoj službi nadležnoj za planiranje razvoja i upravljanje razvojem da razmotre mogućnost i opravdanost produženja važenja i drugih strateških planskih dokumenata, kojima važnost ističe u ovom periodu do 2027. godine, kako bi se ovi dokumenti uskladili sa važećim planskim ciklusom u Federaciji i Evropskoj uniji. To, na primjer, strategija za mlade, ima važi do 26-e. Strategija za osobe treće životne dobi također do 26-e i Akcioni plan za Rome i Romkinje također za 26-u. Moguće da ima i drugih dokumenata.

Sljedeći zaključak. S obzirom da je izrada strategije jedne lokalne zajednice poput Grada Tuzle izuzetno složena aktivnost, koja zahtjeva uključivanje svih relevantnih institucija, organizacija, pojedinaca i iziskuje dug vremenski period pripreme, konsultacija, izrade, pa i složen proces javne nabavke, Gradsko vijeće sugeriše gradonačelniku i službi u čijoj nadležnosti je planiranje razvoja i upravljanje razvojem da što prije, odnosno da odmah započnu sa pripremanjima za izradu nove strategije razvoja Grada Tuzle za period 28-a do 34-a, te da u saradnji sa Javnom ustanovom Tuzlanska razvojna agencija TRAG ostvari saradnju sa međunarodnim organizacijama i dostupnim EU programima, putem kojim bi se mogla obezbijediti finansijska i konsultantska podrška za izradu nove strategije razvoja. Hvala.

ANA PEJIĆ

Zahvaljujem se. Da li se još neko javlja ispred klubova vijećnika?

Zaključujem diskusiju klubova vijećnika.

Otvaram diskusiju vijećnika.

Zaključujem diskusiju vijećnika i stavljam na izjašnjavanje prijedlog Odluke o produženju važenja Strategije razvoja Grada Tuzle (2012-2026) do 31.12.2027. godine i molim vas da se izjasnite.

Glasanje je okončano.

Konstatujem da je pročitana odluka usvojena sa,

16 glasova za, nije bilo protiv i 5 suzdržanih.

Zamoliti ću sekretara da pročita zaključke proistekle iz diskusije.

SLADANA KRAJINA – sekretar Gradskog vijeća Tuzla

- U cilju usklađivanja sa Zakonom o razvojnom planiranju i upravljanju razvojem u Federaciji Bosne i Hercegovine, usklađivanja sa planskim ciklusima Federacije Bosne i Hercegovine i Evropske unije, Gradsko vijeće usvaja Odluku o produžetku važenja Strategije razvoja Grada Tuzle (2021-2026) do 31.12.2027. godine.

- Gradsko vijeće predlaže gradonačelniku i gradskoj službi nadležnoj za planiranje razvoja i upravljanje razvojem da razmotre mogućnost i opravdanost produženja važenja i drugih strateških i planskih dokumenata kojima važnost ističe u periodu prije 2027. godine, kako bi se i ovi dokumenti uskladili sa važećim planskim ciklusima u Federaciji Bosne i Hercegovine i u Evropskoj uniji (Strategija za mlade 2017-2026, Strategija za osobe treće životne dobi 2020-2026, Akcioni plan za Rome i Romkinje 2023-2026 i dr.).

- S obzirom da je izrada strategije jedne lokalne zajednice poput Grada Tuzle izuzetno složena aktivnost, koja zahtijeva uključivanje svih relevantnih institucija, organizacija i pojedinaca, iziskuje dug vremenski period pripreme, konsultacija i izrade, pa i složen proces javne nabavke, Gradsko vijeće Tuzla sugerise gradonačelniku i službi u čijoj nadležnosti je planiranje razvoja i upravljanje razvojem da odmah započnu sa pripremanjima za izradu nove strategije razvoja grada Tuzle za period 2028. – 2034., te da u saradnji sa Javnom ustanovom Tuzlanska razvojna agencija „TRAG“ Tuzla - Development Agency „TRAG“ Tuzla, ostvare saradnju sa međunarodnim organizacijama i dostupnim programima Evropske unije putem kojih bi se mogla obezbijediti finansijska i konsultantska podrška za izradu nove strategije razvoja.

ANA PEJIĆ

Molim vas da se izjasnite o pročitanim zaključcima.

Glasanje je okončano.

Konstatujem da su pročitani zaključci usvojeni sa, 18 glasova za, nije bilo protiv i 5 suzdržanih.

Prelazimo na sljedeću tačku dnevnog reda:

Razmatranje i usvajanje Odluke o privremenom smanjenju visine administrativnih taksi za registraciju samostalnih djelatnosti na području grada Tuzle za 2026. godinu

Predlagач: gradonačelnik Grada Tuzla.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija? Nema.

Otvaram raspravu klubova vijećnika.

Vijećnica Nataša Perić, pa vijećnik Mirne...Niste dis...Aha. Izvinjavam se. Onda vijećnik Mirnes Ajanović. I vi se javljate? Aha. Izvolite Mirnese, pa Mensur.

MIRNES AJANOVIĆ

Ok. Ovo je 13. tačka. 14., 15. je serija rafalna naopakih tačaka. Što naopakih? Pa u vrijeme kad sve naopako postane normalno, onda i ovo kad mi nešto radimo ovako kako ćemo sad uraditi je naopako. Šta imamo sad? Imamo ovo gdje smanjujemo takse. Privremeno jest, zato što Grad živi o taksi, da bi radila komunalna infrastruktura i sve ostalo, moraju postojati takse. Pa tamo gdje je to bilo za registraciju djelatnosti, samostalni od 70 do 200 maraka, zavisno od zone, veličine poslovnog prostora ili 80 bez poslovnog prostora, sad je to do kraja ove godine jedna marka. Dakle, mora biti nešto. Pa simbolično marka. Nije to kozmetika, to je baš mjera koja pokazuje da razumijemo i Gradska uprava i Gradsko vijeće probleme i potrebe građana. Ova okolnost visoke inflacije, cijena energenata, raznih ekonomskih pritisaka, svih prepreka da bi čovjek ušao u legalno poslovanje, evo sad olakšava se bar da nema ovog tereta. Nije ovo odluka dakle ni jedne službe, nego politika Gradske uprave i ovog Gradskog vijeća, dok ovi ostali ne vo... na višim nivoima, onako čekaju da ova inflacija sama od sebe prođe, evo mi reagujemo. Ali naravno, što je god manje barijera bolje. Zašto sam rekao da je naopaka?

Ovom odlukom smanjujemo takse. Sljedeća četrnеста, gdje bude pravilnik za odobravanje jednokratne pomoći u boračkoj populaciji, povećavamo populaciji novac. Petnеста tačka, ostvarivanje prava na socijalnu jednokratnu pomoć, povećavamo i to. Dakle, u vrijeme kad niko ni o kome ne želi da brine, kad premijer TK kaže za radnike iz pravosuđa, eto sticajem okolnosti u štrajku su već 60 dana, ne daju im čak ni platu, ne poštuje ni sudsku odluku, kad podnesem krivičnu prijavu, onda je tak ispoštovo sudsku odluku. Kada je ljude baš briga za ljude i za njihovu egzistenciju, kada nekog baš briga da li će tuđe dijete leć gladno, neće moć platit ni od onog minimalca od hiljadu maraka, ništa. Evo imamo jednu ustanovu koja nešto radi. Naopako u ovom svom naopakom stanju. Dobro je ovo. Podrška dakle odluci, da idemo dalje sa ovakvim odlukama i primjer ostalim i opštinama i gradovima i kantonima i ovim svim nekakvim raznim entetima, ministrima i svemu i svaćemu kako treba raditi. Toliko. Hvala.

ANA PEJIĆ

Zahvaljujem se. Vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Ma da sam ja znao da će Mirnes ovaj upotrijebit sve moje riječi što sam ja htio reći, ja se ne bi ni javljao. Upravo, ovaj, ovo je ja mislim drugi ili treći put u ovom mandatu, ili u prošlom mandatu, kad je ovaj gradonačelnik izabran, da je došlo do smanjenja taksi, kad je u pitanju privreda. I to me raduje i znao sam da će on ić ka tom cilju, zato što je dolazio upravo iz privrede gdje je radio određene poslove i zna kako je doći ovaj do novca i kako ga zaraditi.

Ja samo mogu čestitat na ovoj odluci i nadam se da će u budućnosti bit smanjenja. Ovo o čemu je Mirnes govorio, svi gledaju kako da povećaju dadžbine i kako da se na ovaj privredni dio optereti još više, evo naše službe na čelu sa gradonačelnikom su našli način kako se može i smanjiti nekad nešto. I zato čestitam na ovoj odluci. Hvala lijepo.

ANA PEJIĆ

Zahvaljujem se. Sljedeći se javio vijećnik Samir Mulaosmanović. Izvolite.

SAMIR MULAOSMANOVIĆ

Hvala. Vrlo kratko, pohvale. Svaka čast službi i gradonačelniku. Napokon smo dobili jednu marku. Nadam se da će ovo na kraju nekad završiti sa 0.10, ali, ovaj, puna zahvala moja, znači, što izlazimo u susret privredi i guramo, pogotovo ovi mladi ljudi da počnu otvarati svoja produzeća. Hvala puno još jednom.

ANA PEJIĆ

Zahvaljujem se. Sljedeći za riječ javio se vijećnik Nedžad Jusić. Izvolite.

NEDŽAD JUSIĆ

Hvala. Pa evo, kolege su dosta toga rekli vezano za ovu odluku. Normalno sve pohvale vezano za pomenutu odluku odnosno maltene skoro ovaj da se besplatno svaki onaj koji želi da pokrene svoju djelatnost može registrovati u Gradu Tuzla, al bi ovu priliku takođe iskoristio

da pohvalim osobe koje rade na registraciji obrta i samostalnih djelatnosti u službi, jer sam imao priliku prije nekih hajde u toku prošlih par mjeseci, par prijatelja, kolega koji su željeli da registruju pomenutu djelatnost, da stvarno ono do savršenstva su ovaj u kontaktu i rade. Daju maksimum od sebe da se registracija obavi bez ikakvih problema.

Još je vrlo važno. Ovo je podstrek narednim osobama koji žele da registruju svoju djelatnost u toku ove kalendarske godine. Samo bi ja napomenuo, neću ništa ovaj da obećavam nikog, al ukolko sam pratio i Budžet Grada Tuzla i prethodne godine, svake godine negdje tamo, ja mislim u desetom i jedanestom mjesecu se raspisuju javni pozivi od Grada Tuzle, za podršku takvim firmama, odnosno djelatnostima, gdje Grad Tuzla takođe potpomaže dal za plaćanje poreza ili nabavku određenih mašina, tako da je to dodatna podrška, jednostavno ovaj sa tom podrškom ovo prilikom osnivanja, a poslije toga podrška u novcu za plaćanje poreza određen u toku ove godine, kao i nabavku mašina mislim da Grad Tuzla prednjači u odnosu na sve druge lokalne zajednice što se tiče toga, al sam siguran u tome da će se ovo nastaviti, da ćemo u narednom periodu sve više i više imati registrovanih samostalnih djelatnosti na području grada Tuzla i samim tim ćemo olakšati život građana u gradu Tuzla i normalno ovo, ja sam siguran u tome da ćemo svi jednoglasno prihvatiti ovu odluku. Hvala.

ANA PEJIĆ

Zahvaljujem se. Zaključujem diskusiju klubova vijećnika.
Otvaram diskusiju vijećnika.
Vijećnica Svjetlana Kakeš. Izvolite.

SVJETLANA KAKEŠ

Evo, ja bi samo još malo da dodam nešto ili da podržim i pojasnim. Vijećnik, odnosno zamjenik predsjedavajuće, Mensur Alić je već rekao da je i u ranijim mandatima su donošene ovakve odluke. Ja bih ipak podsjetila i radi javnosti malo konkretnije, jer i u javnosti kad se vidjelo da će danas na dnevnom redu bit ova odluka, malo komentarisalo, dobro su se sjetili, što to nisu ranije uradili i tako. Pa evo da ipak podsjetimo da su kako ste vi rekli 2023. i 2024. bili potpuno oslobođeni administrativne takse kod registracije obrta. Znači, to je bila ona najiskrenija, najbolja odluka, najdobronamjernija odluka Gradske uprave. Međutim, s obzirom da Zakon o administrativnim taksama TK-a propisuje u kojim slučajevima se može neko oslobodit takse, ovo to nije taj slučaj. Evo, opredijelila se Gradska uprava da odredi, a ima pravo po tom zakonu da odredi visinu takse, opredijelila se da odredi tu minimalnu taksu. Mislim, kolega Bagi da je dovoljno i ovaj jedna marka.

Takođe, mislim da je važno reći da, što se tiče Grada, mislim spreman je Grad i vidi se iz ovih narednih tačaka koje će biti da izvoji značajna sredstva il da se odrekne i većih, većih iznosa sredstava ako je to u korist građana ili privrede. Oslobođanjem ovih taksi, mislim, samo da se vratim na trenutak, prošle godine nije bila na snazi ova odluka, ali su prošle godine sve privredne, sve djelatnosti bile osobođene onog plaćanja takse na istaknutu firmu, tako da, eto, te godine se nije išlo na ovo oslobađanje. Ovo oslobađanje ne predstavlja neko velike opterećenje finansijsko za Budžet Grada Tuzle, ali evo, kao što smo čuli, pogotovo iz usta vas koji se bavite privredom, obrtom i samostalnim djelatnostima, to puno znači nekome, pogotovo kad tek počinje da pristupa registraciji i tih 70, 80 ili 200 maraka pojedincu jako puno znači, a za Grad to nije veliko opterećenje. Znači, pohvaljujem i ja ovaj ovo sve.

ANA PEJIĆ

Zahvaljujem se. Da li se još neko javlja za diskusiju vijećnika?

Zaključujem diskusiju vijećnika i stavljam na izjašnjavanje prijedlog Odluke o privremenom smanjenju visine administrativnih taksi za registraciju samostalnih djelatnosti na području grada Tuzle za 26-u godinu i molim vas da se izjasnite.

Glasanje je okončano.

Konstatujem da je pročitana odluka usvojena sa,
24 glasa za, nije bilo protiv i nije bilo suzdržanih.

Prelazimo na sljedeću tačku dnevnog reda:

Razmatranje i usvajanje Pravilnika o izmjenama Pravilnika o kriterijima i postupku za odobravanje jednokratne pomoći pripadnicima branilačke populacije sa područja grada Tuzla

Predlagač: gradonačelnik Grada Tuzla.

Obrađivač: Služba za boračko-invalidsku zaštitu, povratak i integraciju raseljenih lica.

Materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Da li ima potrebe za uvodnim izlaganjem? (Nema).

Da li ima potrebe da se pročitaju izvještaji komisija?

Otvaram raspravu klubova vijećnika.

Vijećnik Mirnes Ajanović. Izvolite.

MIRNES AJANOVIĆ

Pitam ja jučer predstavnika Službe za boračko invalidsku zaštitu na Komisiji za statutarna pitanja i propise. Inače, ta Komisija vam je ko mini vijeće. Svi su tu prisutni i više se pripremaju nego za Vijeće kad je ta Komisija. Znaju da ćemo ispitivat. Još ja i zamjenik predsjednika, pa još iskoristim, ako nekad predsjednik malo zakasni, da ih dobro pritisnem, al ne, zaista je kolega dobar, dobar saradnik i mi dobro odrađujemo. Ibeljić je vrlo korektan. I pitam ja otkud vama ovo naumpalo da vi sad to uradite sa ovakvim pravilnikom? Gleda u mene dama, pa kaže analizirali smo stanje. Zamislite da neko sjedi i analizira stanje potrebe povećanja primanja boračkoj populaciji. Mogli su ne analizirat, šta imaš, primaš toliko koliko primaš, šta, idemo dalje i hajde, budi zadovoljan. Oni sjeli i analizirali i utvrdili da treba više. Treba mnogo više nego i ovo naravno, ali ipak dojmilo me to ta jedna riječ analizirali smo dvije. Dobro je to. Dakle, ovo što mi radimo iz Vijeća širi se i na ostale službe. Na neke ne, ali evo polako iće to dobro, ali evo ovo je konkretan primjer. Sad borci imaju i za lijekove iznos do 300 maraka. Pomoći će to. Za ove malo teže do 550. Liječenje u inostranstvu 1.500 maraka mogu dobiti. Dženazu, sahranu 400 maraka. Ali je evo dobro da se ovdje vodi i o borcima iz Narodno oslobodilačkog rata 41-45. I oni imaju pravo na pomoć u slučaju smrti. Dobro je to, ne treba njih zaboraviti, to su antifašisti. Ova borba naša je bila slijed te borbe. I ako negiramo antifašističku borbu Tita, partizane, koji su se borili protiv svega i svačega od Nijemaca do ovih naših domaćih izdajnika, onda nigdje nećemo ići dalje. Troškove životnih potreba za namirince od 150 do 350 maraka. Pa ima čak i za pomoć za prilaz stambenim zgradama i do 500 maraka, 2.000 maraka, u nekim drugim slučajevima koji su posebno dokumentovani. Ali vidite i nabavku pelena za odrasle 10.000 maraka. Razmišlja se i o ovome. Ljudi imaju i ovu potrebu pelene. Ne mogu ih kupiti. A boračka populacija. Nepravedni smo prema onim ljudima. Generalno, govorim kao federacija, ne mogu reć kao država. Nažalost. Podijeljeni smo. Ali tako je kako je, ali evo federacija prema ljudima koji su odbranili državu je vrlo nepravedna. Gdje mi kao Grad trebamo da se, evo, brinemo na ovaj način mjesto da imaju sve što im je potrebno. Ali evo, tu je gdje je. Dakle, Gradska uprava i Gradsko vijeće u

okviru onoga što može. Idemo ka povećanjima. Dobro je, pozitivno i očito da će ova lica koja su analizirali ovo i dalje nastaviti analizu u cilju pomoći ovim ljudima koji su to zaslužili. Hvala.

ANA PEJIĆ

Zahvaljujem se. Sljedeća diskusija. Vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Pa evo ja ću kad su ove odluke u pitanju, moram se malo uključiti i ja da jednostavno doprinesem i da dam i neke pohvale, kad su u pitanju ovakve...Inače, ovaj, inače ovakve odluke inače boračka populacija je zapostavljena dosta za ono što su sve dali za ovu državu. I naravno, tu su invalidi i šehidske porodice. Ovo je sve urađeno dobro, pohvale sve. Jedino gdje ja vidim ovdje, možda nisam na vrijeme ovo ni pročitao možda bi Amandman uložio ovdje kad je u pitanju dženaza i sahrana. Mislim da je ovdje malo 400 KM-ova. Znamo svi da danas jedna dženaza ovaj košta otprilike 1.500, 2.000 maraka, zavisno od područja koje ovaj ili sahrana, zavisi gdje je, na kojoj lokaciji. Mislim da je ovdje trebalo podić ovu naknadu da ona bude negdje tu oko 1.000 KM-ova. Zašto? To govorim iz primjera svoje vlastite firme gdje imam takođe uveden jedan pravilnik isto tako kad su u pitanju, ovake stvari gdje svaki užu član porodice u slučaju smrti roditelja ili bilo koga iz uže porodice ima nadoknadu od 1.500 KM-ova. To je ovako malo i ljudski u toj tragediji i mislim da čovjek jednostavno nekad nekom nije do tog novca da dobije, ali nekima bogami jeste, jer nemaju svi mogućnosti da mogu toliko novca izdvojiti. Samo jedino tu možda ako bi se mogla nekad ispraviti ova, nije greška, nego evo samo da se malo poveća ovaj dio. Sve ovo ostalo je odlično urađeno i ja vam čestitam kao službi i sve pohvale što se tiče Tuzlanske alternative i mene kao zamjenika predsjedavajućeg Gradskog vijeća. Hvala.

ANA PEJIĆ

Zahvaljujem se. (NEDŽAD JUSIĆ - Ispravka krivog navoda). Ispravka krivog navoda. Vijećnik Nedžad Jusić. Izvolite.

NEDŽAD JUSIĆ

Ma kolega Mensur je dobro to rekao, nego samo možda ispravka jednog krivog navoda vezano možda je u jednom dijelu grada Tuzle 1.500 maraka dženaza. U Kalebićima ispod 5.000 ne možete obaviti dženazu. Hvala.

ANA PEJIĆ

U redu. Sljedeća diskusija. (MIRNES AJANOVIĆ – Replika Mensuru). Replika. Vijećnik Mirnes Ajanović. Izvolite.

MIRNES AJANOVIĆ

Pa naravno replika nije kontrirana svom drugu, nema govora. Mi se nadopunjujemo uvijek u svemu ovome što radimo. Mi imamo ovdje u ovom članu 2.7 u

zagradi nešto što bi moglo da se u narednom periodu izbaciti. U drugim specifičnim, a ovim članom neobuhvaćenim slučajevima, pa čak i ovim neobuhvaćenim po zahtjevima koji se ocijene kao opravdani koji su adekvatno dokumentovani u maksimalnom iznosu do 2.000 KM. A onda stoji ovdje štete nastale usljed više sile, nenamjerne štete izazvane događajima, pa opet zatvoreno bez obzira na visinu primanja. Ovdje kad bi izbacili ovo štete nastale usred više sile i ovo, ovim članom neobuhvaćenim slučajevima, da stoji u drugim specifičnim po zahtjevima koji se ocijene kao posebno opravdani, dakle mogli bi uč i ovim dijelom da možemo dati dopinos tamo gdje zaista je potrebno. Tako da je ovo, ne možemo sa Amandmanom, ali mogu za narednu sjednicu izbaciti ovih nekoliko riječi i mi bi dobili odluku gdje...(SLAĐANA KRAJINA – U zagradi?). Molim? Ovo u zagradi i izbacio bi, a ovim članom neobuhvaćenim slučajevima. Samo da stoji u drugim specifičnim po zahtjevima slučajevima, samo specifičnim slučajevima. Dakle, izbaciti, a ovim članom neobuhvaćenim i u zagradi. I dobili bi mogućnost gdje ove 2.000 maraka mogu biti tamo gdje je zaista dokumentovano potrebno, pa i za eventualno liječenje u inostranstvu ili bilo kakve druge potrebe gdje se to mora dodatno ocijeniti i dokumentovati. Time bi riješili sve ove nesuglasice, pa evo koliko može, danas ne može, al možda i može predlagač ovo prihvatit kao izmjenju.

ANA PEJIĆ

Replika. Vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Pa, Mirnese iskreno da kažem, ja sam razmišljao o ovoj...to je posljednja tačka 8., gdje stoji da...neraspoređene stvari pod 7. u iznosu od 2.000 KM. Razmišljao sam o tome da predložim to, al hvala ti na prijedlogu zato što, evo, pratio si dobro sve, pa mislim da smo se razumjeli u potpunosti. Hvala ti.

ANA PEJIĆ

U redu. Sljedeća diskusija. Vijećnica Nataša Perić. Izvolite.

NATAŠA PERIĆ

Hvala predsjedavajuća. Pa evo, ispred Kluba Socijaldemokratske partije želim da istaknem zadovoljstvo što je Grad Tuzla nastavio u 2026. godini da vodi dobru politiku prema, mogu reći, zasigurno reći, najvažnijoj populaciji, boračkoj populaciji u gradu Tuzla, da se vode razgovori, pregovori, da Grad Tuzla sluša probleme boračke populacije koja ima svakodnevne izazove. I evo, kao što smo mogli vidjeti u Budžetu za 2026. sredstva su povećana u iznosu od 515.000 za boračku kategoriju, odnosno povećana su u iznosu za 80.000. I evo, ja posebno želim ispred Kluba SDP-a da se zahvalim gospođi Admiri Atić Tupković, koja stoji na raspolaganju boračkoj populaciji, koja je stvarno na raspolaganju. Bila sam svjedok i u prošlom mandatu da je stvarno osoba koja želi pomoći borcima i da je stvarno boračka populacija i poštuje. I eto u ovom smislu mi pozdravljamo ove izmjene pravilnika o kriterijima i postupku za odobravanje jednokratne pomoći pripadnicima branilačke populacije po različitim kategorijama kako je navedeno u samom pravilniku. Hvala.

ANA PEJIĆ

Zahvaljujem se. Sljedeći za riječ javio se vijećnik Emir Šahović. Izvolite.

EMIR ŠAHOVIĆ

Hvala predsjedavajuća. Pa, ja sam se javio evo malo ponukan emocijama, s obzirom da svi moji muški članovi porodice su pripadnici boračke populacije. Htio bi ujedno i da pohvalim rad Službe za boračko invalidsku zaštitu i pozdravljam ovu odluku i povećanje naknada koje onaj ova odluka donosi. Pogotovo mi je drago što dijabetičari tipa jedan imaju pravo na refundaciju nabavke senzora za mjerenje šećera, koji je izuzetno skup i koji se mijenja većinom mislim možda čak i svi svako 14 dana i to je jedna od hiljadu maraka refundacija koja ozbiljno može značiti bilo kome, znači, ne samo u stanju socijalne potrebe, već svakom građaninu onaj to može značiti.

Ja sam u julu mjesecu podnio jednu inicijativu prema Službi za boračko invalidsku zaštitu. Ona se odnosila da vrijeme rada sa strankama bude duže od 14 sati, pa sam dobio odgovor da je uvijek neko tu, da je to formalno stoji vrijeme, al niko nikad nije vraćen u toku radnog vremena, onaj tako da je to korektno. Ono što bih ja sugerisao ako se može sprovesti u narednom periodu, da s obzirom da Federalno ministarstvo za boračka pitanja priznaje neovjerene kopije medicinskih dokumenata kao dokumentaciju, dobro bi bilo kao olakšica svim ovim aplikantima na ove jednokratne pomoći da i Služba za boračko invalidsku zaštitu usvoji to isto pravilo. Isto tako, malo mi je nelogično da se zahtijeva uvjerenje o pripadnosti boračkoj populaciji ne starije od šest mjeseci. Mislim da posljednjih 30 godina to je nepromjenjiva kategorija. Jest da je bilo svakakvih nekakvih registara i spiskova onaj pripadnika boračkoj populaciji, pa smo došli na pola miliona pripadnika. Ali mislim da Služba za boračko invalidsku zaštitu ima sve potrebne podatke da li je neko pripadnik ili nije, iako je već izvađena ta potvrda, mislim da znači nema logike da svako šest mjeseci vadi. Eto. Hvala vam.

ANA PEJIĆ

Zahvaljujem se. Sljedeća diskusija vijećnik Denis Bećirović, izvolite.

DENIS BEĆIROVIĆ

Hvala predsjedavajuća. Evo, kao sin borca, ponosni sin borca Arbije Republike Bosne i Hercegovine, želim izraziti zadovoljstvo jednom ovakvom odlukom, kao što kolega reče, analizom službe koja je predložila ovakav dokument danas. Klub Demokratske fronte će podržati ovu odluku, podržat će dakle pravilnik, ali evo i ono što je kolega Mensur i, što je kolega Mirnes predložio, dakle stojimo na raspolaganju ukoliko osjeti potrebu da u narednom periodu predlože izmjene pravilnika spram diskusija koje su provedene, naravno i Klub Demokratske fronte u Gradskom vijeću stoji, stoji na raspolaganju i podržat će jednu takvu odluku. Ono što me posebno raduje je svakako odnos službe prema toj osjetljivoj kategoriji, dakle da u ovom mraku, tako reći, gdje i istočni i zapadni susjedi nekako pokušavaju baciti mrlju na nešto što je najsvjetlije i najsvjetliju armiju u zadnjem ratu, dakle što grad Tuzla pronalazi način da bar jedan dio, jedan dio tim ljudima vratimo. Ono što su oni izgubili, što su dali u ratu 92. – 95-e. godine, dakle mi to ne možemo nadoknaditi, ali evo jedan human, lijep gest, vrijedan njih poštovanje prema njima. Dakle, evo ne mogu baš, što kolega kaže, od emocija da iznesem sve onaj što bi rekao i uglavnom podrška. Hvala.

ANA PEJIĆ

Zahvaljujem se. Zaključujem diskusiju Klubova vijećnika.

Otvaram diskusiju vijećnika. Da li se neko javlja?

Zaključujem diskusiju vijećnika.

I stavljam na izjašnjavanje prijedlog Pravilnika o izmjenama Pravilnika o kriterijima i postupku za odobravanje jednokratne pomoći pripadnicima branilačke populacije sa područja grada Tuzle i molim vas da se izjasnite. Glasanje je okončano.

Konstatujem da je **PRIJEDLOG PRAVILNIKA O IZMJENAMA PRAVILNIKA O KRITERIJIMA I POSTUPKU ZA ODOBRAVANJE JEDNOKRATNE POMOĆI PRIPADNICIMA BRANILAČKE POPULACIJE SA PUDRUČJA GRADA TUZLE** usvojen sa,

23 glasa za, nije bilo protiv i nije bilo suzdržanih.

Zamoliti ću sekretara da pročita zaključak proistekao iz diskusija.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše Službi za boračko-invalidsku zaštitu, povratak i integraciju raseljenih lica da razmotri mogućnost da se u narednom periodu pristupi izmjeni Pravilnika o kriterijima i postupku za odobravanje jednokratne pomoći pripadnicima branilačke populacije sa područja grada Tuzla na način da se za troškove sahrane/dženaze za člana porodice korisnika jednokratna pomoć pripadnicima branilačke populacije sa područja grada Tuzle odobri u iznosu od 1000 konvertibilnih maraka kao i da se...Ovo je sad član 4. Član 2. je Pravilnika o izmjenama mijenja se član 4. pa je sad član 4, kao i da se u članu 4. tačka 7. brišu riječi „a ovim članom neobuhvaćenim slučajevima“ te da se u istoj tački briše tekst u zagradi. Ovako sad glasi. U drugim specifičnim a ovim članom neobuhvaćenim slučajevima. Šta da se briše? Pa to sam rekla da se briše. U drugim specifičnim a ovim članom neobuhvaćenim se briše. Znači pisat ću u drugim specifičnim slučajevima.

ANA PEJIĆ

Evo prije nego što se izjasnimo o ovom zaključku, za riječ se javio predlagrač, gospođa Admira, izvolite.

**ADMIRA ATIĆ TUPKOVIĆ – pomoćnik gradonačelnika
za Službu za boračko – invalidsku zaštitu,
povratak i integraciju raseljenih lica**

Dobar dan, evo ja vas sve srdačno pozdravljam. Zahvaljujem se svima na riječima podrške i riječima koje su uputili, pohvalnim riječima za rad službe kojom rukovodim. Slažem se sa većinom prijedloga. Dakle, nikad nije dovoljno za ovu populaciju i kroz sve ove godine gdje sam na čelu ove službe, trudila sam se da svaki put bude to više i bolje. Imam samo potrebu da pojasnim ovaj član vezano za troškove dženaze i sahrane. Znači, radi se znači, o dio troškova sahrane i dženaze za člana porodice korisnika. U dosadašnjem pravilniku taj iznos je bio 300 maraka, zbog povećanja koje smo dobili prilikom usvajanja budžeta, tih 20%, trudili smo da povećamo taj iznos na 400. Znači, radi se o članu porodice korisnika, a sam korisnik demobilisani borac, ratni vojni invalid, porodica šehida, poginulih boraca to pravo ostvaruju putem nadležnih ministarstava, kantonalnog i federalnog. Dobivaju prosječnu platu federacije. U federaciji putem naše službe podnose zahtjev, mi prosljeđujemo i oni ostvaruju

to pravo kada direktno umre korisnik. Dakle, ovo je pravo koje ostvaruje član porodice, ne daj Bože, dijete, supružnik, roditelj. Znači, to niko ne pokriva, ni federacija ni kanton. I mi smo tu uveli naš pravilnik, bilo je 300 maraka, sad je to 400. Iz tih razloga sam imala potrebu da pojasnim. Ovaj, naravno da se slažem da treba i uvijek i bolje i više, ali bojim se da ćemo sa povećanjem na 1000 maraka, koje eventualno može biti u nekom rebalansu ovaj hoćel nam biti dovoljno para za ove ostale potrebe? Eto, to je nekako moja ova sugestija. Prošle godine smo konkretno imali 92 ta zahtjeva za smrt člana porodice korisnika. Ne znamo kako će to biti od prilike, sa stotinjak zahtjeva godišnje to pojavljuje. Bio je iznos 300 maraka, sad je 400. Trudili smo se da, nažalost, sve više ima zahtjeva za troškove za teške bolesti naših korisnika. Znači, to je povećano na 550, to su karcinomi u nastanku ili teške maligne bolesti koje se godinama, znači, ljudima treba alternativna medicina, ne samo ono što se konkretno desi te godine kad je nastala bolest. Kad je naš pravilnik u pitanju i ovo Gradsko vijeće i prethodni sazivi Gradskih vijeća uvijek su apsolutno podržavali, a mi smo se trudili, kao što reče vijećnik Mirnes, da analiziramo i tamo gdje vidimo da nadležna ministarstva nisu radila kako treba, ali nedovoljno nisu radili, da ispravimo te neke nepravilnosti. Tako da slažem se sa prijedlogom da treba više, ali bojim se da će nam malo nedostajat para pred kraj, u drugoj polovini godine. Ovaj, sa ovim povećanjem od 80.000 i sa ovim prijedlozima za povećanje pozicija, mislim da smo poklopili iznos koji smo dobili u budžetu. Što se tiče ovog prijedloga vezano za brisanje ovog u članu sedam, u drugim specifičnim ovim članovima obuhvaćenim slučajevima po zahtjevima koji se ocjene kao opravdani, slažem se, može se brisati to što je vijećnik Mirnes predložio. Kod nas su to uglavnom bile ove više sile i nenamjerne štete. Uglavnom su to bili požari i poplave. Najčešće požari u trošim kućama naših korisnika. Desi se požar i mi promptno, interventno reagujemo sa tim nekim iznosom koji je bio manji, sad smo ga povećali. Nije ni sad dovoljno, ali u takvim situacijama im pomogne. Zapamtila sam još i ovaj, prijedlog vezano za neovjeravanje ovaj, uvjerenja iz Odjela odbrane. Znači ta uvjerenja se ne nalaze kod nas u evidenciji, ali korisnici ih donose i slažem se ovaj slažam se i sa tim prijedlogom. Takođe i medicinsku dokumentaciju koju naš korisnik donosi često bude obimna a mi možemo izvršiti uvid u original i nekim našim malim pečatom ovjeriti da je kopija vjerna originalu. Zaista se trudimo da našim korisnicima izlazimo u susret u svim mogućim situacijama i što se tiče radnog vremena nikad niko nije vraćen pogotovo ne ovaj, ljudi koji su stari, imaju i neku invalidnost a i demobilisani borci a i onaj koji plati taksi 3 marke ne smije se vratiti da nije završio posao. Tako rade ljudi godinama i tako ćemo nastaviti i dalje raditi tako da ne znam da li sam nešto izostavila vezano od prijedloga. (ANA PEJIĆ – U redu je.) Sve sam nekako pojasnila ovaj, a ako ima još nešto da pojasnim...?

ANA PEJIĆ

Izvolite, vijećnik Mensur Alić.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Mi smo sad usvojili ovaj, (ADMIRA ATIĆ TUPKOVIĆ – Dobro.) ali postoji mogućnost. Evo, ne mora biti na 1000 maraka, može ići na 700 maraka. To je otrilike nekih na godišnjem nivou 30.000 maraka. Da naredni, na rebalansu budžeta, tražimo 30.000 maraka u budžet (ADMIRA ATIĆ TUPKOVIĆ - Ja se apsolutno slažem.) i da onda možemo to ispoštovati. (ADMIRA ATIĆ TUPKOVIĆ - Ja se apsolutno slažem.) A da ide zaključak, samo u izmjenju zaključka da bude 700, a da na rebalansu budžeta tražimo 30.000 maraka. Evo.

**ADMIRA ATIĆ TUPKOVIĆ – pomoćnik gradonačelnika
za Službu za boračko – invalidsku zaštitu,
povratak i integraciju raseljenih lica**

Apsolutno podržavam sve što će biti u korist boračke populacije. Hvala. Hvala svima na prijedlozima i sugestijama. Uvijek može bolje.

ANA PEJIĆ

U redu. Zahvaljujem se.

Sladana, hoćete nam pročitati zaključak? Molim vam samo da mikrofon uključite. U redu je, zahvaljujem se, slobodni ste. Možete Sladana, samo mikrofon uključiti, pa pročitati zaključak.

SLAĐANA KRAJINA – sekretar Gradskog vijeća Tuzla

Kako ste Measure rekli? S tim da se u narednom rebalansu obezbijede sredstva jel i 700?

- Gradsko vijeće Tuzla sugerira Službi za boračko-invalidsku zaštitu, povratak i integraciju raseljenih lica da razmotri mogućnost da se u narednom periodu pristupi izmjeni Pravilnika o kriterijima i postupku za odobravanje jednokratne pomoći pripadnicima branilačke populacije sa područja Grada Tuzla na način da se za troškove sahrane/dženaze za člana porodice korisnika jednokratna pomoć pripadnicima branilačke populacije sa područja Grada Tuzle odobri iznos od 700 konvertibilnih maraka, s tim da se u narednom rebalansu obezbijede potrebna sredstva, kao i da se u članu 4. tačka 7. brišu riječi „a ovim članom neobuhvaćenim“ te da se u istoj tački briše tekst u zagradi.

ANA PEJIĆ

Molim Vas da se izjasnite o pročitanoj zaključku. Glasanje je okončano. Konstatujem da je pročitani zaključak usvojen sa, 23 glasa za, nije bilo protiv i nije bilo suzdržanih.

Prelazimo na sljedeću tačku dnevnog reda:

RAZMATRANJE I USVAJANJE DOPUNE METODOLOGIJE ZA IZRADU IZVJEŠTAJA O POSLOVANJU JAVNIH PREDUZEĆA, JAVNIH USTANOVA ČIJI JE OSNIVAČ ILI SUOSNIVAČ GRAD TUZLA.

Predlagatelj je gradonačelnik Grada Tuzla.

Obrađivač je Služba za ekonomski razvoj, poduzetništvo i poljoprivredu, a materijal su razmatrali Komisija za ekonomske odnose...(SLAĐANA KRAJINA – Samo malo.) Ja se izvinjavam, ali nema kod mene. Jel ova? (SLAĐANA KRAJINA – Jeste.) Moguće da je... (SLAĐANA KRAJINA – Možda si povukla dvije stranice.) Nema veze hajde.

RAZMATRANJE I USVAJANJE PRAVILNIKA O KRITERIJIMA I POSTUPKU ZA OSTVARIVANJE PRAVA NA SOCIJALNE JEDNOKRATNE NOVČANE POMOĆI IZ BUDŽETA GRADA TUZLE

Predlagatelj je gradonačelnik Grada Tuzla.

Obrađivač je Služba za kulturu, sport, mlade i socijalnu zaštitu.

Materijal su razmatrali Komisija za statutarna pitanja i propise, Komisija za ekonomske odnose i Klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji Komisija? Nema.

Otvaram raspravu Klubova vijećnika. Vijećnik Mirnes Ajanović, izvolite.

MIRNES AJANOVIĆ

Hvala. Nije rat zvijezda al moram reći nekad davno, davno, davno, davno iskreno se više i ne sjećam kad na početku smo sjedili u radničkom univerzitetu i materijale držali na koljenima nije bilo stola. Držiš na koljenima i tako čitaš, pišeš i diskutuješ. Pa smo onda prešli u BKC i ja se ne sjećam jel prije ili u BKC-u sam predložio ove jednokratne pomoći. Možda Mensur se sjeća on je bio mandat posle mene jeste, i mi smo tad to predložili i tad je to počelo da živi da imamo ovo mogućnost jednokratna pomoć da se nekome da. I to je bilo nekad simbolično pa 100 hiljada, pa petsto pa svašta nešto. I danas imamo odluku koja također povećava sve to. Ne bih sad nabrajao, ima masu nekih povećanja, uslova, kome šta treba, kako, od parstotina maraka do nekoliko hiljada. Ali nešto bih drugo opet, nešto istorijsko u vezi ovog Vijeća što smo uradili. To je u članu 2. Pravilnika pod tačkom 5. I stoji socijalna jednokratna novčana pomoć za plaćanje dijela troškova nabavke senzora za bezbolno i kontinuirano mjerenje šećera u krvi. Ovo dijelom mi smeta. Smeta, nisam stavio amandman, ovo moram brisati, ali ima i ovamo kroz član 26, 27, 28, 29 govori u poglavlju 6 upravo o jednokratnim pomoćima. Šta je senzor? Nije to samo bezbolno, da vi izbjegnute okolnost da recimo pogotovo djeca svaki sat, dva trebaju da budu prstić da bi vidjeli da li imaju problem sa šećerom u krvi, jer ako dođe do šoka, šok može rezultirati i smrću. Nije jednostavno. Može se živjeti s tim, ali morate voditi računa šta je s djetetom u školi, kako opet prstići se budu.

Računao sam nekad koliko je to hiljada uboda godišnje, kad pogledate kakvi su ti prsti te djece, pa i odraslih. Dakle, nije problem samo u tom bolu dok ubodete, nego šta ako profulate šok ili najavu šoka. Opet kažem, može biti teška zdravstvena posljedica, može biti smrt. I šta je bilo u tome najveći problem u državi Bosni i Hercegovini? Vidite senzore, nalijepite na rame, senzor, i putem aplikacije na mobitelu vi u svakom trenutku imate stanje i upozorava na problem šećera u krvi, znate da treba već poduzeti mjere, inzulin šta se već radi. Dakle, smanjuje se izrazito rizik, što bi mogli reći gotovo da ga i nema, jer imate stalnu kontrolu, stalni nadzor. Taj senzor mora imati svako. Neophodno je. Šta je bio problem? Država nije uopšte registrovala taj senzor u agenciji za nabavku lijekova i medicinskih sredstava kao medicinsko sredstvo, nego su ljudi morali švercati to protuzakonito preko granice uhapsu ih, ako nađu, ne smijete to ići preko granice s tim. Dok nismo mi, ovo Gradsko vijeće, pokrenuli kampanju, na osnovu naših inicijativa uspjeli dobiti registraciju, e sad je stalo do primjene toga. Izborili smo se kao grad, da svi to imaju sad u državi BiH, uzmete. Međutim, postoje sad drugi problemi. Ja bi sad zaključak tražio, pa nek nisam napisao, malo da to preformuliše, doradi sekretar jer evo pratili smo sad i ovo, mi kažemo dvije-tri rečenice, a onda dobijemo još pet-šest koje se vežu uz te dvije-tri i da bi to bilo funkcionalno u potpunosti. Ja bi da se to provjeri. Dakle, da kompletan ovaj dio, za narednu sjednicu vijeća, eventualno ono iza ako nešto ne stignemo, ovih tačaka koje sam naveo, član 2. tačka 5. pa 26, 27, 28, 29, sve što se definiše senzora, dobijemo punu analizu. Jer ovdje se govori da nešto daje kanton, pa ako daje kanton, onda mi nešto dajemo drugo, da dobijemo prvo tačnu analizu koliko, ko, šta to uopšte daje, plaća i koliko je registrovanje na području TK-a lica koja trebaju senzor. Kolika je to razlika koju dobijamo, koju trebamo platiti za sva ta lica i interesuje me kvalitet. Dobio sam informaciju da oni daju valda za nekakve senzore koji su neupotrebljivi. I da ljudi, bez obzira što ostvare nekakva prava na to i dobiju taj senzor, moraju opet preko granice ići kupovati senzor koji je kvalitetan, koji

radi, koji daje pravi rezultat. Džaba vam uređaj ako on ne daje ono što treba. Ja mjerim nešto, a on mjeri kako on hoće. A rezultat je zdravstvena katastrofa. Dakle, evo neka Slađa to malo, preformuliše šta nam treba do naredni put. Sa ciljem da se svim licima na području Tuzle u stanju potrebe da moraju mjeriti stanje šećera u krvi, obezbjedi adekvatan senzor. Ne kakav neko nabavi po nekakvim ne znam kakvim sumnjivim okolnostima, pa sebe ugradi u te rabate i svašta nešto, pa od njega nema niko ništa, a prolazimo kroz to da navodno imaju pravo, nego adekvatan senzor koji će dati sigurno, tačno očitovanje, jer to je suština tog senzora. Ako on nije siguran, ako je netačan, neispravan, ispravan, ali navodno ispravan, onda mi od njega nemamo ništa, ugrožavamo živote i djece i starih. Ja bih ovo da bude posebna tačka, naziv kakav će biti analiza realizacije inicijative Graskog vijeća u vezi senzora za bezbolno i kontinuirano mjerenje šećera u krvi. Dakle, mi smo ti koji smo inicirali za cijelu državu, hajde da sad mi odavde, od ovog Vijeća, prvo mi odradimo da vidimo koliko može kroz Zavod zdravstvenog osiguranja, možda mi ne trebamo nikako. Kad kanton već nešto daje, zašto ne daje kompletno? Zašto, ako se već daje zdravstvena zaštita, plaća, ako neko, a svi većinom koji imaju posao, plaćaju zdravstvenu zaštitu, što to mora sad dobiti, kako kaže ovdje, plaćanje dijela troškova. S kakvim pravom neko ima da odlučuje o bilo kakvom životu, bilo koga, u smislu daće ti dio, a šta je sa onim dijelom kojeg ne može onaj platiti? Džaba što si mi dao dio ako ne mogu platiti sve. Dakle, ne možemo se igrati sa životima ljudi, a uzimati naknadu za zdravstvenu zaštitu i reći, e sad ću ja tebi dati nešto, a to nešto ti neće spasiti život, a platio si punu zdravstvenu zaštitu, odnosno iz plate se uzeo puni novčani iznos. Ovo je nedopustivo. Dakle, insistiram i na tome da u okviru tog svega što dobijamo i pripremimo za tu sjednicu, i ja ću to dodatno pripremiti, jel ovo je samo najava, da idemo ka punom dostavljanju za svakog dijabetičara senzora, adekvatnog senzora, po osnovu troškova ili plaćanja od Zavoda zdravstvenog osiguranje, ako se nešto dešava da mi plaćamo razliku, da vidimo kako, dakle, da ne izmišljamo ne bih napamet, ali hoću posebnu tačku, predlažem posebnu tačku dnevnog reda. Ako ne može naredna, sljedeća sigurno, gdje ćemo dobiti podatke koliko je tih lica, koliko to kanton daje, kakvi su tih senzori, kakvi drugi senzori imaju koji su adekvatni, koje ljudi kupuju ponovo bez obzira na ovo stanje, morajući ići u inostranstvo pa kupovati, koliko je to potrebno senzora da se kupi, koliko oni traju po 14 dana, čini mi se da nakon toga se mora mijenjati drugi, koliko to otprilike košta za broj pripadnika dijabetičara na području grada Tuzle prepostavljeni ili tačni. A onda odatle ćemo ići inicijativu da to ide i kao ostali. Dužni smo, svi građani kantona imaju pravo, federacije, države, kako god hoćete. (ANA PEJIĆ – Izvinjavam se Mirnese što vas prekidam, zamolit ću vijećnike koji su tamo u drugoj ovoj prostoriji da uđu u salu, nemamo kvorum za rad sjednice. Janjo, hoćete moliti vas il pozvati ih ili evo pozivam ih da uđu?) Evo, to je oprilike, to pa dok još završim još jedan zaključak ostali završe. Vidite, sad mi imamo ovu službu koja, da ne pogriješimo tačno, za mlade, socijalnu pomoć i koja je inicijator ovoga, to je Asjina služba. Mi imamo situaciju da su njima sad natovarili sve i svašta. Sve, bukvalno, imaju ih pet neko ode na bolovanje ili slično, pa ih bude troje, dvoje. Oni sad imaju one lovce, ja više, ja ne mogu ni nabrojati šta su im sve stavili u ovu službu da rade. Ovdje njima, ne da treba, to smo mi raspravili i ovo je prijedlog koji nismo napisali, ali je Komisija za statutarna pitanja i propise mene obavezala da vam prenesem kao vjećnicima da mi insistiramo na zaključku za povećanje broja službenika u ovoj službi. Trebalo bi da budu, navodno, dva, ali njima ne da trebaju dva u odnosu na pet koji moraju imati, pa i ta dva kad odu na bolovanje, opet su na minimumu. Njima faktički treba tri puta toliko koliko sad imaju da bi mogli stići sve ovo da urade, ali da se za narednu sjednicu Vijeća pripremi informacija, analiza o stvarnom broju potrebnih službenika u službi, kako bi mogli odgovoriti na sve ove potrebe koje su im natovarene na leđa. Bukvalno jesu. Vidjet ćete kada bude i danas. I da se dostavi informacija šta sve ta služba sad dodatno, pored onoga što je radila prošle godine, recimo, izmjenama raznih propisa, ima sad dodatno stavljena u obavezu da mora izvršiti, kako bi mogli donijeti odluku u odnosu na sve to. Toliko hvala.

ANA PEJIĆ

U redu sljedeća za riječ javila se vijećnika Svjetlana Kakeš, izvolite.

SVJETLANA KAKEŠ

Hvala predsjedavajuća. Evo ja bih u ime kluba SDP-a prije svega pohvalila i zahvalila se i gradonačelniku i nadležnoj Službi za kulturu, sport, mlade i socijalnu zaštitu na održavanju i kontinuiteta i unapređivanja visokog nivoa socijalne osjetljivosti ove Gradske uprave i ovog Gradskog vijeća i na tome što su sve to pretočili u prijedlog ovog novog Pravilnika o kriterijima i postupku za ostvarivanje prava na socijalne jednokratne pomoći, iz Budžeta Grada Tuzle, ali vjerujem, evo i po dosadašnjim diskusijama, da ćemo i mi kao vijećnici i vijećnice, usvajanjem ovog pravilnika, tu isti kontinuitet i visinu socijalne osjetljivosti pokazati i učiniti na današnjoj sjednici. Na kraju krajeva ovo Gradsko vijeće je tako svoje opredjeljenje i potvrdilo usvajanjem Budžeta Grada Tuzle, u kojem su značajna sredstva predviđena upravo za ove i druge slične namjene. Ovim pravilnikom se uređuju kriteriji i postupci za ostvarivanje socijalne jednokratne pomoći, za koje su u budžetu grada planirana sredstva u iznosu od 520.000 maraka, ali podsjećam da je oko 2,5, koliko se ja sjećam kad smo usvajali budžet, oko 2,5 milijona maraka u Budžetu Grada Tuzle za 26. godinu namijenjeno za obezbjeđenje različitih vrsta pomoći i podrške za socijalno osjetljive kategorije. Grad Tuzla već dugi niz godina u fokus svojih aktivnosti stavlja brigu o socijalno osjetljivim kategorijama i podsjećam da su i prethodni sazivi Gradskog vijeća usvajali pravilnike sa sličnim odredbama, međutim ono što treba istaći je činjenica da je svaki od prethodnih pravilnika, pa tako i ovaj, uvažavao aktuelnu socijalno-ekonomsku situaciju u društvu, potrebe građana i u skladu s tim su kontinuirano uvedeni novi oblici socijalne jednokratne pomoći, proširivane liste korisnika, povećavani iznosi pomoći i nastojalo se koliko su to zakoni, propisi i raspoloživa sredstva dozvoljavali pojednostaviti postupci za dobijanje pomoći. Ili kako bi to, da parafraziram Mirnesa, analizirala se situacija i stanje i u skladu s tim se uskladjivali akti. To je slučaj i sa ovim pravilnikom i zbog toga Klub SDP-a izražava punu podršku za njegovo donošenje, a isto tako i one zaslužuju i one pohvale koje sam rekla na početku. Razlozi za donošenje novog pravilnika su navedeni u obrazloženju i tu se jasno vidi da je od strane službe pomno praćena socijalna situacija, naročito među najosjetljivijim kategorijama, da je praćen rast cijena za pojedine usluge, ali i da se vodilo računa o povratnim informacijama od strane samih korisnika i organizacija civilnog društva, koji su ukazivali na potrebu određenih izmjena i da se Grad pokazao kao relevantan partner otvoren za inicijative i prijedloge koji dolaze iz organizacija civilnog društva i drugih aktera i korisnika. Tako da je uz njihovo aktivno učešće su evo uvedene i određene izmjene sa ciljem što humanijeg pristupa i obezbjeđenja konkretnih vidova pomoći i uvećanje tih pomoći u skladu sa potrebama i rastom troškova. Tako su, na primjer, ovim pravilnikom uvećani iznosi za gotovo sve oblike pomoć a za neke čak i za 100%. Ne bih nabrajala, svi smo dobili pravilnik. A pohvalno je i što je pomjerena dobna granica za osvarivanje jednokratne pomoći za djecu i mlade koji boluju od teških bolesti, kod kojih je invaliditet nastao prije 15. godine života, za koje je ovim pravilnikom ukinuta dobna granca za osvarivanje prava na pomoć.

Imajući sve navedeno u vidu, predlažemo sljedeće zaključke. Prvo, Gradsko vijeće konstatuje da su pravilnikom o kriterijuma i postupku za osvarivanje prava na socijalne jednokratne novčane pomoći iz Budžeta Grada Tuzle obuhvaćeni svi oblici socijalne jednokratne pomoći, precizirane kategorije korisnika te planirane uvećane iznosi pojedinačnih oblika socijalne pomoći u skladu sa aktuelnom socioekonomskom situacijom, potrebama građana i sa pravnim i finansijskim mogućnostima.

Gradsko vijeće izražava podršku gradonačelniku i nadležnoj Službi za kulturu, sport, mlade i socijalnu zaštu u realizaciji odredbe i pravilnika o kriterijima i postupku za osvarivanje prava na socijalne jednokratne novčane pomoći, kao i podršku ukoliko se tokom realizacije ukaže potreba za izmjenama i dopunama pravilnika ili eventualnim potrebama obezbjeđenja dodatnih sredstava za zadovoljavanje potreba najugroženijih grupa i pojedinaca.

I treći zaključak, s obzirom na složenost i obimnost poslova koje iziskuje vođenje postupaka u skladu sa ovim pravilnikom, kao i na druge postupke iz nadležnosti Službe za kulturu, sport, mlade i socijalnu zaštu, Gradsko vijeće ponovo ukazuje potrebu na potrebu popunjavanja upražnjenih radnih mjesta u ovoj službi kako bi svi postupci obuhvaćeni ovim pravilnikom, ali i drugi postupci iz oblasti kulture, sporta, mladih i drugih mogli biti još efekasnije realizovani i kako ne bi došlo do još većeg opterećenja postojećih uposlenika.

ANA PEJIĆ

Zahvaljujem se. Da li se još neko javlja za diskusiju spred Klubova?

Zaključujem diskusiju Klubova vijećnika.

Otvoram diskusiju vijećnika.

Zaključujem diskusiju vijećnika.

I stavljam na izjašnjavanje prijedlog Pravilnika o kriterijima i postupku za ostvarivanje prava na socijalne jednokratne novčane pomoći iz Budžeta Grada Tuzla i molim vas da se izjasnite. Glasanje je okončano.

Konstatujem da je pročitani prijedlog Pravilnika usvojen sa,
19 glasova za, nije bilo protiv i nije bilo suzdržanih.

Zamoliti ću sekretara da pročita zaključke proistekle iz diskusija. Da li ste za da glasamo u paketu o zaključcima? U redu. Izvolite Slađana, ako ste spremni.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od Službe za kulturu, sport, mlade i socijalnu zaštitu da za jednu od narednih sjednica Vijeća pripremi analizu koja će sadržavati podatke o broju registrovanih osoba oboljelih od dijabetesa mellitusa tip 1 koji imaju prebivalište na području grada Tuzle, koliki iznos oboljeli dobijaju od Zavoda zdravstvenog osiguranja Tuzlanskog kantona ili putem neprofitnih organizacija, te koja je razlika nepokrivenih troškova koje imaju oboljeli a koja bi trebala se nadoknaditi iz Budžeta Grada Tuzle, a sve sa ciljem da se svim licima oboljelim od dijabetesa koji imaju prebivalište na području grada Tuzle obezbijedi da imaju adekvatne senzore koji će dati tačno očitovanje šećera u krvi.

- Gradsko vijeće Tuzla traži od gradonačelnika da se kadrovski ojača Služba za kulturu, sport, mlade i socijalnu zaštitu te u tom smislu traži od Službe da dostavi informaciju o tome koje sve poslove obavlja ova služba u okviru svojih nadležnosti posebno kada su u pitanju poslovi koji su u prethodnom periodu uz dosadašnje dati ovoj službi u nadležnost te kolike su stvarne potrebe kada su u pitanju uposlenici koji obavljaju ove poslove.

- Gradsko vijeće Tuzla konstatuje da su Pravilnikom o kriterijima i postupku za ostvarivanje prava na socijalne jednokratne pomoći iz Budžeta Grada Tuzle obuhvaćeni svi oblici socijalne jednokratne pomoći, precizirane kategorije korisnika, te planirani uvećani iznosi pojedinačnih oblika socijalne pomoći, u skladu sa aktuelnom socio - ekonomskom situacijom, potrebama građana i sa pravnim i finansijskim mogućnostima.

- Gradsko vijeće Tuzla izražava podršku gradonačelniku i nadležnoj Službi za kulturu, sport, mlade i socijalnu zaštitu u realizaciji odredbi Pravilnika o kriterijima i postupku za ostvarivanje prava na socijalne jednokratne pomoći iz Budžeta Grada Tuzle, kao i ukoliko se

tokom realizacije ukaže potreba za izmjenama i dopunama Pravilnika i/ili eventualnim potrebama obezbjeđenja dodatnih sredstava za zadovoljavanje potreba najugroženijih grupa i pojedinaca.

- S obzirom na složenost i obimnost poslova koje iziskuje vođenje postupaka u skladu sa Pravilnikom o kriterijima i postupku za ostvarivanje prava na socijalne jednokratne novčane pomoći iz Budžeta Grada Tuzle, kao i na druge postupke iz nadležnosti Službe za kulturu, sport, mlade i socijalnu zaštitu, Gradsko vijeće Tuzla ponovo ukazuje na potrebu popunjavanja upražnjenih radnih mjesta u ovoj Službi, kako bi svi postupci obuhvaćeni ovim Pravilnikom, ali i iz oblasti kulture, sporta, mladih i dr. mogli biti još efikasnije realizovani i kako ne bi došlo do još većeg opterećenja postojećih uposlenika.

Ovdje nam ovaj drugi i četvrti zaključak il peti su, da ih samo sastavimo jel se slažete? Prvo Svjetlanino pa se te se u tom smislu traži od gradonačelnika. Jel to u redu? (Može.)

ANA PEJIĆ

U redu. Stavljam na izjašnjavanje pročitane zaključke, te vas molim da se izjasnite. Glasanje je okončano.

Konstatujem da su pročitani zaključci usvojeni sa, 20 glasova za, nije bilo protiv i nije bilo suzdržani.

Prelazimo na sljedeću tačku dnevnog reda:

RAZMATRANJE I USVAJANJE DOPUNE METODOLOGIJE ZA IZRADU IZVJEŠTAJA O POSLOVANJU JAVNIH PREDUZEĆA, JAVNIH USTANOVA ČIJI JE OSNIVAČ ILI SUOSNIVAČ GRAD TUZLA.

Predlagač je gradonačelnik Grada Tuzla.

Obrađivač je služba za ekonomski razvoj, poduzetništvo i poljoprivredu.

Materijal su razmatrali Komisija za ekonomske odnose, Komisija za poduzetništvo i Klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu Klubova vijećnika. Vijećnik Mirnes Ajanović, izvolite.

MIRNES AJANOVIĆ

Zaboravio sam, nije da zaboravljam, nego svašta se nešto uradilo u okviru u ovih dvadeset i nešto godina kako sam vijećnik. Inicirao sam metodologiju izrade izvještaja. Mi smo prije dobijali izvještaje o radu javne ustane i preduzeća na dvije, tri stranice. Ničega vi nemate unutra, ni informacija, niti bilo čega što bi bilo konkretno. Samo dobijete to i idemo dalje. Čak sam našao tri, četiri izvještaja o radu bivšeg načelnika, gradonačelnika, koji je potpuno identičan, bio prepisivan, iz godine u godinu, samo datumi mijenjani. Identično svaka riječ u svakoj rečenici. I onda, pošto je to bilo formalno neupotrebljivo, nečitko u smislu onoga što treba da dobijemo informaciju, organizovali smo, bio je Mensur tada, ove metodologije kako da se izrađuju i natjerali smo preduzeća da počnu to raditi. I onda je to došlo do ovakvih nekih debelih i više centimetara nekad i stranica, više desetina stranica, pa smo povećavali bilansima, pa svim, ovim, onim i to je došlo do nekakvog stanja koje je bilo dosta zadovoljavajuće. I njima je to bila obaveza, valjalo je to sve napraviti, ali onda nismo imali tad u ono vrijeme Mensure, dvije stranice dobijesh izvještaja i doviđenja, šta imaš ti čitaš što sam ja radio. Ili razmatrati ili praviti što je gubitak, što je ovako, onako. Nazor dakle nismo imali adekvatan, sad je nadzor i

rezultat evidentan. Imamo već ujednačene, preglednije, uporedive. Bilo je, neko je, ko je, to je radio, to je radila veterinarska stanica. Oni su pravili te dobre izvještaje. Jeste, direktor Ferizbegović je i tad bio, i mi smo tada tražili, pravite ko i oni. Evo ovako, kad dobijete direktor nama dostavi još to ono bude i u boji nije što je u boji, već pregledno, zatvoreno, plastificirano, zaista dobijemo kvalitetan izvještaj, onda je bilo neuporedivo. Dobijete njegov izvještaj ovakav, otprilike ove debljine, fino, ukoričen, i dobijete drugi i na dvije stranice. Pa smo dali to kao primjer i to je dalo rezultata. Natjerali smo ih, slušali su nas. Nije ko danas ko veli ko vas šiša, a neće biti, opet ćemo tako i dalje. Poštujemo ih, ali onoliko koliko oni poštuju i uvažavaju naš rad i mi ćemo njihov. U suprotno, jači smo. Kako god okrenete sve opet od nas zavisi. Iako oni misle da su oni trajni i slično i ovako i onako, a mi smo samo mandatno, odrađuje ovo Vijeće vrlo dobar posao. Dakle, ova metodologija nije sama svrha sebi, nego da imamo te razne informacije gdje mi upravo ono što radimo, njihov dio posla kao vijećnici dajemo brojne prijedloge, kako unaprijediti njihov rad, poboljšati uslove života građanima pa svakoj službi i ustanovi odnosno preduzeću i da vidimo, dakle, šta je urađeno, šta nije, kakvi su trendovi, kakvi su problemi, rizici, finansijski rezultati, gubici, kakva je realizacija zaključaka, inicijativa vijećničkih pitanja, naših rasprava koje evo vodimo, potrošimo. Nekad vrijeme ostajemo devet-deset sati, nekad smo imali i do 4 sata ujutro, ali da imamo tu kulturu odgovornosti prema Graskom vijeću, a Gradsko vijeće prema građanima. Dakle, ipak mi smo ti koje su birali i na kraju moraju nas ili ne moraju, ali ćemo se ponuti da nas opet biraju. I ako naš rezultat izbora zavisi od njihovog nerada, e pa neće biti tako, onda će i njihov rezultat zavisiti od naših odluka. Zato je obaveza da insistiramo na, dakle, dosljednoj metodologiji, dostavljanju izvještaja, već je to dobro, ali evo ovo je sad još finiširanje da to bude bolje.

Ja sam napravio nekoliko predloga zaključaka, nemojte se ljutiti. Jedan, konstatujemo da je uvođenje jedinstvene metodologije za izradu izvještaja javnih preduzeća i javnih ustanova rezultiralo značajnim unapređenjem kvaliteta, preglednosti i uporedivosti izvještaja u odnosu na period prije njenog donošenja. Nekad davno. Dva. Gradsko vijeće Tuzla naglašava da se Metodologija mora primjenjivati sadržajno i suštinski a ne formalno, te da puko popunjavanje propisane strukture bez jasnih i provjerljivih podataka ne predstavlja ispunjenje obaveze izvještavanja. Tri. Gradsko vijeće Tuzla obavezuje sva javna preduzeća i javne ustanove čiji je osnivač ili suosnivač Grad Tuzla da u izvještajima jasno i kvantitativno prikažu realizaciju plana rada i finansijskog plana, posebno obrazlože sva odstupanja u odnosu na planirane ciljeve, daju precizan pregled realizacije zaključaka Gradskog vijeća Tuzla i staviti uključujući i diskusija vijećnika. Pa da dodam samo. Izvinite da ne zaboravim. Da ne bude ovo jer je vrlo bitno. Nek čitaju naše diskusije a nije baš ih briga šta pričamo neće to niko ni da pročita e pa ako ne budu čitali onda ćemo drugačije gledati. Četri. Gradsko vijeće Tuzla zadužuje nadležnu gradsku službu da, prije upućivanja izvještaja Gradskom vijeću Tuzla, izvrši provjeru usklađenosti svakog izvještaja sa Metodologijom, te da izvještaji koji ne ispunjavaju propisane standarde budu vraćeni na doradu. Ovo je malo problematično. Ne mora se insistirati ovo. Nećemo staviti zadužuje, preporučuje staviti. Izvinjavam se. Preporučuje. Neka malo još da mi to...Nadležnoj Gradskoj službi dakle, nek ima da je preporuka radi se al nek ima da ne kažu što ste vi to uradili. Nego da imate obavezu od nas da vas sutra ne prozivaju to radi nas. Te da izvještaji koji ne ispunjavaju propisane standarde budu vraćeni na doradu. I da ne dolaze nama odma ih vraćajte ako to nije u radu. Pet. Gradsko vijeće Tuzla nalaže da se u svakom izvještaju posebno navede koji zaključci nisu realizovani i koji jesu razlozi za njihovu nerealizaciju, odgovorna lica ili organe za neizvršavanje. Šest. Gradsko vijeće Tuzla utvrđuje da se izvještaji koji ne sadrže podatke predviđene Metodologijom, ili sadrže opšte i neprovjerljive navode, neće razmatrati kao potpuni i vjerodostojni izvještaji o radu. Ovo je naša obaveza pa ćemo i mi vraćati. Gradsko vijeće Tuzla zadužuje gradonačelnika da obezbijedi da se u narednom izvještajnom ciklusu Metodologija dosljedno primjenjuje kod svih JPJU te da stepen njihove

primjene pismeno izvijesti Gradsko vijeće. Osam. Gradsko vijeće Tuzla podsjeća da je svrha izvještaja nadzor nad radom javnih preduzeća i ustanova u interesu građana, te da svaki pokušaj vraćanja na praksu formalnog ili sadržajnog praznog izvještavanja predstavlja korak unazad. I evo ovi zaključci ne pooštravaju metodologiju oni je vraćaju njenoj svrsi. Izvještaji nisu reklama uprava nego akt kontrole Gradskog vijeća. Ko to ne prihvata ne razumije svoju ulogu u javnom sistemu. Ovo ću dostaviti kao prijedlog već napisani su zaključci. Toliko. Hvala.

ANA PEJIĆ

Zahvaljujem se. Da li se još neko javlja za riječ ispred Klubova vijećnika?

Zaključujem diskusiju Klubova vijećnika.

Otvaram diskusiju vijećnika.

Prije nego što zaključim diskusiju vijećnika za riječ se javila gospođa Dijana Dizdarević ispred obrađivača pa evo zamolit ću vas samo za govornicu da izađete.

**DIJANA DIZDAREVIĆ – ispred Službe za ekonomski razvoj,
poduzetništvo i poljoprivredu**

Dobar dan evo bez namjere da oduzimam neophodno vrijeme za dalji rad vaš na ovoj sjednici skoristit ću priliku samo da napomenem da je znači, ovo u pitanju dopuna metodologije postojeće, koja je izvršena u skladu sa zaključcima Gradskog vijeća sa prethodnih sjednica. Mi smo znači, kao resorna služba, taksativno sve ove zaključke koji su usvojeni tom prilikom, odnosno prijedloge za dopunu metodologije, uvrstili u važeću metodologiju kako bi javna preduzeća i javne ustanove u narednom periodu je li pripremali izvještaje i sa tim prijedlozima. Jedino nije dopunjen, odnosno uvršten u metodologiju ovaj prijedlog koji se odnosi na da u buduće, znači izvještaji javnih preduzeća, sadrže jasnu viziju o sigurnosti korisnika usluga tog preduzeća ili ustanove, iz razloga što nije bilo precizno definisano u kom kontekstu se misli na jasnu viziju o sigurnosti korisnika. Pa smo u tom smislu uputili, znači u pratećem aktu, ako može da se taj preciznije i jasnije formuliše prijedlog kako bi i preduzeća, odnosno ustanove, mogli adekvatnije dopuniti, odnosno izraditi svoje izvještaje u tom dijelu. Pa evo samo da to naglasim, znači svi prijedlozi koji su uvršteni, koji su u zaključku sadržani, oni su uvršteni u metodologiju, osim ovog prijedloga koji se odnosi na tu definisanu, odnosno kao neki element, odnosno dio izvještaja koji treba da sadrži jasnu viziju o sigurnosti korisnika usluga.

ANA PEJIĆ

Zahvaljujem se. Zaključujem diskusiju vijećnika.

I stavljam na izjašnjavaње prijedlog dopune Metodologije za izradu izvještaja o poslovanju javnih preduzeća i javnih ustanova čiji je osnivač ili suosnivač Grad Tuzla i molim vas da se izjasnite. Glasanje je okončano.

Konstatujem da je pročitani prijedlog dobio potrebnu većinu sa,

19 glasova za, nije bilo protiv i nije bilo suzdržanih.

Zamolit ću sekretara da pročita zaključke proistekle iz diskusija. Da li ste za da glasamo u paketu o zaključcima? Izvolite Slađana.

SLADANA KRAJINA – sekretar gradskog vijeća Tuzla

1. Gradsko vijeće Tuzla konstatuje da je uvođenje jedinstvene Metodologije za izradu izvještaja javnih preduzeća i javnih ustanova rezultiralo značajnim unapređenjem kvaliteta, preglednosti i uporedivosti izvještaja u odnosu na period prije njenog donošenja.
2. Gradsko vijeće Tuzla naglašava da se Metodologija mora primjenjivati sadržajno i suštinski a ne formalno, te da puko popunjavanje propisane strukture bez jasnih i provjerljivih podataka ne predstavlja ispunjenje obaveze izvještavanja.
3. Gradsko vijeće Tuzla obavezuje sva javna preduzeća i javne ustanove čiji je osnivač ili suosnivač Grad Tuzla da u izvještajima:
 - jasno i kvantitativno prikažu realizaciju plana rada i finansijskog plana,
 - posebno obrazlože sva odstupanja u odnosu na planirane ciljeve,
 - daju precizan pregled realizacije zaključaka Gradskog vijeća Tuzla i diskusija vijećnika.
4. Gradsko vijeće Tuzla preporučuje nadležnoj gradskoj službi da, prije upućivanja izvještaja Gradskom vijeću, izvrši provjeru usklađenosti svakog izvještaja sa Metodologijom, te da izvještaji koji ne ispunjavaju propisane standarde budu vraćeni na doradu.
5. Gradsko vijeće Tuzla nalaže da se u svakom izvještaju posebno navede:
 - koji zaključci Gradskog vijeća nisu realizovani i koji jesu
 - razlozi za njihovu nerealizaciju,
 - odgovorna lica ili organe za neizvršavanje.
6. Gradsko vijeće Tuzla utvrđuje da se izvještaji koji ne sadrže podatke predviđene Metodologijom, ili sadrže opšte i neprovjerljive navode, neće razmatrati kao potpuni i vjerodostojni izvještaji o radu.
7. Gradsko vijeće Tuzla zadužuje gradonačelnika da obezbijedi da se u narednom izvještajnom periodu Metodologija dosljedno primjenjuje kod svih javnih preduzeća i javnih ustanova čiji je osnivač ili suosnivač Grad Tuzla te da o stepenu njene primjene pismeno izvijesti Gradsko vijeće.
8. Gradsko vijeće Tuzla podsjeća da je svrha izvještaja nadzor nad radom javnih preduzeća i ustanova u interesu građana, te da svaki pokušaj vraćanja na praksu formalnog i sadržajno praznog izvještavanja predstavlja korak unazad.

ANA PEJIĆ

Molim Vas da se izjasnite o pročitanim zaključcima. Glasanje je okončano.
Konstatujem da su pročitani zaključci usvojeni sa,
21 glasom za, nije bilo protiv i nije bilo suzdržanih.

Prelazimo na sljedeću tačku dnevnog reda:

Razmatranje i usvajanje imovinsko-pravnih akata pod:

a) Odluka o izboru najpovoljnijeg ponuđača i davanju saglasnosti na zaključenje ugovora o osnivanju prava građenja na nekretninama u vlasništvu Grada Tuzla (broj: 01/07-27-4225/25), pod

b) Odluka o utvrđivanju javnog interesa projekta za izgradnju dionice pješačke staze na regionalnoj cesti R470 Tuzla-Dubrave na području grada Tuzla (broj: 01/07-27-24765/25)

Odluka o prodaji nekretnine u suvlasništvu Grada Tuzle neposrednom pogodbom i davanju saglasnosti na zaključenje ugovora o prodaji, pod

d) Razmatranje zahtjeva Ministarstva prostornog uređenja i zaštite okolice Tuzlanskog kantona za davanje mišljenja u postupku donošenja Odluke o utvrđivanju

javnog interesa za rekonstrukciju dijela regionalne ceste R-455b Morančani (spoj sa M-18) – Suha (spoj sa R-455a), na području gradova Tuzla i Živinice

Predlagач je gradonačelnik Grada Tuzla.

Obrađivač je Služba za geodetske i imovinsko-pravne poslove, evidenciju i upravljanje imovinom.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline i Klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji Komisija?

Otvaram raspravu klubova vijećnika.

Zatvaram raspravu Klubova vijećnika.

Otvaram raspravu vijećnika.

Zatvaram raspravu vijećnika.

I da li ste za da glasamo u paketu o svim...?

Stavljam na izjašnjavanje Odluku o izboru najpovoljnijeg ponuđača i davanju saglasnosti na zaključenje ugovora o osnivanju prava građenja na nekretninama u vlasništvu Grada Tuzla (broj: 01/07-27-4225/25), pod

b) Odluka o utvrđivanju javnog interesa projekta za izgradnju dionice pješačke staze na regionalnoj cesti R470 Tuzla-Dubrave na području grada Tuzla (broj: 01/07-27-24765/25)

Odluku o prodaji nekretnine u suvlasništvu Grada Tuzle neposrednom pogodbom i davanju saglasnosti na zaključenje ugovora o prodaji i mišljenje u postupku donošenja Odluke o utvrđivanju javnog interesa za rekonstrukciju dijela regionalne ceste R-455b Morančani (spoj sa M-18) – Suha (spoj sa R-455a), na području gradova Tuzla i Živinice i molim vas da se izjasnite. Glasanje je okončano.

Konstatujem da su pročitane odluke i mišljenje usvojeni sa,

20 glasova za, nije bilo protiv i nije bilo suzdržanih.

Sada se za riječ javio gospodin Jasmin Bajrić, pa zamolit ću vas da izađete za govornicu, a tiče se tačke 18. dnevnog reda.

Dajem pauzu od 5 minuta.

(Pauza.)

Pozivam vijećnike da uđu u salu kako bismo nastavili sa radom.

Nastavljamo sa radom sjednice.

Sada pozivam gospođu Dijanu Dizdarević ispred Službe za ekonomski razvoj i poduzetništvo i poljoprivredu da se obrati. Molim vas samo za tišinu i koncentraciju. Dijana, izvolite.

**DIJANA DIZDAREVIĆ – ispred Službe za ekonomski razvoj,
poduzetništvo i poljoprivredu**

Hvala. U ime predlagачa obraćam se sa prijedlogom da se skine s dnevnog reda tačka Razmatranje prijedloga za upućivanje Inicijative za dopunu Pravilnika o uslovima načinu i postupku socijalne zaštite (Službene novine Tuzlanskog kantona broj 10/24.)

ANA PEJIĆ

Samo malo za riječ se javila sekretar Slađana Krajina, izvolite.

SLAĐANA KRAJINA – sekretar Gradskog vijeća Tuzla

Poslovnička, znači ne da se skine, nego u ime predlagača povlačite s dnevnog reda tačku pa ponovite.

**DIJANA DIZDAREVIĆ – ispred Službe za ekonomski razvoj,
poduzetništvo i poljoprivredu**

Aha da ponovim. Jeste, okej. Dakle, u ime predlagača obraćam se s prijedlogom i upućujem prijedlog da se povuče tačka, povlačim, tačku dnevnog reda Razmatranje prijedloga za upućivanje Inicijative za dopunu Pravilnika o uslovima načinu i postupku socijalne zaštite.

ANA PEJIĆ

U redu konstatujem da je sa dnevnog reda povučena tačka 18 Razmatranje prijedloga za upućivanje Inicijative za dopunu Pravilnika o uslovima načinu i postupku socijalne zaštite (Službene novine Tuzanskog kantona broj 10/24.)

Sljedeća tačka dnevnog reda:

RAZMATRANJE MOGUĆNOSTI ANGAŽIRANJA PRIVATNIH FIRMI U SVRHU ČIŠĆENJA PUTEVA I ULICA OD SNIJEGA

Predlagač je vijećnik Mirza Malkočević, vijećnik Naroda i pravde pa pozivam vijećnika Malkočevića da nam ukratko da obrazloženje ove tačke.

MIRZA MALKOČEVIĆ

Eh hvala predsjedavajuća, pozdrav svim prisutnim još jednom. Evo ovako bili smo svjesni u proteklom periodu nakon obilnih padavina da smo imali manje probleme sa čišćenjem snijega, pogotovo u visinskim zonama i sporednim ulicama. Zato sam inicirao ovu tačku zbog pozitivnog iskustva koje smo mi imali u našim mjesnim zajednicama na području tri mjesne zajednice Gornja Lipnica, Lipnica i Srednja Lipnica. To se radi o angažovanju trećih lica na čišćenju sporednih ulica u saradnji sa Javnim komunalnim preduzećem Komunalac. Bitno je naglasiti evo da na području grada Tuzle trenutno po planu čišćenja od 500 kilometara ali sa sporednim ulicama grad Tuzla ima oko 1200 kilometara puta. Tako da je to jedan jako, jako velika, velik broj gdje stvarno moramo razmišljati o uključenju trećih lica i nabavku nove opreme i pomoći Javnom komunalnom preduzeću Komunalac. Ja opet moram da se zahvalim svim radnicima komunalca koji su u tri smjene radili, pokušavali da se izbore sa snijegom, iako je znamo da je u jednom danu palo preko 50 centimetara snijega. Jako je teško bilo to sve stići očistiti. Jest tačno. Hvala. Tako da ne bi dužio, ja sam evo pripremio zaključke pa ću pročitati i mislim da će ovo...(ANA PEJIĆ - Možete li samo u diskusiji zaključke, obzirom da je ovo samo obrazloženje tačke dnevnog reda? (MIRZA MALKOČEVIĆ – Aha. Može, može, može. Hvala.)

ANA PEJIĆ

U redu. Otvaram raspravu Klubova vijećnika. Evo prvo vijećnik Mirza Malkočević, pošto je on svakako predlagač, pa vijećnik Omer Berbić, izvolite.

MIRZA MALKOČEVIĆ

Evo, kao što smo rekli, ja sam pokušao da na jedan malo drugačiji način odradimo strategiju kompletnu za čišćenje na području grada Tuzle. Tako da ću predložiti par zaključaka. Prvi zaključak je uspostavljanje novog modela organizacije zimske službe. Zaključuje se da je neophodno izraditi i promijeniti novi model organizovane zimske službe Grada Tuzla uz donošenje novog operativnog plana, koji će biti u potpunosti prilagođen stvarnom stanju na terenu, konfiguraciji, putne mreže i realnim potrebama građana sa ciljem istovremenog i efikasnog djelovanja na svim dijelovima grada. Zaključak broj 2. Slađana ja ću vama dostaviti ovo sve, jel može pa da ne moram? Ha? Pa ja, može. Definisanje...Zaključak broj 2 definisanje operativnih područja u saradnji sa nadležnim službama. Zadužuje se Javno komunalno-preduzeće Komunalac Tuzla, Služba za komunalne poslove, Služba za saradnju sa mjesnim zajednicama Grada Tuzle da zajedničkim koordinirano izvrše analizu stanja lokalnih i nerazvrstanih cesta, procjenu dostupne mehanizacije i kadrovskih kapaciteta, definisanje operativnih područja za provedenje poslova zimske službe. Tom prilikom će se jasno utvrditi područje koje će u cijelosti realizovati Javno komunalno-preduzeće Komunalac, a područja koja će po utvrđenom modelu biti povjerena najviše, biti povjerena pravnim licima. Zaključak broj 3. Angožovanje pravnih lica putem javnog poziva. Zaključuje se da se odabir pravnih lica izvođača radova za zimsko održavanje puta vrši putem javnog poziva otvorednog tipa u skladu sa važećim propisima uz jasno definisane kriterije koji se odnose na tehničku, kadrovsku i operativnu osposobljenost. Zaključak broj 4. Grafički prikaz i teritorijalna podjela putne mreže. Zadužuje se nadležna služba da u saradnji sa komunalcem izgradi grafički i kartografski prikaz ukupne putne mreže lokalnih i nerazvrstanih cesta na području grada Tuzle te izvrše podjelu na 4 do 5 operativnih područja uz jasno označena područja koja će područja u nadležnosti Javnog komunalnog-preduzeća Komunalac i područja u nadležnosti angažovanih pravnih lica. Zaključak broj 5. Jačanje kapaciteta komunalca. Zaključuje se da je u narednom periodu potrebno planski jačati materijalno-tehničke i kadrovske kapacitete komunalca kako bi se obezbijedilo dugoročno održivost i kvalitetno izvršavanje poslova zimske službe. Zaključak broj 6. Uspostava operativnih punktova. Prilikom izrade novog operativnog plana zimske službe obavezno je planirati uspostavu operativnih punktova na strateškim lokacijama sa ciljem povećanja efikasnosti skraćivanja vremena, skraćivanja vremena i reagovanja i boljoj pokrivenosti terena. Na ovaj zadnji zaključak sam mislio to da se na zapadnom i na istočnom dijelu grada naprave punktovi za dosipanje soli ako je potrebno u kamione. Eto, toliko. Hvala.

ANA PEJIĆ

Zahvaljujem se. Sljedeći za riječ se javio vijećnik Omer Berbić, izvolite Omere.

OMER BERBIĆ

Evo ja da se javljam da odmah za repliku. Kaže, bio sam ja u Živinicama kad je ono snijeg zapado pa kroz jedno 3-4 dana i tamo na jednom sastanku i pitam, ja njih zanimalo, me reko, ko vama radi čišćenje snijega jel privatno preduzeće, javno preduzeće? Kaže, onaj meni momak, dragi kaže Omere nama jedino dragi Allah, ovdje radi na čišćenju snijega. Kaže, kad ono malo ide iznad nule, ono će se otopiti, i to je to, nema kaje nama pomoći. I otprilike ja

mislim da smo se i mi tako osjećali ovdje. Možemo mi sad ovdje hvalit, mislim, hvalit će ovdje, većina će falit komunalac, ne govorim većina ova, nego većina će falit komunalac, civilnu zaštitu i tako dalje, svi su radili, svi su bili odlični, fantastični, a na kraju, deset dana je prošlo od snijega a ja nisam do kuće mogao doći autom. Deset dana je prošlo, a živim, znači, od Prinčeve džamije, gore u Ši Selu, možda minut autom. Katastrofalno je komunalac odreagovao na ove snježne padavine. I ne može mi niko reći da je to opravdano, jer nije opravdano. Zašto? Zato što se u većini gradova, bar nešto probalo uradit, a kod nas mi smo čekali, ko vjeruje u Boga, dragog Boga, da nam to otopi. Svaka čast onim radnicima, mislim, s kakvom mehanizacijom, to je Mirza ovdje jedino u pravu, s kakvom mehanizacijom rade, svaka im čast što ljudi imaju živce i sabura da hoće uopšte to da rade. Zašto ovo govorim? U Zenici, tri dana nakon što je snijeg počeo, javna akcija, odnosno javni poziv, sto ljudi se prijavilo da rade za 75 maraka dnevno radne akcije. Isto u Sarajevu probali nije bilo ljudi. Kod nas ni da probaju. Dalje. Da nije bilo inicijativa iz određenih mjesnih zajednica da ljudi nađu bagere, traktore, ko šta ima. Kao što je Mirza i to reko. Pa kod nas bi se pravili mrtvi. One mjesne zajednice bi kroz jedno 15-20 dana, ja sam probo da odem kod jednog prijatelja koji je držo ovdje kafanu, sad je preminuo u među vremenu. Probo da odem na ručak. On meni kaže Omere ja sam u Požarnici, ne mogu se odavde izbavit. To je znači, bilo deset dana nakon što je snijeg pao. Znači nije dobro odrađeno. Ovdje treba sistemski da se rješava na pitanju angažovanja trećih lica. Potpuno se slažem. Ali da ih imate na pozivu, čim krene snijeg, zovite okolo ljude za koje znate da imaju traktor, bager, određenu mehanizaciju. Angažujte ih i platit koliko treba da i rubne i mjesne zajednice budu barem malo očišćene. A ovdje, mislim, ne govorim samo o rubnoj, ovdje i centar grada nije bio očišćen. Znači ka-ta-stro-fal-no. Po meni čak do nivoa traženja odgovornosti glavnih i odgovornih lica za ovo što nas je snašlo. I mislim, evo sad se otopilo, pa to možda mi ne osjećamo toliki pritisak građana. Ali mislim da ovo treba, mora biti puno bolje da se na ovakve snježne nanose, snježne padavine ne možemo samo osloniti na ono što imamo, nego da treba malo razmišljati i mimo onih naših ustaljenih praksi. Pa, evo prošlo je možda dva dana od kad je onaj snijeg pao, ministar Helez ministar odbrane kaže, oružane snage su na raspolaganju bilo kojem Štabu civilne zaštite da dođu da čiste snijeg. Kod nas, mi smo nas dvoje, troje ovdje morali da zovemo menadžment obdaništa, ne bil se očistio led ispred obdaništa dole na Ircu. A preko puta bager stoji parkiran, bager od centralnog grijanja. I to je sad svima ok, to je svima fantastično odrađen poso, nema svaka čast hajmo pljeskat. Nije okej i nije dobro, realno nije dobro. I ako ne budemo ovako reagovali, mislim da ćemo idući put kad nam padne snijeg, isto ovako komentarisati u vjetar i nikom ništa.

Neću ovdje nikakve ja zaključke davat, mislim Mirza je dao zaključke, oni su sasvim okej, korektni, ali je vrijeme da malo i mi vijećnici na odgovornost pozovemo i ove direktore koji tobože rade fantastičan poso, a onda kad dođe malo do nekog problema, eto nismo mi ovaj onaj li-la. Ministar Helez kaže, znači oružane snage su vam na raspolaganju, iz našeg Štaba civilne zaštite ne dođe zahtjev, ako je došo, evo nek dođu, nek izađu, nek me isprave. On kaže, do ovog trenutka, evo sad mogu ga citirat, evo na kliksu, kaže čovjek. Evo, ministar Helez ponudio pomoć oružanih snaga i tako dalje, i kaže, do ovog trenutka ministarstvo odbrane nisu zaprimili zvaničan zahtjev za angažman od strane civilnih struktura vlasti. Pa ljudi, imamo sve metode da ovo bar ne bude katastrofa, nego da bude prihvatljivo, naravno ne možemo očekivati, New York ne napravi da bude sve čisto i da se može hodati onako ko da je ljeto, Francuska, Švicarska, niko to ne može napraviti, ali možemo bar napraviti da ne lomimo noge. E to možemo napraviti, imate izjavu, također, gore mislim načelnika ili doktora hirurgije, koji kaže da su dobili ogroman broj preloma radi snjega, a mi smo zato krivi, ovo Gradsko vijeće koje aminuje direktora i koji očigledno ne znaju ili ne žele da rade svoj poso.

Ja sam imao potrebu ovo da kažem, vezano za ovu temu, očekujem veliki broj sad ljudi da će naravno braniti, ali nemojte ljudi da branite neodbranljivo. Nemojte da govorite da je

okej nešto što nije okej. Nemojte da govorite da smo dobro odreagovali kad nismo odreagovali. Jer inače će se to samo ponavljati. I ovako ćemo do veli vakta. Vrijeme je da direktori, kad preuzmeš funkciju direktora, onda imaš i odgovornost. Bogami, družice ili drugarice, odgovaraj u skladu s onim što si uradio, što nisi uradila. Ovo nije bilo dobro odradjeno. Fala ljepo.

ANA PEJIĆ

Zahvaljujem se. Replika, prvo evo je Mirza Malkočević, pa replika vijećnik Mirnes Ajanović, izvolite.

MIRZA MALKOČEVIĆ

Evo ja ću kratko samo, ovaj, ništa ne može biti savršeno, uvijek može bolje, evo zato smo i predložili zaključke da poboljšamo rad i da evo dočekamo još spremnije koliko god je moguće, da kao Gradsko vijeće, kao Grad Tuzla pomognemo u saradnji sa civilnom zaštitom i sa Javnim komunalnim preduzećem Komunalac, da napravimo što bolji plan uz pomoć i Gradskog vijeća i Savjeta mjesnih zajednica, ali evo samo ću jednu odluku pročitati, jako je bitna pogotovo, evo bar meni, ne znam vama, ostale Odluka o komunalnom redu, izričito je propisana obaveza svih upravitelja, objekata, privrednih društava, vlasnika, poslovnih prostora, etažnih vlasnika da kontinuirano pravovremeno i o svom trošku vrše čišćenje snijega i leda sa prilaza, trotoara i drugih javnih površina koje koriste ili kojima upravlja, a čije neizvršavanje predstavlja povredu komunalnog reda i podliježe inspekcijском nadzoru izricanju zakonsko propisanih sankcija. Mislim da i o tom malo trebamo poraditi, da probudimo i mi u sebi tu odgovornost da i mi negdje trebamo da čistimo, tj. ispred svojih poslovnih prostora i svega što je ovdje navedeno. Eto, toliko.

ANA PEJIĆ

U redu, replika vijećnik Mirnes Ajanović, izvolite.

MIRNES AJANOVIĆ

Htio sam izbjeći ovo, ali evo, prilika što se javljam jeste da podržim Mirzinu inicijativu. On je to korektno napravio ono što je moguće da vidimo s čime ćemo moći raspolagati. Ima li toga uopšte, da li ima privrednika koji će se uključiti, neće, ima li mehanizacije da raspravimo. Malo mi neću na svog druga Omera. Čudi se puno što je ovako stanje, a ona njegova čudička se ne čudi, neg još gore deset puta stanje gdje je kanton odgovoran imaju tolike pare, izađe s lopatom da ona nešto čisti. E jesu vala njihova stranka vala baš. Ono je bio najsmješniji i najgori potez koju je neko mogo uraditi. Dakle, toliko su nesposobni da kao vlast organizuju vlast, da oni izađu pa lopataju nešto. Evo kolko smo mi dobri. Nisam vidio goru i nakaradniju stvar nego ono što su oni uradili. Još oni ono, ono tramvaj i oni s lopatama idu ono ko odoše oni riješit problem Sarajeva. A ne možeš hodat po Sarajevo. Deset puta gore nek po Tuzli. Omere, nije tebi usmjereno. Nisi ti kriv što si tam kod njih. Ja, tako se čovjek zadesi nekad. Ne, stvarno, ne mislim. Omer je naš drug i Omer je drugačiji, ali je nažalost u toj najgoroj koja može biti stranka na svijetu njihovoj stranci. Halali. Dakle, ne može se napadati nešto što je tako kako jeste bilo gdje jeste. Ovo je prijedlog Mirzin korektan. Hajde da vidimo šta možemo uraditi realno. A sad reći direktor je najgori direktor, najgori dire...Kolko ba Mirza 1000 kilometara (MIRZA MALKOČEVIĆ – hiljadu i dvjesto.) 1.200 kilometara valja to očistiti. Nema opravdanja. Ovo je, da mi šutimo, rekli bi...Šta ćemo, baš nas briga. Nije, Mirza daje korektan prijedlog. De da vidimo

stanje. Sutra kad padne na koga možemo računati? Ni na kog. Lopatu i hajde šta ćeš il trpi. Ali ovoj napad nije, nije osnovan toliko da mi direktora na ovoliko kilometara hoćemo linčovat, onda prvo hajmo Sabinu. Slažem se. Evo, direktor nevalja, prijedlog, zaključka. Ukazujemo da Vlast u federaciji, u državi, je najgora vlast koja može biti na svijetu. Pogotovo ove Sabine Čudić kako je postala predsjednica s onime što radi Bože sačuvaj. Ali neću, jer bi to dovelo Omera u problem i neću predlagati kao zaključak. Ali Omere, nemoj previše, jer onda bi nas natjero da i mi predlažemo zaključke. Moglo se uraditi koliko se uradilo. Velike su količine snijega bile. Dobili smo informaciju da su u samom startu, čim je počelo, bili na terenu. Falio nam je ovakav prijedlog kao što sad Mirza daje. Da smo ga uradili prije. Ali nismo, evo jesmo sad. I jesmo se uljuljali. Sve zadnje zime su bile, snijega i nema. Hodaš po ljetnim gumama. Nisu ljudi ni mijenjali gume. Ali evo palo. E da ne bilo ubuduće, zato Vijeće radi. I predlažem i siguran sam da ću Omerovo podržati a ne treba previše napadati na ovakve okolosti kakve su bile. Toliko, hvala.

ANA PEJIĆ

U redu, replika vijećnik Omer Berbić, izvolite.

OMER BERBIĆ

Evo prvo mom drugu Mirnesu pa ću mom drugu Mirzi. Mirnes ovdje jednu činjenicu nije jako bitnu reko. Naša stranka je pomogla tuzlansku privredu zato što su koristila tuzlansku so. Ja mislim da to vrijedi ovdje spomenuti u ovom konkretnom slučaju. Ali da ti ja Mirnese kažem, ja nisam bio u Sarajevu niti ja znam šta oni tamo rade, niti mene to zanima. I onaj, vjerovatno, direktor KJP rada je također katastrofalan. Mislim siguran sam da on možda nema tu platu od pet i po hiljada koliko ovdje ima. Ali je i on također katastrofalno reagovao košto je i ovaj naš. I on zaslužuje isto tako smjenu. I apsolutno se slažem. Nećemo se igrat dvostrukih jaršina i on zaslužuje smjenu. I ja ću to stranačkim organima reć. Ja ne bježim od toga. I ja mislim, imaju šest mjeseci, šest godina imaju premijera kantona Sarajevo. Mo-ra-li su situaciju napraviti da bude bolja. Materijalno, tehnička, kadrovska, na svaki drugi mogući način. Nisu. Istina je kao što ni ovdje naš direktor to isto nije uradio. I ne. Ok, svako ima pravo i mogućnost da ispred svog praga očisti. Apsolutno se slažem. Ali nije prihvatljivo da na ostalim mjestima gdje imamo šetališta, gdje nema pragova, gdje nema ovo, gdje ne možeš hodati da nije led. To meni nije prihvatljivo. Mislim, ok, ako je vama prihvatljivo ja nemam ništa protiv. I ako ćemo sad to sa jednog ljudskog nivoa vući na politički, košto moj drug pokušava, ja nemam ni taj problem. Evo ja kažem, svoj stav nisu ni tamo dobro. Al nemojte da bježimo od onog kad poso nije dobro urađen. A sad nije dobro urađen. To treba javno reć. Et, toliko o mom drugu. Ovo je i mom drugu Mirnesu i mom drugu Mirzi i ja se vjerovatno neću više javljati osim ako ne bude nekih udaraca ispod pojasa, pa ja sad mislim da smo to do sad izbjegli. Eto.

ANA PEJIĆ

U redu. Sljedeća diskusija vijećnik Dejan Kovačević, izvolite Dejana.

DEJAN KOVAČEVIĆ

Hvala predsjedavajuća. Evo, bili smo svjedoci ove godine a i prošle smo bili svjedoci da je u vrlo kratkom vremenu pala velika količina snijega. S obzirom, evo naše Javno komunalno poduzeće Komunalac, s obzirom sa kojim brojem ljudstva raspolaže i kojim brojem mehanizacije za rješavanje pomenutog problema, mislim da su oni opet u svojoj, koliko

su mogli u svojoj mogućnosti onaj, dali maksimum od sebe i da odrade posao kako treba. I ovom prilikom bi se zahvalio i svim radnicima Javnog komunalnog poduzeća, Komunalac i menadžmentu na uloženom trudu i na očišćenim evo prometnicama i ovim svim žilama, kucavicama. Međutim, ja se ponovo pozivam na ono, evo, nadovezujem na Mirzinu na ovaj Pravilnik o komunalnom pravilniku. Imali smo...Stalno imamo priliku da ljudi neće da pometu ispred svog praga. Tako da, evo, svako ispred svog praga pa će nam biti lakše, lakše će biti i komunalcu. Međutim, evo, htio bih da se nadovežem ovaj, na kolegu Mirzu. U potpunosti podržavam zaključke koje su iznijeti da se putem javnih natječaja omogući trećim licima ili nekim privrednicima da putem javnih natječaja učestvuju i apliciraju i učestvuju u rješavanju ovog problema čišćenja snijega. Tako i da se, naravno, napravi konkretna i decidna detaljna mapa svih lokalnih puteva na području grada Tuzle, uključujući naravno i ove regionalne. Znamo da regionalne puteve održava županijska razina.

Samo bih još nadovezao i predložio jedan zaključak. Slađana ako možete stići? Da Gradsko vijeće traži od nadležnih službi i institucija da se formiraju područni zimski punktovi Breške, Simin Han, Krojčica, Husino, Mramor. Ovo bi bilo nekih pet područnih, koji bi iz kojih bih bilo komunalac ili evo, ko se angažira putem javnog natječaja, lakše mogao pristupiti lokalnim putevima i čistiti iste.

Još jednom evo puna potpora zaključcima kolege Mirze i nadam se da će u iduće godine, u zimskom periodu kad nam dođe sezona moć i Javno komunalno poduzeće Komunalac lakše odgovoriti ovaj, vremenskim neprilikama i zahtjevima. Hvala.

ANA PEJIĆ

Evo svakako, replika vijećnik Mirnes Ajanović a i diskusija ste svakako...Izvolite. (MIRNES AJANOVIĆ – Nema veze neću dugo, samo kratko ću replikom.) Izvolite.

MIRNES AJANOVIĆ

Zaboravili smo, prvo je bio jedan bezobrazluk tih firmi koje su prodavale one lopate po cijeni koja nema logike sa zdravim razumom. Dakle, mnogi su htjeli profitirati kao što uobičajeno profitiraju u kriznim situacijama, pa i sad. Pa neki su bili, kaže došle lopate ali dok mi vidimo kakve ćemo cijene napraviti. Čekalo se. Što su ljudi sami htjeli da mogu, kako kažu, ispred svojih vrata čime ćeš? Rukama. Moraš nećim. Ali ja ovdje, zaboravili smo, moram pohvaliti Javno komunalno preduzeće Saobraćaj i komunikacije direktora Nedžada Malikića. Ne znam je li čovjek uopšte spavao tih dana. Od jutra do mraka su bili na cesti, lopatali, čistili, rješavali, koristili sve što su mogli od svoje mehanizacije i ljudstvo. Ja sam ih zaticao po 5, 6, 7 na cesti, zajedno lopataju, sklanjaju, rade.

Tako da mora se i ovo staviti jedan kao zaključak, da se zahvaljujemo svima koji su dali podršku u rješavanju ovog aktuelnog problema, ogromnih snježnih padavina u Tuzli, a pogotovo JKP Saobraćaj i komunikacije direktoru i uposlenicima koji su danonoćno bili na cesti i rješavali problem i mogućnosti parkiranja vozila i pokretanja vozila i oslobađanja sabračajnica snijegom. I što je dalo još dodatni doprinos komunalcu u smislu rješavanja stanja, jer bi bilo sigurno mnogo teže da nije bilo ove podrške. Toliko. I da se obezbjedi ovaj dio moramo vidjeti, dakle, tih lopata na raspolaganju da imamo, jer ljudi bi to i očistili da imaju lopatu, nego su ljudi nako kako je ko mogo čistio a nisu imali osnovni uslov za rad te preskupe lopate, koliko su bile tražili su nešto po 70 maraka za lopatu, šta je bilo informacije su bile takve u medijima. Dakle, da i ovo možda obezbjedimo, da se kroz mjesne zajednice ili kućne savjete obezbjedi po ta bar jedna lopata, onda bi bilo lakše da neko uzme, prihvati je i da se čisti. Toliko. Hvala.

ANA PEJIĆ

U redu. Replika Mirza Malkočević, izvolite.

MIRZA MALKOČEVIĆ

Replika mom kolegi Mirnesu. Čisto evo, da se pridružim pohvalama našem direktoru ovaj, Malikiću. Ja sam bio u kontaktu i s njim i on je jedan od direktora koji je iskoristio ovu mogućnost direktnog sporazuma angažovanja trećih lica, tako da je efikasnije su očistili grad i parkinge. Samo da se nadovežem, ako mogu sad da se ne javljam u diskusiji za vijećnike? (ANA PEJIĆ – Izvolite.) Ovaj, pošto sam zaboravio jednu jako bitnu stvar, bar evo ja kroz svoje savjete mjesnih zajednica sam incirao da svi savjeti mjesnih zajednica naprave spisak svih sporednih ulica po dužini koliko ih imamo i dostave komunalcu čisto zbog bolje raspodjele soli koja se dešavali i otprilike se to so rasporedi po tonu dvije, onako kako je do sad bilo a imamo mjesne zajednice ne znam koje imaju 7, 8, 10 kilometara tih sporednih ulica, pogotovo u visinskim zonama gdje je stvarno potrebna so. Imamo zajednice gdje nemaju toliko i dobiju isti, istu količinu soli. Mislim da na to možda ili da gledamo da naredne godine povećamo količinu soli koju smo dobili, a znamo da smo ove godine imali malu nestašicu soli na kraju kad pošto je nestalo u par mjesnih zajednica u visinskim zonama. Eto, toliko. (MIRNES AJANOVIĆ – Mogul ja repliku?)

ANA PEJIĆ

Može, izvolite. Mirnes Ajanović, replika.

MIRNES AJANOVIĆ

Ja, ma moram i ovo reći, recimo, ljudi su zvali neko nije mogao dobiti možda komunalac, pa su zvali i nas vijećnike. Problem u ovoj ulici u onoj, to ja što sam imao i dobijao pozive prosljeđivao sam direktoru komunalca i odmah dobijao odgovor idemo odmah u realizaciju toga. Dakle, kolko je moglo se radili su u ovakvim okolnostima kolko je bilo moguće. Opet još jednom, Mirzina inicijativa je tu da pokušamo da imamo stanje kako može biti bolje i s čime možemo raspolagati. Ali ne bih to ja toliko drvlje i kamene na njih. Ljudi su se zaista radili danonoćno i mi smo ostali svi koji su mogli davali podršku. I evo, SIK je uradio svoj dio posla, a u buduće ćemo evo imati mnogo jaču situaciju u smislu da znamo s čime raspolazemo. Toliko. Hvala.

ANA PEJIĆ

Zahvaljujem se. Sljedeća diskusija vijećnik Mirnes Ajanović, izvolite. U redu. Vijećnik Emir Šahović, izvolite.

EMIR ŠAHOVIĆ

Hvala predsjedavajuća. Pa evo, kolega Omer kaže da je bilo katastrofalno. Mislim da je bilo idealno mi sad ne bi imali ovu tačku dnevnog reda i ne bi gledali način na koji možemo unaprijediti tu uslugu. Ja mislim ipak da su najmjerodavniji radnici komunalca i ne vjerujem da ih je puno ostalo odmorno tih dana i mislim da su oni dali svoj maksimum spram svojih kapaciteta koje su imali u tom momentu i s obzirom na količinu padavina koja je za kratko vrijeme se desila. Ono što bih ja, ja se nadam da će menadžment komunalca prepoznati ovo

kao dobro rješenje za razliku od MUP-a što smo ono dobili na prošlu inicijativu kolege Mirze kada je pitanju obuka policajaca pa oni kažu mi obučavamo sve je super znači a onda ovdje kad smo vidli podatke mislim kad smo tu tačku imali to je bilo katastrofa, ali ono kad oni odgovore to je top znači a nadam se da menadžment komunalca neće se voditi istom tom filozofijom kao menadžment odnosno kao MUP-TK i da će prihvatiti ovo da neće nam poslati odgovor i reći da je sve bilo super i da nema potrebe da se išta radi. Ja bih pohvalio ovu inicijativu i pohvalio bi našeg kolegu Mirzu koji je za razliku od većine nas bio na terenu i vozio se i sa grtalicom i tražio način i evo našao način da riješi problem pa bar u jednoj mjesnoj odnosno u tri. Tako da i ovo je i ovo je što ono govorimo mi da radimo posao nekoga drugog, ali evo znači kad već imamo volju da riješimo neke probleme tu smo da iniciramo rješenja. Naravno javni poziv je sasvim korektan način da se angažuju ova pravna lica koja će biti u pripravnosti, znači ne mora to biti lice tj. pravno lice konkretno iz neke mjesne zajednice, znači svi mogu koji imaju to prevozno sredstvo koje može čistiti onaj, ulicu, može doći u bilo koju mjesnu zajednicu tako da ne moramo se ograničavati sad da iz Mramora pravno lice bude konkretno za Mramor, može iz Mramora lice da čisti bilo koju drugu mjesnu zajednicu ako naravno nije angažovan u to momentu. E sad mene dovodi se u pitanje vezano za onaj neki dokument koji je se pojavio na društvenim mrežama a tiče se dodjele o nekih 5 miliona maraka za neke dvije, dva preduzeća da znači, čiste regionalne puteve. E sad ja ne znam da li je komunalac Tuzla čistio Južnu magistralu u Tuzli, ili je to preduzeće koje je dobilo, znači ovo samo postavljam pitanje? Ako je komunalac, znači zašto onda neko drugi plaća ozbiljne cifre onaj, nekome, a ako mi odnosno Javno komunalno preduzeće Komunalac Tuzla pokriva taj njihov dio posla. Eto, toliko od mene. Hvala.

ANA PEJIĆ

U redu, sljedeća diskusija, vijećnik Admir Hasanbašić, izvolite.

ADMIR HASANBAŠIĆ

Hvala predsjedavajuća. Evo, prvo da podržim Mirzinu inicijativu i sve one zaključke koje je on predložio. Što se tiče komunalca i njegovog angažmana za vrijeme ovih snježnih padavina, treba reći, s obzirom na njihove kapacitete i kapacitete koji su kada je u pitanju mehanizacija i ljudstvo, znači dali su svoj maksimum i odradili su fenomenalno posao. Znamo da cijelo to vrijeme su sve mašine bile u funkciji i 24 sata i te mašine su vozili ljudi. Znači, angažman je bio sto postotni, tako da ne možemo ni u kojem slučaju reći da je moglo biti bolje. Da je bilo više mašina, onda je moglo, moglo biti bolje. Međutim, jako je bitno istaći što je kolega Šahović rekao, da ljudi miješaju pojmove. Zna se šta je nadležnost Javnog komunalnog preduzeća Komunalac, a šta je nadležnost regionalne direkcije cesta i znači i Južna magistrala, i ovaj dio do Šićkog Broda i gore od Simin Hana i tako dalje. A to su sve prepisivali da je kriv komunalac. Ne, nije to nadležnost znači Grada Tuzla, odnosno Javnog komunalnog preduzeća Komunalac, koji je tu naišao na oštre kritike. Međutim, to zaista nije bilo potrebno. Međutim, naši građani gledaju samo da li je čisto ili ne. Dalje, veliki problem, komunalcu su stvarali i parkirana vozila naših građana koja su ostavljali pa nisu čistili oko njih. Pa su, tada nije mogao ni da dođe do neke ulice kamion da to očisti, jer mogao se desiti da ošteti vozilo pa bi onda bio problem pa bi tužili komunalac. I to je sprečavalo kasnije, znači znatno bolje čišćenje snijega. Međutim, ovdje je jedna jako bitna stvar. Elementarna nepogoda. Kako sam dobro informisan, ukoliko padne više od 50 centimetara snijega, onda treba da se proglasi elementarna nepogoda. Ja ću vam reći da u Simin Hanu i u Požarnici je bilo 56, odnosno 63 centimetra ja radim gore u školi, čistili smo snijeg i mjerili. Mislim da je civilna zaštita trebala proglasiti elementarnu nepogodu, što bi u mnogome promijenilo rad kompletnog održavanja,

odnosno čišćenja snijega. Tada bi se znatno više mašina dalo u funkciju, jer kada su u pitanju mašine, vodovoda i kanalizacije i centralnog grijanja, koje smo mi vidjeli i komemorativnog centra, znači i sa tim mašinama, odnosno sa tim preduzećima, Javno komunalne preduzeće Komunalac je napravilo ugovor i njih, za njihov angažman će biti plaćen. Da je ranije proglašena elementarna nepogoda, onda bi civilna zaštita snosila te troškove i znatno bi se više moglo angažovati nekih drugih, hajde da kažemo, privatnika koji imaju ove mašine, a ne da sve spane na komunalac. Zaista je tako. Znači cijela ova priča sve je palo na menadžment komunalca, odnosno za njihove radnike i uposlenike. A druga pozadina se ovaj, ne zna, kažem još jednom, žao mi je i ne znam gdje su to mjerili snijeg iz civilne zaštite, pa nisu utvrdili da je više od 50 centimetara. Znači znatno bi bolje bilo čišćenje snijega. I gdje su inspekcije? Ovdje ću predložiti jedan zaključak. Znači, haos, šetao sam, zaista, svako veče šetam radi zdravlja kroz grad i znači, ispred poslovnih prostora i ono što je tamo po zakonu što su pominjali, nisu čistili ni etažni vlasnici, odnosno ni ispred poslovnih prostora itd.

I predlažem jedan zaključak da nam se dostavi informacija koliko je Služba za inspekcijske poslove izvršila inspekcijskih nadzora u mjesecu januaru. (ANA PEJIĆ - Samo malo sporije da može Slađana...) Ok. Znači, koliko je izvršeno inspekcijskih nadzora u mjesecu januaru vezano za čišćenje snijega i kakvi su rezultati tog nadzora. Znači, da se jasno navede, izvršili smo 135 pregleda, svi su bili uredni ili nije bilo uredno, treba da se plati kazna, upozorili smo građane itd. Jer vidjeli smo da niko nije čistio. Međutim, kad se dobije informacija da je inspekcija izašla, da je nekoga opomenula da treba očistiti snijeg, znači onda bi se i građani znatno više uključili u taj dio.

Na kraju, evo još jednom da kažem, velika zahvala prije svega uposlenicima, Javnom komunalnog preduzeća Komunalac i svim ostalim građanima i građankama koje su dali svoj doprinos da se očisti snijeg u najboljoj mogućoj mjeri, a svakako će Klub vijećnika Tuzlanske alternative podržati sve ove Mirzine zaključke. Hvala.

ANA PEJIĆ

Zahvaljujem se. Sljedeća diskusija vijećnik Nedžad Jusić, izvolite. Replika vijećnik Mirza Malkočević izvolite, pa...

MIRZA MALKOČEVIĆ

Evo, dobro je što idu ovako diskusije. Hvala kolegi. Ja sam isto, dok sam razgovarao sa direktorom i sa komunalnom službom, mislim da trebamo mi kao vijećnici, neću reći izvršiti pritisak, ali evo, obaviti razgovore sa svim članovima Savjeta mjesne zajednice jer ja, kako znam, imamo 266 članova u Savjetima mjesnim zajednicama čisto da oni budu ta spona između građana, komunalne službe, komunalca jer znamo da smo imali, evo kao što kolega kaže, da nisu grtalice mogle proći mašine, evo pogotovo gore znamo Mosnik, Crvene njive i taj dio jer nemoguće je da prođe mašina zbog parkiranih auta. Pored puta možda bi se moglo napraviti sistem da se komunalac najavi da će se čistiti određene ulice, da se auta preparkiraju kad prođu da se vrati, čisto da ne bi nam se dešavalo da imamo toliko ulica koje nisu očišćene jer jednostavno mehanizacija ne može proći ili je toliko rizično zbog prevelikog snijega da bi oštetila ili ograde ili vozila koja su parkirana pored puta. Hvala, prijatno.

ANA PEJIĆ

U redu, sljedeća diskusija vijećnik Nedžad Jusić. Izvolite Nedžade.

NEDŽAD JUSIĆ

E hvala predsjedavajuća. Evo vidimo ipak da je ova tema izuzetno interesantna i da je zaslužila na kraj krajeva veliki broj diskusija i konkretnih prijedloga da se neke stvari unaprijede. Ja prije svega želim da se zahvalim građanima ulice Zlatana Mešića, tam gdje i ja između ostalog živim, jel su oni očistili ulicu kompletnu i tako da nisam imo tu nesreću ko Omer, da ne dolazim kući svaki dan, bez ikakvih problema sam dolazio kući s autom svaki dan, iako je takođe visinska zona pomenute ulice, a poslije toga je i komunalac održavao pomenutu ulicu. Normalno, ovo je vrlo važno što je Mirza predložio. Ja ću pokušati možda, ne znam sad da li je u stvari formulacija ok, znači razmatranje mogućnosti angažiranja privatnih firmi, postavlja se pitanje da li se može fizičko lice angažovati koji posjeduje mašine? Možda o tome je malo sugerisati, a sugestija naravno komunalnom preduzeću u nekom narednom periodu, kad bude pravio normalno on pravilnik il na neki način kako će to urediti, da vodi o tome računa, da ne dođemo u ovu situaciju, malo prije što je kolega rekao, da se angažuju dvije firme evo za kantonalne ceste, dadne im se 5 milijuna na ovaj ili na onaj način, i onda imaju možda i oni ne mogu tehnički da sve to pokriju, da nam se ne bi desilo da na području grada Tuzle imamo jednu firmu koji će dobiti poso, a ne može stići sve da odradi. Zbog toga, mislim, trebalo bi ostaviti mogućnost upravi, odnosno direktoru ko će već upravljati s tim, da se angažuju i fizička lica, da ne stoji samo ovako angažovanje privatnih firmi, nego i fizička lica, jel ovo nije topla voda. Između ostalog, ovo se koristi na zapadu. Evo konkretno u Berlinu moji neka porodica radi održaje određene ulice u toku zimskog perioda. Napravi se ugovor direktno sa institucijom, institucija plaća njima određenu naknadu, da oni održavaju te ulice, i to je poznato, to je bez ikakvih problema, i siguran sam u tome da ćemo naredne godine, ukoliko budemo imali ovakve snježne padavine, da ćemo manje imati problema, normalno mi s ovom isto reakcijom nećemo 100% riješiti problem, ali ćemo sigurno ublažiti i bit će pogodnije za prohod, kako ljudi, tako i vozila i svih drugih, i normalno ovo puna podrška kolegi Mirzi što je pokrenuo ovu inicijativu, i siguran sam u tome da će ova inicijativa proći jednoglasno, ali s druge strane, ne znam, možda Mirza o tome nek razmisli, nisam je ja u prijedlozima vidio, možda ne bi loše bilo da se i menadžmentu komunalnog preduzeća ostavi određeni rok, da on uredi svoje dokumente, odnosno način na koji će sprovesti ovu, ovaj zaključak, odnosno ove odluke naše. Možda u tom pravcu, eto, razmisli ako budeš htio da daješ predloge, to je na tebe, neću ja ništa predlagati, ali ono zaključak da kaže da će komunalno preduzeće u narednih 90 dana uskladiti svoje pravne norme kako bi mogo angažovati firme, odnosno fizička lica koji će u toku zimskog perioda implementirati pomenute radove. Hvala.

ANA PEJIĆ

U redu, poslovnička, vijećnik Denis Bećirović, izvolite.

DENIS BEĆIROVIĆ

Hvala predsjedavajuća, ja ću se samo nadovezati na kolegu Nedžada, nisu u pitanju, nije u pitanju Kantonalna direkcija regionalnih cesta, ono što je kolegica Dragana (ANA PEJIĆ – To je replika mislite Denise il...? Replika?) Jeste ispravka krivog navoda u prijevodu. (ANA PEJIĆ – U redu, u redu.) Nije, ono su sredstva za održavanje magistralnih puteva, dakle kanton nema veze s tim.

ANA PEJIĆ

Replika, vijećnik Mirza Malkočević, izvolite.

MIRZA MALKOČEVIĆ

Što se tiče evo vremenskih ograničenja ili bilo čega, ja evo ne želim da vršim pritisak na bilo koga, mislim da su ovo zaključci bili čisto pozitivno primjeri kako bi moglo da se riješi da poboljšavamo poslovanje i komunalca, a i da poboljšavamo uslove života naših građana. Mislim da je ovo čist primjer gdje se radi i ja sam, evo, da se nadovežem na vaše isto direktni sporazumi, se mogu, oni su do šest hiljada maraka i to se može koristiti u ovakvim situacijama ako su neki manji putevi ako imamo u nekim mjesnim zajednicama gdje imamo već ljude koji imaju mehanizaciju, da oni imaju prednost kroz direktne sporazume da budu ta prva neka linija koja će dočekivati snijeg, da bi kasnije gdje bi komunalac mogo da prođe da pospe so. Ja kako sam dobio informaciju od prije, ne znam sad koliko godina, znam da su ljudi koji nisu imali obrte ili firme, da su dobijali nekako u gorivu. Jer znamo da imamo dosta ljudi koji žive na selima, imaju privrednike imaju svoje traktore, da su nekako pomoć dobijali u gorivu. Ako postoji i taj mehanizam neki da pomognemo i njima a koji će za mjesne zajednice pomoći građanima da očiste put ili putne prilaze, evo, nek se razmotri i ta opcija ako je moguća. Hvala.

ANA PEJIĆ

U redu sljedeća diskusija, vijećnik Denis Bećirović, izvolite.

DENIS BEĆIROVIĆ

Hvala predsjedavajuća. Svakako jedna inicijativa hvale vrijedna, ima tu par stvari. Dakle, prvo zimsko održavanje lokalnih puteva traje do 1. aprila, dakle zima je tek upolovila, nama niko ne garantuje da se neće ponoviti ovi minusi februara a početak marta uvijek znaju biti hladniji od prosjeka u januaru. Dakle, nije isključeno da će nam se ovo ponoviti. Dakle, ovdje su nekako obje strane u pravu. Dakle, jeste zakazala služba čišćenja posebno, dakle, ako uzmemo da je u nedjelju palo oko 500 milimetara snijega, dakle, pola metra za jedan dan i naravno, ne može se očekivati da svi putevi budu prohodni. Dakle, ima prioritet urgentno klinički centar, dom zdravlja, hitna pomoć i tako dalje. I naravno, grtalica kad prođe za njih, opet nastavlja padat snijeg, nije to, dakle, ništa nenormalno. Međutim, u ponedjeljak je prestao pada snijeg, utorak nije bilo snijega, dakle, tek utorak, nekad posljepodne je grtalica, recimo, prošla kroz Plane. A planski put, dakle, put vi ste pisali, kolega, i par inicijativa vezano za taj put, dakle, ulica Mehdiina Hodžića, to jedina alternativa. I desilo je se, dakle, da je drvo palo na magistralu Šićki Brod Srebrenik, dakle, na tom dijelu kompletan saobraćaj sa magistralnog puta je prošao kroz Plane. Dakle, imamo te alternativne puteve koji moraju biti nakon nultor prioriteta, vjerovatno neki prioritet u odnosu, dakle, na sve ostalo. Moje mišljenje je da trebamo podržati inicijativu, ali da trebamo pitati i ljude u komunalcu, dakle, menadžment, šta treba. Vjerovatno su sumirali ovo što je se desilo, dakle, svjesni su da su napravili propuste. Hajde da vidimo sad, da ne lomimo preko koljena, da vidimo, da pitamo ljude šta im je potrebno. Zima još nije završila. Lopate trebaju, ali mislim da bi korisnije bilo da se nabave grtalice, odnosno one freze za snijeg, za parkinge i eventualno za trotoare. Dakle, ne možemo očekivati da grtalica uđe na parking, a ljudi ba nije ni u redu, da ljudi koji rade tu, koji radi na odvozu smeća i na svemu, a odvoz smeća je išao, u Sarajevu nije. Sarajevo je zatrpano smećem bilo. Kod nas je smeće redovno odvezeno sa svih. Dakle, onaj utorak ljudi su izašli sa kamionima, sa lancima. Dakle, radile su službe, ima propusta, hajde da to poboljšamo.

Dakle, zaključak će biti dakle, nabavka grtalica, odnosno ručnih freza za čišćenje parkinga. Nemojte da ljude lomimo bez potrebe na mjestima gdje to ne mora da se dešava.

Dakle, da se nabave za parkinge te grtalice, male grtalice freze za snijeg, kako bi ljude rasteretili i efikasnije dakle rješavaju problem sniježnih nanosa. Onda nisam siguran da se direktnim sporazumom, dakle, javna nabavka jeste do šest hiljada, ona se ne smije cijepati, dakle, ne smije se dva put godišnje ponoviti. To je odmah krivično dijelo i zakon je takav nakaradan ne valja, ali stoji i onda ga moramo poštovati, ali mislim da ideje su dobre, treba ih podržati i evo svakako predlažem i taj jedan zaključak i nadam se da će naići na podršku kolega vijećnika. Može ići i na SIK, može ići i na komunalac, ali mislim da moramo ovu stvar na čistac istjerati zajedno sa menadžmentom i zaposlenicima javnog preduzeća. Čisto da njih pitamo ljudi šta vam treba, ovo ovako ne može. Znači, ove godine bilo je propusta, nije malo, rubne mjesne zajednice su ispaštale, ali evo da nađemo svi rješenje.

ANA PEJIĆ

Replika vijećnik Mirza Malkočević, izvolite.

MIRZA MALKOČEVIĆ

Evo, samo ću kratko fvala kolegi Denisu. Bio sam to napiso, pa sam konto samo da ne moram danas to iznositi da pošaljem direktoru. Pozitivnu praksu je napravila općina Stari Grad. Oni su nabavili UTV vozila za čišćenje snijega sa priključcima i motorno vozilo sa čišćenjem javnih površina i one su se pokazale jako dobre iako su oni uložili jako puno novca, ali su na kraju te mašine odradili jako dobar posao. Pa možda možemo samo evo kopirati njih šta su uradili ili možda tražiti specifikaciju vozila koji su dobili pa pozitivnu praksu iskoristiti kod nas.

ANA PEJIĆ

Sljedeći za riječ javio se vijećnik Samir Mulaosmanović, izvolite.

SAMIR MULAOSMANOVIĆ

Hvala puno. Kratko ću ja samo da podržim ovu, ovaj prijedlog Mirzin, fantastičan je. Bilo je problema i svi znamo da je bilo problema, ali definitivno, po meni je komunalac odradio posao jako korektno. Nemojte zaboraviti da komunalac i ostala preduzeća i generalno firma imaju problema sa ljudstvom i sa mehanizacijom. To nije jednostavno preko noći samo odraditi i ne postoji taj problem. Znači, Mirzina inicijativa je u stvari put nekakav kako treba iskomunicirati i nešto konkretno uraditi. Da se samo sada svaljuju nečija leđa ne valja ovo, ne valja vako, ne valja...Ajde da vidimo šta se može uraditi da se prevaziđu određeni problemi. Tako da Mirza svaka ti čast na ovoj inicijativi sto posto je podržavam, jer ovo je put ka rješenju, a ne put ka blačenju rada nekoga. Moja firma i ja smo tačno preko puta komunalca, ja vrlo dobro znam koliko su ti ljudi radili. Znači, vrlo, vrlo dobro znam znači. I što reče kolega Mirnes, Mirnese 26 maraka je lopata bila, nećeš vjerovati. Znači, svako je našao negdje sebe u tom snijegu. Odličan prijedlog i ovo je put kako bi trebalo početi rješavati stvari. Znači, hvala puno.

ANA PEJIĆ

Zaključujem diskusiju Klubova vijećnika.
Otvaram diskusiju vijećnika. Vijećnik Mensur Alić, izvolite.

**MENSURALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Pa ja nisam imo namjeru se javljati jer mislim da je dovoljno bilo ovaj, dugo smo, puno nas je diskutovalo o ovome svemu i imamo razne razno mišljenje kako rješavati ovaj problem. Međutim, Mirza je napravio ovdje šest, sedam zaključaka koji smo trebali, jer su svi se slažemo sa zaključcima. A ovako samo sebi vrijeme oduzimamo da prihvatimo zaključke i da se formira iz Gradska uprava, komunalna služba zajedno sjedne sa komunalcem menadžmentom i kažu i naprave strategiju na koji način će se ovo u budućnosti rješavati. Mi ovdje možemo imamo raznih mi mišljenja, ideja svega, ali se ne uklapa to što mi predlažemo. Neke stvari naravno da, ali neke ne. Zbog toga cijenim da jedan od ključnih problema kada smo imali na stolu poskupljenje odvoza smeća komunalca, tada je predloženo da se još ide pet maraka. Po marke. Po marke da ide, a tih po marke je bilo u obrazloženju poskupljenja da ide za nabavku opreme. Danas, naravno, da smo to usvojili tad, danas ne bi imali problema sa opremom i zbog toga kapacitet opreme komunalca ne može ni 50% zadovoljiti čišćenje grada Tuzle. To vam garantujem i možete to i saznati od menadžmenta. Možete misliti da sa ovom opremom s kojom oni radi imaju godišnje oko 600.000 maraka troškova samo na opravke starih mašina. E sad zamislite da smo mi tad donijeli ovu odluku o poskupljenju koja bi ušteda bila tih 600.000 maraka gdje se iz tih od toga što se dalo za opremu moglo se kupovati dvije, tri mašine. I zato ne bi ja baš toliko ima kritike za, za...Mi samo nekad znamo kad ne znamo ovaj rješenje onda kritikujemo komunalac, kritikujemo direktora. Ono što su oni uradili u datom momentu mislim da je to zadovoljilo. Naravno da može biti bolje, ali ne možete vi očistiti mašinom koja ide 300 metara, stane i pokvari se. Treba tim uposlenicima dići kapu komunalca i reći hvala i za ovo što ste uradili u takvom vremenskom periodu. Hajmo se mi vratiti kada je olimpijada bila. Snijeg je bio metar i po. Ma čistili smo, svi radili. Pa danas neće ispred kuće da uzme lopatu da očisti sebi da prođe upadne ispred svoje kuće. A kamoli da izađe na ulicu. I što je najgore, što on ispred svoje garaže baca na ulicu. Tek očišćeno on sad onaj snijeg koji čisti baca ga opet na ulicu. To je kultura. E zašto? Zato predlažem. Ja sam to prije par godina tražio inicijativu podnio. Mi moramo uvesti, evo Sarajevo je, kanton Sarajevo je donjelo odluku koji uvodi komunalnu policiju. Neko je spomenuo inspekciju. Inspekcija ovde ne može puno uraditi. Komunalna policija ima toliko u svom poslu djelatnosti da može kažnjavati kako želi. A mi smo takvi i nas treba samo po džepu udariti pa da radi svoj poso kako treba. Mi imamo sad komunalne redare jel? A mislim da ima komunalni redari postoje kod nas u službi? Ima koliko, pet zaposlenih, ja mislim da su četiri na bolovanju. Godinama tako. I tu se onda vidi novac. E zbog toga moj zaključak će da ide da mi idemo na formiranje komunalne policije. Da idemo na taj dio a ovo pustimo, neka sjedu i neka po ovim zaključcima ovo što je Mirza ponavljam, što je predložio. Ja se slažem u potpunosti s njima neka tu sjedu i odgovore na koji će način rješavat probleme u budućnosti. Zahvaljujem.

ANA PEJIĆ

U redu, replika vijećnik Samir Mulaosmanović, izvolite.

SAMIR MULAOSMANOVIĆ

Replika je pozitivna, jel to sam malo prije naveo. Znači, mehanizacija je broj jedan. Znamo za tih pola marke to je u prošlom sazivu znači, trenutno ljudima treba deset miliona. Možda nismo u ovom momentu zato da kupujemo mašine koje će raditi mjesec dana, a ostalih 11 nisu u namjeni za nešto. Mirzin prijedlog je nešto kako bi trebali da razmišljamo

svi da pokušamo riješiti situaciju, da nikog ne blatimo jer svi znamo da ima se problema, malo je reći. Ljudi kapa do poda za rad. I ponavljam Mirzin prijedlog je nešto kako bi trebalo da razmišljamo. Hvala.

ANA PEJIĆ

Da li se još neko javlja za diskusiju vijećnika? U redu je.

Evo za riječ se javio prvo gospodin Sead Mustajbašić ispred Službe civilne zaštite, a nakon njega gospodin Miralem Mulać, pomoćnik gradonačelnika iz Službe za komunalne poslove, izgradnju i poslove mjesnih zajednica. Izvolite.

SEAD MUSTAJBAŠIĆ – ispred Službe civilne zaštite

Evo, zahvaljujem se svim vijećnicama i vijećnicima na konstruktivnim prijedlozima. Znači, ovi prijedlozi su nam dobro došli. Mada moram vam reći da smo mi znači, odmah po padanju snijega uveli tri smjene. Non stop se radilo, čitavu noć i dan. Dođe i do zamora mašina. Znači, ona kad radi 24 sata, mora se i mašina odmoriti. Tako da, ono što smo odradili, to je sa onim kapacitetima i onim što ima komunalac. Sad, dobro je gospodin Mensur rekao ovaj, sa starim mašinama odradio se poso ogroman. Mirnesu hvala za ovo što je rekao, jer mi smo ljude, tako reći, polomili da se što više odradi. Non stop smo bili na terenu. Znači, i ja prvo. Pa sam treći dan sa mojim gore kolegama, imali smo sto metara ceste. Mirnes zna gdje ja stanujem gore onaj, put isto je brdo izašli smo mi stanovnici znači očistili sebi lopatama put a to nisam vidio u gradu da je i jedan odradio i ove pristupne puteve. Mi imamo, znači, po onom našim, to moram reći sada, 55-60 centimetara ne odlučuje civilna zaštita, nemjerimo mi nego Federalni hidrometeorološki zavod da kolki je snijeg pao u gradu Tuzli i na osnovu toga se mi ponašamo mi možemo promijeniti odluku. Odluka nije državna, nije, znači, kantonalna, odluka je komunalna, koje je donilo Vijeće. Može se promijeniti da ne bude 50 centimetara, da bude 40 centimetara i da Služba civilne zaštite proglasi stanje prirodne nesreće, ali bi nam bilo isto tako, ko što smo i sad imali, jer smo mi odmah drugi dan angažovali sve mašine, podigli, znači, svih javnih preduzeća, štab je zasjedao i digo je vodovod, digo je, znači, grijanje, svi koji su imali bilo koju mašinu bile su na terenu. Imali smo puno odvoza snijega koji se nagomilo, znači, čišćenjem, pa smo morali noćnim satima raditi, vidjeli ste možda da smo ga u Jalu istresali da bi mogli onaj nastaviti sa čišćenjem. Najveći problem su nam, znači, parkirana vozila. U ovim brdskim ulicama malo klizanje, bilo koje vozilo da krene, ili onaj traktor ili kamion, ošteti vozilo koje je parkirano. Najveći problem su parkirana vozila. Inače bi mi išli i kroz Kulu i kroz Mosnik, ali tu, evo, sad prođite da vidite kako može proći vozilo jedva prođe putničko vozilo. Evo, Nedžad zna, mi smo to radili, to je najbolje kad bi mogla kakva mašinica, neka mala. Evo, lijepi su prijedlozi, to ćemo mi dole, ovaj, na nadzorom tražiti, onaj, da vidimo. I da se pojačaju kapaciteti komunalca. Znači, za onih osam mašina treba osam vozača. I ako radi po osam sati, znači, ovi moraju se odmarati. Ali mi smo ljude, znači, 24 sata je radilo osam vozača. Moraju se odmoriti. Moramo, znači, pojačati i materijalne i ljudske i ove ostale kapacitete u komunalcu. I hvala vam na ovim divnim, znači, prijedlozima. I u narednom periodu mi ćemo gledat' da se baziramo na nabavku ove opreme manje, koja može proć kroz te ulice uske, gore, jer dva traktora koja su nabavljena od civilne zaštite, zglobna, mala, neispravna su, pokvarena su. Znači, ali tu je sve, preko 10-15 godina starosti vozila mora se krenut' u nabavku. Evo, tražimo od vas da nas podržite sa vašim prijedlozima da se iznađu nekako sredstva bilo koji način da mi ojačamo, znači, komunalac. A ova ideja na rubnim mjesnim zajednicama, to Služba za komunalne poslove i komunalac, napraviti' ćemo operativni plan. Do sad smo imali oko 500-tina kilometara, ali se šire ceste, asfaltira se puno i novi pravci se otvaraju, tako da je ogroman broj novih putnih

komunikacija asfaltiran, koji nije nikad bio u planu čišćenja. Znači, od 500 je došlo na 1200 kilometara. Tako da mora se nabaviti više soli, ne nabavljamo so znači, od solane, jer je skupa, dolazi so iz Egipta, koja je skoro duplo jeftinija. Eto. Hvala vam još jednom na konstruktivnim prijedlozima

ANA PEJIĆ

Miralem Mulać, izvolite, pomoćnik gradonačelnika iz Službe za komunalne poslove, izgradnju i poslove mjesnih zajednica.

MIRALEM MULAĆ - pomoćni gradonačelnika iz Službe za komunalne poslove, izgradnju i poslove mjesnih zajednica

Evo, dobro večer i da vas sve ponovno pozdravim. Ovdje bih ja dao par nekih objašnjenja da u kom pravcu evo ovaj prijedlog je stvarno dobar i vjerojatno, pošto se radi o činjenici da uklanjanje snijega i leda sa javnih površina predstavlja komunalnu djelatnost i ona se obavlja prema odredbama Zakona o komunalnoj djelatnosti TK i Odluke o komunalnim djelatnostima Grada Tuzle. Znači, mi smo odlukom evo članom 4. Odluke o komunalnim djelatnostima Grada Tuzle uklanjanje snijega sa javnih površina povjerali našem Javnom komunalnom preduzeću Komunalac. Znači, i moram reći da svake godine se pravi operativni plan zimskog održavanja odnosno čišćenja snijega sa javnih površina. To se podrazumijevaju putevi, ulice, parkovi evo i ostale javne, javne površine na području grada Tuzle. Evo, već je kolega na određen način rekao mi smo ove godine iz budžeta za zimsko održavanje obezbjedili 770.000 maraka to je za period od 15. novembra do 15. marta. I u zavisnosti od količine snijega i evo, dešavanja koje se, koje se desilo. Moram reći znači, da ovaj operativni plan sadrži određene prioritete. Taj operativni plan je sličan svim operativnim planovima evo, u Bosni i Hercegovini u regiji bilo koji način održavanja javnog čišćenja odnosno sa javnih površina je vrlo sličan. Znači odrede se, obično se određuju tri zone. Prva zona znači to je, možemo reći, nulta zona čišćenja prema evo ovim objektima UKC-a, hitnoj i tako dalje. Zatim drugi prioritet, treći prioritet tek dolaze ona naselja koja se nalaze u visinskim dijelovima. Šta smo mi ove znajući da ovaj operativni plan evo, malo je kolega Sead rekao da u ovom periodu se stvarno radi dosta na asfaltiranju novih puteva koji nisu ušli u plan čišćenja. Zatim širenja naselja koji se dešavaju. Znači mi svakako ove godine, odnosno već pripremamo i ovo je dobar prijedlog da možemo uklopiti način novog operativnog plana, novog modela organizacije rada, rada zimske službe jer je to samo se od sebe nameće. Evo su ovo su neke dobre smjernice u kom pravcu, pravcu da idemo. Znači evo ja vam stvarno mogu reći da evo kad uporedite bilo koje druge gradove u Bosni i Hercegovini, pa i Regiji, pa evo i u Evropi vidit ćete da je vrlo značajan tzv. prvi odgovor. Znači u prva, dva, tri dana je vrlo značajno da se obezbjedi komunikacija, da ne bude blokiran grad. Mi smo po prvi put, želeći da pokušamo na neki način da ova visinske zone, da spojili smo prvu i treću zonu čišćenja prioriteta. Znači da smo isti dan krenuli sa čišćenjem ovih da kažemo naselja, visinskih zona, glavnih puteva koji vode prema, prema centru grada, računajući kažemo Lipnicu, Gornju obodnicu, evo Par Selo i tako dalje. I nemoguće je odjednom, evo ove količine padavina koje se konstantno ponavljaju u toku dana, noći, vjerujte, evo po podacima koje imamo zvanične, komunalac je u tom periodu prešao oko 2000 kilometara. Znači imamo 500 kilometara cesta koje održavamo, a prešlo se 200 kilometara. 120 ljudi je bilo angažovano na ručnom uklanjanju snijega. Zatim mi, evo, već smo krenuli sa izradom određenih nadležnosti i da se tačno grafički zna. Znači imamo magistralnu cestu koja prolazi kroz grad Tuzlu, to je dio Južne magistrale. Mi, vjerujte, toliko smo urgencija prema Cestama federacije, da svoj segment čišćenja Južne magistrale odrade u gradu

Tuzli nikad se nisu uključili i mi moramo to održavati jer sve to gradu da kažemo, aplicira u nekom negativnom smislu. Mi smo prvi dan i drugi dan imali smo nekvalitetan odgovor na čišćenju regionalnih cesta, evo, prema Doknju, Obodnici i tako dalje. To je prešlo sad u regionalni put, ali mi smo ove godine zbog kašnjenja primopredaje uključili se da, govorim mi, mislim grad, evo, komunalac kojem je to povjereno, da na takav način odradi i mi smo vršili određene intervencije, bar ovaj put od Brčanske Malte prema, prema Doknju i Majevidi, da se regionalne ceste na kvalitetniji način uključe i, vjerujte, dobili smo vrlo brzo i pismeni odgovor i naravno odgovor na terenu i bilo je, bilo je nekog, nekog efekta. Znači ovdje ćemo strikno, evo, ovo je dobar prijedlog, da grafički odvojimo šta čiste regionalne ceste, šta čiste magistralne ceste, šta je ostalo Gradu Tuzli. I morate znati da ni jedan grad, ni jedna opština ne čisti sve putne pravce. To trebate, to svi mi dobro znamo, koji, koji se i susrećemo i naravno i vi čujete te sve informacije. I možemo konstatovati da je ovaj odgovor na ovaj snijeg bio na zadovoljavajućem nivou i, evo, naravno sve pohvale komunalcu koji je to uradio, ali ćemo morati mijenjati ovaj operativni plan sa tačno definisanim mogućnostima angažovanja, evo, po određenim zonama. Znači, najvjerojatnije će se morati, ne, raspisuje se javni poziv i tu će se morati, da kažemo, neće to biti direktni isporazum do šest hiljada, to su značajne vrijednosti rada kada se odredi određena područja. Uslovno rečeno podijelit ćemo na određene lotove. To je jedna vizija, a vidit ćemo da to komunalac kao naše javnog preduzeće koordinira sa svim ostalim aktivnostima. Evo, samo kratko par nekih segmenata, smjernica, kako je to išlo i kako, evo, sa ovim prijedlogom nekako se slaže da ćemo mijenjati svakako taj operativni plan i uvažit ćemo ove zaključke koji su veoma dobri i evo, od svih ovdje koji su prisutni i koji će biti donošeni. (ANA PEJIĆ - Ja se izvinjavam, samo dok ste za govornicom da vas pitam, taj grafički prikaz što spominjete, da li će on biti dostupan vijećnicima da imamo uvid u njega?) Naravno, kada evo zajedno sa komunalcem pripremimo to, znači, znače se šta će komunalac čistiti, evo da kažemo da ostane komunalac na normama 500 kilometara, a da ostalih podijelimo po lotovima i da komunalac provede javni poziv i da vrši angažovanje prema, i znače se tačno kolka je dužina čišćenja. Eto.

ANA PEJIĆ

U redu. U redu. Hvala vam puno.

Zaključujem diskus...Izvolite. (DEJAN KOVAČEVIĆ – Onaj, samo da li će..?) Molim vas samo Miraleme za govornicu pošto moramo zbog stenograma. Izvolite Dejane.

DEJAN KOVAČEVIĆ

Pitanje je samo ovaj, da li će na mapi koja bude izrađena za lokalne puteve po kilometrima šta će odrađivati komunalac a šta će po javnom natječaju ostala preduzeća, po kilometrima. Prijedlog je da se na toj mapi jasno naznači na teritoriji Grada Tuzle šta pripada regionalnim cestama, šta na federalnim cestama, i da se jasno naznače koje su to firme prošle po javnim natječajima za održavanje tih ostalih cesta na većim razinama koje je evo samo jedan prijedlog i sugestija.

MIRALEM MULAĆ - pomoćni gradonačelnika iz Službe za komunalne poslove, izgradnju i poslove mjesnih zajednica

...različitim bojama označeno tako da će biti jasno definisirani putni pravci po nivojima djelovanja. (DEJAN KOVAČEVIĆ - Zašto je to značajno? Da građani koji, koji su naslonjeni na regionalne ili federalne ceste, oni mogu nazvati izvođača radova, ili onoga ko

održava, a ne da vrše pritisak na komunalac i u krajnjem slučaju da evo ne blate i Gradsku upravu ni nas kao Vijeće, vijećnike ili onaj, gradsko poduzeće koje se bavi time. Da se jasno zna ko je nadležan zašto. Hvala.)

ANA PEJIĆ

U redu, Admir Hasanbašić, pitanje ste imali, izvolite.

ADMIR HASANBAŠIĆ

Pa ne, nemam pitanje za gospodina Mulaća, nego nakon izlaganja kolege Seada Mustajbašića, predstavnika civilne zaštite, ja ne znam da li mogu predložiti jedan zaključak? (ANA PEJIĆ – Može izvolite diskusija je otvorena.) Dobro, dobro. Ok. Pa evo, pošto je Sead rekao da tamo postoji odluka da ako je visina snježnog prekrivača od 50 do 55 centimetara, onda se proglašava nepogoda, pa evo ja predlažem sljedeći zaključak, a to je da Gradsko vijeće nalaže Službi civilne zaštite da za jednu od narednih sjednica Gradskog vijeća pripremi odluku kojom se elementarna nepogoda proglašava ako je visina snježnog prekrivača preko 40 centimetara. Mislim da time ćemo još više unaprijeti održavanje u slučaju visokih snježnih padavina. Hvala.

ANA PEJIĆ

U redu. Izvolite, vijećnik Denis Bećirović, izvolite. Replika ili poslovnička molim? (DENIS BEĆIROVIĆ – Poslovnička.) Izvolite poslovnička.

DENIS BEĆIROVIĆ

Mislim da se s tim propisima mi kao Vijeće ne možemo igrati postoje službe...(ANA PEJIĆ – To nije poslovnička, to možete na repliku ili na ispravku krivog navoda.) Eto, replika šta bila, uzeo je riječ i kolega ovaj, Mustajbašić, pa evo da damo riječ njemu. Sve ok, razumijem intenciju, ali...

ANA PEJIĆ

Odgovorit će svakako na pitanje, ne sikirajte se ništa. Izvolite, gospodin Sead Mustajbašić.

SEAD MUSTAJBAŠIĆ – ispred Službe civilne zaštite

Gradsko vijeće je donijelo Odluku o komunalnom redu u kome stoji, u kome stoji znači da je preko 50 centimetara snjega može se proglašiti što ne znači da se proglašava. Znači Služba civilne zaštite, odnosno gradski štab, na prijedlog ovih koji običu teren, ukoliko ne možemo vlastitim sredstvima da očistimo snijeg, donosi odluku gradonačelnik o proglašenju stanja prirodne nesreće na štabu. Znači, ako mi procijenimo da se tih 50 centimetara može očistiti vlastitim sredstvima, da ne moramo angažovati nikoga drugog, onda se donosi, onaj ne donosi odluka. Eto to je ono što ću vam ja reći. (ADMIR HASANBAŠIĆ – Predsjedavajuća.)

ANA PEJIĆ

Može, izvolite.

ADMIR HASANBAŠIĆ

Ja bih samo jedno, može li Sejo, može li malo? Onda ja nisam dobro, dobro shvatio kad je bilo vaše izlaganje malo prije, vi ste rekli da Gradsko vijeće donosi odluku kada će se proglasiti elementarna nepogoda, kolika je visina snijega i da ona trenutno sada iznosi od 50 do 55 centimetara, a da visinu snijega utvrđuje Federalni hidrometeorološki zavod. E, sad ja vas, sad mi govorite jednu drugu priču.

Ja sad želim da predložim zaključak da vi, pošto ste rekli da Gradsko vijeće donosi tu odluku, da vidimo ko je nadležan da nam pripremi odluku za jednu od narednih sjednica Gradskog vijeća da mi kao Gradsko vijeće tu odluku izmjenimo i da kažemo nije više od 50 do 55, nego da je preko 40 centimetara.

SEAD MUSTAJBAŠIĆ – ispred Službe civilne zaštite

Znači, na prijedlog Službe za komunalne poslove donosi se odluka na Vijeću odluka o komunalnom redu. Ne, donosi služba civilne zaštite i ne predlaže.

ANA PEJIĆ

Izvolite, Admire. (Slađana Krajina govori bez uključenog mikrofona op.a.) Možete Slađana samo mikrofona da objasnite da ne bi ovaj više...Izvolite Slađana.

SLAĐANA KRAJINA – sekretar Gradskog vijeća Tuzla

Jel se ovdje radi o Odluci o komunalnom redu? (Ja.)

Znači, predlagač je gradonačelnik u saradnji sa stručnim obrađivačima kako i kod svake druge odluke Vijeća. Znači, služba, Stručna služba, u ovom Slučaju služba za komunalne poslove pripremi prijedlog odluke, prođe proceduru, gradonačelnik utvrdi prijedlog odluke i uputi je Gradskom vijeću na razmatranje.

ANA PEJIĆ

Izvolite.

ADMIR HASANBAŠIĆ

Shvatio sam, sve je okej. Znači, samo u mome zaključku tamo da se nalaže Službi (ANA PEJIĆ – Zahvaljujem se Seade.) za komunalne poslove a ne službi za civilnu zaštitu. To je samo okej. Okej, u redu je sad.

ANA PEJIĆ

U redu Seade. (ADMIR HASANBAŠIĆ – Samo zaključak sam preformulisao.) Izvolite.

SEAD MUSTAJBAŠIĆ – ispred Službe civilne zaštite

Nije u Odluci o komunalnom redu ako je 40 centimetara snijega da se odmah proglašava prirodna nesreća. To je, ali se može proglasiti.

ANA PEJIĆ

U redu. Da li se još neko javlja, da li se još neko javlja za diskusiju? Izvolite, vijećnik Mensura Alić.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Zaključak o komunalnoj policiji, ne znam, jesil ovaj, sekretar upisan? (ANA PEJIĆ – Upisala je.) Dobro. I drugi zaključak, da u svim ulicama gradskim se postavljaju znakovi za zabranjeno parkiranje. Upravo zbog ovih vozila koji se nalaze na ulicama gdje ne može se očistiti snjeg. Da bi se mogli kažnjavati građani koji ostave svoje vozilo tu, postoji samo način da mora biti postavljen znak zabrane. Ja ne znam, Mirnes je pravnik možda će...(MIRNES AJANOVIĆ- Replika, može?)

ANA PEJIĆ

Izvolite, replika vijećnik Mirnes Ajanović.

MIRNES AJANOVIĆ

Ne smijemo ovo usvojiti. Imaju određena mjesta gdje je zabranjeno, gdje nije a da bi to zabranili, moramo prvo obezbijediti mjesto gdje će se parkirati vozila. (MENSUR ALIĆ - Imaju dvorišta i avlije.) Ne možemo Mensure, ne smijemo ući u to. Tu možemo ići sa apelom da ljudi koji mogu pomijeriti vozilo, pomjere ga ili slično, a staviti sad zabrane i sve mi bi doveli onda grad u katastrofu svih ostalih 11,5 mjeseci.

ANA PEJIĆ

Molim vas, molim vas samo malo. Vijećnik Mensur Alić, izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Ja sam mislio Mirnese na one ulice koje su široke 4-5 metara. A koje su široke 8-7-6 metara, tu se ne mora. Ima prostora, ali je ulica široka 3,5-4 metra. Pa nema šanse da prođe ni hitna pomoć a kamoli šta drugo. Ali evo neka to službe malo razradi, neka vidi gdje to postoji mogućnost da se uradi. Evo mi smo, ja sam u Grabovici imamo problem, što jednostavno nije se mogo snijeg očistiti od vozila. I problem je što to vozilo 7 dana je stajalo u snijegu. E to je problem. Ne znam, evo neka se malo službe o tome razmisle tamo koje vode taj dio posla kako i na koji način riješi taj problem. Jer sutra kad vozilo, čistač koji čisti ulicu zakači vozilo, morat će nadokadit štetu. Ako nema zabrane parkiranja. Evo, tuži i dobije.

ANA PEJIĆ

U redu, replika vijećnik Mirza Malkočević se javio. (MIRNES AJANOVIĆ – Ispravka krivog navoda.) Izvolite.

MIRNES AJANOVIĆ

Vozač, ako zakači vozilo, nepropisno parkirano opet je kriv. Ništa to ne znači. Samo džaba bi ljudi plaćali kazne ili nešto slično, kako god. (MENSUR ALIĆ - Onda nema čišćenja.) Jest, ali dakle, nema oštećivanja tuđe. To čak i krivično dijelo može biti. Ne samo šteta.

ANA PEJIĆ

Replika vijećnik Mirza Malkočević prvo, izvolite.

MIRZA MALKOČEVIĆ

Poštovanje mom predsjedniku. Ovaj, evo, ovako. Mislim da će to biti jako velik problem. Mislim da je ne izvodivo, pogotovu u ovome dijelu ovdje gdje je jako gusto naseljeno područje, kao što je Mosnik, Kula, Crvene njive, gore iznad Vatrogasnog. Ne znam kako se tačno, sva mjesta zovu Krojčica stvarno bi izazvalo veliki problem, jer onda bi ljudi...Gdje bi parkirali auto? Jer gore niko nema garaže. Jedino da dole uz Jalu svi parkiraju, pa da idu pješke. Mislim da je to mali, nije mali, veliki problem, tako da moramo... Mislim da bi nabavljane ovih mašina, kao što su ih nabavili u Sarajevu, dosta odlakšali jer su oni manje gabaritni i mogli jako su efikasni za čišćenje užih ulica. Hvala.

ANA PEJIĆ

Replika vijećnik Dejan Kovačević i vi ste se javili, kako sam vidjela. Izvolite.

DEJAN KOVAČEVIĆ

Jesam hvala predsjedavajuća samo mom prijatelju, mentoru, uvaženom kolegi. Ovaj, slažem se ja da su ogroman problem parkirana vozila. Ostavljena parkirana vozila, ne samo u urbanom, nego i u ruralnom dijelu. Međutim, za nepropisno parkirana vozila je nadležno Ministarstvu unutarnjih poslova. Tako da je moguće vrlo jednostavno i to riješiti u slučaju takvih vremenskih neprohoda ili nekih drugih. Da evo ili predstavnici Savjeta, Mjesne zajednice, ili građani ili bilo tko, ili evo sam komunalac koji je nadležan za čišćenje pomenutih ulica vrlo jednostavno ovaj, prijavi MUP-u i prometna policija izađe kazni. Imaju broj registarskih oznaka tako da...(MENSUR ALIĆ - To je dobro rješenje. Hvala.)

ANA PEJIĆ

U redu. Replika, vijećnik Emir Šahović. Izvolite.

EMIR ŠAHOVIĆ

Moro sam. Imamo situaciju, evo ja u Dragodolu gdje stanujem nema dovoljno parkinga. Gdje mi roditelji stanuju na Pašabunaru, ima 300 stanova u 3 zgrade, znači nema parkinga znači fala Bogu sad svako domaćinismo ima po 2-3 auta. Ne ureklo se. Onaj, pa stvarno nema. A ono što može biti rješenje, jeste da se daje saopštenje za javnost, recimo ispred Gradske uprave kad krenu tako padavine ili nešto da se poziva stanovništvo, da ne parkira na ovim putevima gdje bi grtalica prolazila znači. (MENSUR ALIĆ – Nema od toga ništa.) Al bar da ih pozovemo. (ANA PEJIĆ – Molim vas Mensure.) Znači da...E onda nek MUP TK-a rješava svoj problem.

ANA PEJIĆ

Da li se još neko javlja za diskusiju?
Zaključujem diskusiju vijećnika.

I dajem pauzu od 5 minuta kako bi Slađana mogla samo zaključke pripremiti.

(Pauza.)

Pozivam vijećnike da uđu u salu kako bismo nastavili sa radom.

Nastavljamo sa radom sjednice. (MENSUR ALIĆ – Mogul ja poslovničku?) Može, poslovnička vijećnik Mensur Alić, izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Imamo tri tačke dnevnoga reda još. Zbog ovih koji su ostali jer su njihove tačke čitavo vrijeme dajte molim vas da zamolim da ne ode ni jedan više vijećnik dok ne završimo jer nećemo imati kvoruma morat ćemo prekinuti sjednicu. Pa bih vas zamolio da ne ide niko da ostanemo do kraja da ove tri tačke završimo, da završimo. Evo.

ANA PEJIĆ

U redu. Zamolit ću sekretara da pročita zaključke proistekle iz diskusija. Da li ste za da glasamo u paketu o svim zaključcima? (Da.) U redu. Izvolite Slađana.

SLAĐANA KRAJINA – sekretar Gradskog vijeća Tuzla

Prijedlozi zaključaka:

1. Gradsko vijeće Tuzla smatra da je neophodno izraditi i primijeniti novi model organizovanja Zimske službe Grada Tuzla, uz donošenje novog operativnog plana, koji će biti u potpunosti prilagođen stvarnom stanju na terenu, konfiguraciji putne mreže i realnim potrebama građana, s ciljem istovremenog i efikasnog djelovanja u svim dijelovima grada.
2. Zadužuju se Javno komunalno preduzeće Komunalac Tuzla i Služba za komunalne poslove, izgradnju i poslove mjesnih zajednica da, zajednički i koordinirano, izvrše:
 - analizu stanja lokalnih i nerazvrstanih cesta,
 - procjenu dostupne mehanizacije i kadrovskih kapaciteta,
 - definisanje operativnih područja za provođenje poslova Zimske zaštite.

Tom prilikom će se jasno utvrditi:

- područja koja će u cijelosti realizovati Javno komunalno preduzeće Komunalac Tuzla,
 - područja koja će, po utvrđenom modelu, biti povjerena najviše trima pravnim licima.
3. Gradsko vijeće Tuzla predlaže da se odabir pravnih lica - izvođača radova za zimsko održavanje puteva vrši putem javnog poziva otvorenog tipa, u skladu sa važećim propisima, uz jasno definisane kriterije koji se odnose na tehničku, kadrovsku i operativnu osposobljenost.
 4. Zadužuju se nadležne službe da, u saradnji sa Javnim komunalnim preduzećem Komunalac Tuzla, izrade grafički i kartografski prikaz ukupne putne mreže lokalnih i nerazvrstanih cesta na području Grada Tuzla, te izvrše podjelu na 4 do 5 operativnih područja, uz jasno

označavanje:

- područja u nadležnosti Javno komunalnog preduzeća Komunalac Tuzla,
- područja u nadležnosti angažovanih pravnih lica.

5. Gradsko vijeće Tuzla smatra da je u narednom periodu potrebno planski jačati materijalno-tehničke i kadrovske kapacitete Javnog komunalnog preduzeća Komunalac Tuzla, kako bi se obezbijedila dugoročna održivost i kvalitetno izvršavanje poslova zimske službe.
6. Prilikom izrade novog operativnog plana zimske službe, obavezno je planirati uspostavu operativnih punktova na strateškim lokacijama, s ciljem povećanja efikasnosti, skraćanja vremena reagovanja i bolje pokrivenosti terena.
7. Gradsko vijeće Tuzla traži od nadležnih službi i institucija da se formiraju područni zimski punktovi Breške, Simin Han, Krojčica, Husino, Mramor sa kojih bi Komunalac ili firme koje bi bile angažovane lakše mogle pristupiti lokalnim putevima i čistiti iste.
8. Gradsko vijeće Tuzla se zahvaljuje svima koji su dali podršku rješavanju problema čišćenja snijega pogotovo menadžmentu Javnog komunalnog preduzeća Saobraćaj i komunikacije Tuzla, čiji su uposlenici danonoćno bili na terenu te čistili parkinge, saobraćajnice i druge površine čime su umnogome doprinijeli normalizaciji stanja u gradu tokom vremenskih nepogoda uzrokovanih obilnim sniježnim padavinama i naglim padom temperature.
9. Gradsko vijeće Tuzla, u interesu građana Tuzle, sugeriše nadležnim organima da se pokuša iznaći adekvatan način da se, putem savjeta mjesnih zajednica ili odbora etažnih vlasnika, obezbijedi dovoljan broj lopata za čišćenje snijega kao i da se obezbijede dovoljne količine soli za posipanje.
10. Gradsko vijeće Tuzla traži od Službe za inspeksijske poslove da dostavi informaciju o tome koliko je izvršeno inspeksijskih nadzora u toku mjeseca januara kada je u pitanju poštivanje zakonom propisanih obaveza čišćenja snijega, te uklanjanje snijega i leda i kakvi su rezultati tog inspeksijskog nadzora.
11. Gradsko vijeće Tuzla sugeriše menadžmentu Javnog komunalnog preduzeća Komunalac Tuzla da se razmotre zakonske, finansijske i faktičke mogućnosti angažovanja, pored pravnih, i fizičkih lica za čišćenje snijega.
12. Gradsko vijeće Tuzla predlaže menadžmentu Javno komunalnog preduzeća Komunalac Tuzla i Javno komunalnog preduzeća Saobraćaj i komunikacije Tuzla da se razmotri mogućnost nabavke malih grtalica odnosno ručnih freza za čišćenje parkinga u cilju rasterćenja uposlenika i bržeg i efikasnijeg čišćenja snijega na parkinzima i drugim javnim površinama.
13. Gradsko vijeće Tuzla sugeriše menadžmentu Javno komunalnog preduzeća Komunalac Tuzla i Javno komunalnog preduzeća Saobraćaj i komunikacije Tuzla da u saradnji sa Službom za komunalne poslove, izgradnju i poslove mjesnih zajednica analiziraju zaključke i druge prijedloge i sugestije vijećnika date tokom rasprave te da zajednički planiraju aktivnosti i mjere koje je potrebno preduzeti u narednom periodu u cilju bržeg i efikasnijeg odgovora na izazove ovakvih i sličnih neprilika te da, nakon detaljne analize stanja, kadrovskih, materijalno tehničkih kapaciteta, ukoliko to bude potrebno, Gradskom vijeću upute prijedlog mjera.
14. Gradsko vijeće Tuzla smatra potrebnim uvođenje komunalne policije.
15. Gradsko vijeće Tuzla nalaže Službi za komunalne poslove, izgradnju i poslove mjesnih zajednica da za jednu od narednih sjednica Gradskog vijeća pripremi izmjenju Odluke o komunalnom redu kojom bi se predvidjela mogućnost da se elementarna nepogoda proglasi ako je visina snježnog pokrivača iznad 40 cm.
16. Gradsko vijeće Tuzla apeluje na građane da ne ostavljaju nepropisno parkirana vozila u gradskim ulicama naročito tokom ovakvih vremenskih nepogoda. Gradsko vijeće takođe apeluje na građane, odbore etažnih vlasnika, savjete mjesnih zajednica da nadležnim organima prijavljuju sva nepropisno parkirana vozila u gradskim ulicama koja ometaju ili sprečavaju prolazak vozila komunalnih preduzeća.

ANA PEJIĆ

Molim vas da se izjasnite o pročitanim zaključcima. Glasanje je okončano. Konstatujem da su pročitani zaključci usvojeni sa, 19 glasova za, nije bilo protiv i nije bilo suzdržanih.

Prelazimo na sljedeću tačku dnevnog reda:

UPUĆIVANJE INICIJATIVE SLUŽBI CIVILNE ZAŠTITE I ŠTABU CIVILNE ZAŠTITE ZA PRAVOVREMENO REAGOVANJE NA MOGUĆNOST IZLIJEVANJA RIJEKA, BUJIČNIH TOKOVA I POKRETANJE KLIZIŠTA A KAO REZULTAT KOLIČINE NAJVALJENIH SNIJEŽNIH PADAVINA

Predlagач je Mirza Malkočević, vijećnik Naroda i pravde. Pa evo zamolit ću Mirzu da da ukratko obrazloži ove inicijative.

MIRZA MALKOČEVIĆ

Hvala predsjedavajuća. Evo pozdrav još jednom. Ovaj, bit ću samo kratak ovdje znači, već smo vidli situaciju kada je nivo rijeka porastao pa sam imao potrebu neko ko stalno vodi računa o sigurnosti na području grada Tuzle da predložim ovakvu inicijativu ili tačku dnevnog reda čisto da upoznamo građane koje su njihove nadležnosti, da uradimo preventivne mjere kako bi ublažili ako je moguće u potpunosti otklonili bilo kakve mogućnosti da se desi neka nezgoda ili nesreća. Hvala.

ANA PEJIĆ

Zahvaljujem se. Evo otvaram raspravu Klubova vijećnika. Vijećnik Mirza Malkočević, izvolite. Izvolite.

MIRZA MALKOČEVIĆ

Hvala još jednom. Pa pokušat ću biti jako kratak koliko je moguće ali prije svega da se zahvalim civilnoj zaštiti i naravno direktoru civilne zaštite. Kad sam predložio ovu tačku razgovarao sam s njima sa gospodinom o mnogim stvarima kako da unaprijedimo i koje zaključke uglavnom da uradimo ali evo mogu reći da je uvidom u DRAS sistem na stranici Grada Tuzle registrirana su sva plavna područja i klizna područja na području grada Tuzle tako da trebamo našim građanima reći da na stranici Grada Tuzle mogu da provjere da li su ako imaju neka plavna područja gdje se oni nalaze a da nisu registrovana da mogu da prijave na jedan dva jedan i gdje bi najlakše prijavili civilnoj zaštiti u slučaju da imamo klizište ili ovaj, poplavu. Isto tako na stranici Grada Tuzle imamo i GIS sistem objekti koji su suviše puta plavljeni evidentirani su u istom sistemu i evo sad ću vam pročitati samo par zaključaka da ne bi duljili jer smo već evo ostali jako kasno (ANA PEJIĆ – Hoćete samo dostaviti zaključke opet Slađani?) Može naravno. (ANA PEJIĆ – U redu.) Pa Slađana je...Evo samo sekunda. Moram pročitati zbog stenograma. Bit ću jako brz. Ovako. Nalaze se stalno uspostavljanje sistema monitoringa i ranog upozoravanja, koji obuhvata praćenje hidroloških i meteoroloških pokazatelja, uvođenje dežurnog režima obilaska kritičnih lokacija u periodima pojačanih padavina, blagovremeno informisanje stanovništva putem zvaničnih kanala komunikacije Grada Tuzla.

Zadužuju se nadležna gradska odjeljenja i javna komunalna preduzeća da, u skladu sa svojim nadležnostima, provedu redovno i pojačano preventivno održavanje, koje uključuje čišćenje i održavanje slivnika, kolektora, otvorenih i zatvorenih odvodnih kanala, čišćenje i sanaciju propusta, rešetki i kritičnih tačaka na putnoj infrastrukturi, uklanjanje otpada i nanosa iz korita vodotoka i bujičnih jaruga. Pod broj pet. U stvari tri. Pardon. Utvrđuju se prioritetni infrastrukturni zahvati u oblasti prevencije, koji obuhvataju regulaciju i uređenje vodotoka i bujica, sanaciju i ojačanje obala na mjestima ponovljenog izlivanja, sanaciju klizišta isključivo na osnovu izrađenih geotehničkih elaborata i projektne dokumentacije, u skladu sa važećim propisima Federacije Bosne i Hercegovine iz oblasti vodoprivrede i prostornog uređenja. Nalaže se pojačan inspekcijski nadzor, naročito u pogledu bespravne gradnje i izvođenja radova u plavnim zonama i zonama klizišta, neadekvatna odvodnja oborinskih i fekalnih voda na padinskim područjima, nelegalnog odlaganja otpada u vodotoke, kanale i slivnike. Zadužuje se Služba civilne zaštite da izradi i realizuje plan opremanja i obuke snaga civilne zaštite za djelovanje u slučaju poplave i klizišta, uključujući nabavku neophodne materijalno-tehničke opreme, obuku pripadnika jedinice povjerenika civilne zaštite, provođenje najmanje jedne planske vježbe godišnje za scenario poplave i jedne za scenario klizišta. Nalaže se uspostavljanje stalne koordinacije i saradnje između Grada Tuzle i Kantonalne uprave civilne zaštite Tuzlanskog kantona, nadležnih vodoprivrednih subjekata, komunalnih preduzeća, Ministarstva unutrašnjih poslova, zdravstvenih ustanova i Crvenog križa u cilju pravovremenog djelovanja i efikasnog odgovora u slučaju povećanog rizika. Zadužuje se Služba civilne zaštite Grada Tuzla da kvartalno izvještava Gradonačelnika i Gradski štab civilne zaštite o realizaciji ovih zaključaka, sa posebnim osvrtom na provedene preventivne mjere i uočene nedostatke. Isto tako moram pohvaliti civilnu zaštitu da su poslali dopis u savjetima mjesnih zajednica da se provjeri kapacitet svih objekata kojim raspolažu mjesne zajednice u slučaju nekih većih nepogoda. Trebamo naglasiti da je i obučeno ove godine obučena je 30 ljudi za specijalizovano mješovitu jedinicu i naravno da tražimo kontinuiranu obuku svih...Da nastave kontinuirano obuku u skladu sa Evropskim smjernicama ovaj, i volio bi ovo samo da posebno da je...Jedan zaključak postupanje inspekcijskih organa na plavnim i kliznim područjima. Nalaže se nadležnim Inspekcijskim organima Grada Tuzle i kantona da, u okviru svojih zakonskih ovlaštenja, kontinuirano prate stanje i preduzimaju mjere zabrane svih oblika bespravne gradnje, kao i izvođenje građevinskih i drugih radova na plavnim područjima, klizištima i kliznim površinama, području sa evidentiranim ili potencijalnim rizikom od poplava i klizanjem tla. Inspekcijski organi su dužni da zabrane izvođenje radova bez važeće dokumentacije, nalože obustavu radova na rizičnim područjima, preduzmu zakonom propisane mjere sankcionisanja, spriječe dalje gradnje koja može ugroziti živote ljudi, imovine i okoliša, s ciljem sprečavanja nastanka neželjenih i štetnih posljedica po sigurnost građana i imovine, te smanjenje rizika od elementarnih nepogoda. Pardon. Moram posebno naglasiti da je grad Tuzla jedini grad u Bosni i Hercegovini koji ima setificirani (nerazgovjetno izgovorena riječ op.a.) tim spašavanja iz ruševina spašavanje iz visina i dubina. Tako da još jedna pohvala civilnoj zaštiti i nadam se da će ova zaključci doći do njih da bi preventivnim djelovanjem u saradnji sa svim službama smanjili maksimalno moguće bilo kakve nesreće ili poplave. Hvala.

ANA PEJIĆ

Zahvaljujem se. Da li se još neko javlja za diskusiju ispred Klubova vijećnika?

Zaključujem diskusiju Klubova vijećnika.

Otvaram diskusiju vijećnika.

Zaključujem diskusiju vijećnika. Samo obzirom Mirza molim vas samo zaključke da dostavite sekretaru. Samo malo da...

Zamoliti ću sekretara da pročita zaključke proistekle iz diskusije.

SLAĐANA KRAJINA – sekretar Gradskog vijeća Tuzla

- Zaključuje se da odabir pravnih lica izvođača radova za zimsko održavanje put...(ANA PEJIĆ - Nalaže se uspostavljanje stalnog sistema monitoringa...) Čekaj. (DEJAN KOVAČEVIĆ – Predsjedavajuća možel poslovnička? Pauza od 5 minuta da se usaglase...)

ANA PEJIĆ

Može, može. Pauza 5 minuta.

(Pauza.)

SLAĐANA KRAJINA – sekretar Gradskog vijeća Tuzla

Jel ima? Enisa imal? (Ima šesnaest.) (MENSUR ALIĆ – Ima. Čitaj ti zaključak. Ima, ima vidio sam ja.)

Prijedlog zaključaka.

1. Nalaže se uspostavljanje stalnog sistema monitoringa i ranog upozoravanja, koji obuhvata:
 - praćenje hidroloških i meteoroloških pokazatelja,
 - uvođenje dežurnog režima obilaska kritičnih lokacija u periodima pojačanih padavina,
 - blagovremeno informisanje stanovništva putem zvaničnih kanala komunikacije Grada Tuzla.
2. Zadužuju se nadležna gradska odjeljenja i javna komunalna preduzeća da, u skladu sa svojim nadležnostima, provedu redovno i pojačano preventivno održavanje, koje uključuje:
 - čišćenje i održavanje slivnika, kolektora, otvorenih i zatvorenih odvodnih kanala,
 - čišćenje i sanaciju propusta, rešetki i kritičnih tačaka na putnoj infrastrukturi,
 - uklanjanje otpada i nanosa iz korita vodotoka i bujičnih jaruga.
3. Utvrđuju se prioritetni infrastrukturni zahvati u oblasti prevencije, koji obuhvataju:
 - regulaciju i uređenje vodotoka i bujica,
 - sanaciju i ojačanje obala na mjestima ponavljano izlivanja,
 - sanaciju klizišta isključivo na osnovu izrađenih geotehničkih elaborata i projektne dokumentacije, u skladu sa važećim propisima Federacije Bosne i Hercegovine iz oblasti vodoprivrede i prostornog uređenja.
4. Nalaže se pojačan inspeksijski nadzor, naročito u pogledu:
 - bespravne gradnje i izvođenja radova u plavnim zonama i zonama klizišta,
 - neadekvatne odvodnje oborinskih i fekalnih voda na padinskim područjima,
 - nelegalnog odlaganja otpada u vodotoke, kanale i slivnike.
5. Zadužuje se Služba civilne zaštite da izradi i realizuje plan opremanja i obuka snaga civilne zaštite za djelovanje u slučaju poplava i klizišta, uključujući:
 - nabavku neophodne materijalno-tehničke opreme,
 - obuku pripadnika jedinica i povjerenika civilne zaštite,
 - provođenje najmanje jedne planske vježbe godišnje za scenario poplava i jedne za scenario klizišta.
6. Nalaže se uspostavljanje stalne koordinacije i saradnje između:
 - Grada Tuzle,
 - Kantonalne uprave civilne zaštite Tuzlanskog kantona,
 - nadležnih vodoprivrednih subjekata,

- komunalnih preduzeća,
- Ministarstva unutrašnjih poslova,
- zdravstvenih ustanova i Crvenog križa,

u cilju pravovremenog djelovanja i efikasnog odgovora u slučaju povećanog rizika.

7. Zadužuje se Služba civilne zaštite Grada Tuzla da kvartalno izvještava Gradonačelnika i Gradski štab civilne zaštite o realizaciji ovih zaključaka, sa posebnim osvrtom na provedene preventivne mjere.

8. Nalaže se nadležnim inspeksijskim organima Grada Tuzla i Kantona da u okviru svojih zakonskih ovlaštenja, kontinuirano prate stanje i preduzimaju mjere zabrane svih oblika bespravne gradnje, kao i izvođenja građevinskih i drugih radova na:

- plavnim područjima,
- klizištima i kliznim površinama,
- područjima sa evidentiranim ili potencijalnim rizikom od poplava i klizanja tla.

9. Inspeksijski organi su dužni da:

- zabrane izvođenje radova bez važeće dokumentacije,
- nalože obustavu radova na rizičnim područjima,
- preduzmu zakonom propisane mjere sankcionisanja,
- spriječe dalju gradnju koja može ugroziti živote ljudi, imovinu i okoliš,

s ciljem sprečavanja nastanka neželjenih i štetnih posljedica po sigurnost građana i imovine, te smanjenja rizika od elementarnih nepogoda.

(DENIS BEĆIROVIĆ - Poslovnička. Sad sam razgovarao i sa Mirzom da li možemo korigovati to nalaže se višim nivojima vlasti traži se nemamo mogućnost da njima naložimo?) Hoćemo pisat sugerišu? Viši organi sugerišu. Jel u redu Mirza? (MIRZA MALKOČEVIĆ – Jeste, jeste. U redu je.)

ANA PEJIĆ

Šta bi? Jeste pročitali zaključke? (SLAĐANA KRAJINA – Jesam.)

Stavljam na izjašnjavanje pročitane zaključke. Glasanje je okončano.

Konstatujem da su pročitani zaključci usvojeni sa,

19 glasova za, nije bilo protiv i nije bilo suzdržanih.

Sljedeća tačka dnevnog reda :

INFORMACIJA ELEKTROPRIVREDE BOSNE I HERCEGOVINE, TERMOELEKTRANE TUZLA I CENTRALNOG GRIJANJA DD TUZLA O STANJU PROIZVODNJE TOPLOTNE ENERGIJE, SIGURNOSTI SNABDIJEVANJA GRADA TUZLA I DUGOROČNOJ STABILNOSTI SISTEMA CENTRALNOG GRIJANJA.

Predlagač je Mirnes Ajanović, vijećnik Bosanske stranke, pa pozivam vijećnika Ajanovića da obrazloži ukratko ovu tačku. Izvolite.

MIRNES AJANOVIĆ

Hvala predsjedavajuća. Ja ću odmah obrazložiti da. Ovo je u stvari zatjev za informaciju. Tuzla je u potpunosti ovisna od termoelektrane po pitanju isporuke toplotne energije. Nema druge mogućnosti u slučaju da dođe do kvara, zastoja ili bilo čega za zagrijavanje grada Tuzla. Imamo otežane uslove grijanja zbog nedostatka uglja, kvarova u termoelektrani, imali smo ekstremne niske temperature, evo već početkom januara, zavisimo

od jednog toplotnog izvora. Imamo pravo i obavezu pitanje postaviti kakva je tehnička, energetska, sigurnostna stabilnost sistema centralnog grijanja koje zavisi od termoelektrane Tuzla? Ako dođe do kvara, u bilo kakvom smislu nemamo rezervnog rješenja. Bile bi posljedice ozbiljne po sve. Zdravlje, funkcionisanje, bolnica, ustanova, vrtića, škola i svega. Ne možemo se grijati niti na električnu energiju, na grijalice kad bi rekli, jer tad opet je termoelektrana ta koja distribuira energiju, ne bi bilo dakle ni to moguće. Građani imaju pravo znati kakvo je stanje u termoelektrani. Kroz medije slušamo da će blok 5 ovakav-onakav dobiti toliko para, da će raditi, opet s druge strane informacije imamo da nemaju dovoljno uglja da koriste mazut za zagrijavanje, odnosno za rad termoelektrane i zato i čadi sve onako kako čadi. Koliko je to stabilno, koliko kratkoročno i koliko dugoročno, kakvi su rizici od prekida, može li se desiti tako nešto, šta bi se i kako se postupilo? Nije ovo nikakva kritika ni napad na elektranu, elektroprivredu, ali hoćemo da znamo, da upravljamo rizikom u pitanju javne sigurnosti, odnosno da znamo da li postoji rizik. Bolje nego da se to desi u vanrednim okolostima. Evo dakle, nesmijemo čekati kvar da bi imali plan, nego plan mora imati prije kvara.

I imam prijedlog zaključaka 5, pa će to pročitati Slađana. Molim? (ANA PEJIĆ – Morate zbog stenograma pročitati vi.)

Gradsko vijeće Tuzla zahtijeva da se na redovnoj sjednici, da se na prvoj narednoj sjednici nakon dobijanja informacija Elektroprivrede BiH, Termoelektrane Tuzla i Centralno grijanje Tuzla, te Federalnog ministarstva energije, rudarstva i industrije o stanju proizvodnje toplotne energije i sigurnosti snabdijevanja grada Tuzle i dugoročnoj stabilnosti sistema centralnog grijanja, razmatraju informacije. Pošto je ovo malo promijenila, moramo promijeniti. Razmatraju te informacije.

Dva, informacije treba da sadrže jasno i precizno aktuelno stanje proizvodnje toplotne energije u Termoelektrani Tuzla. Procjenu sigurnosti snabdijevanja grada Tuzle, ocjenu kratkoročne i dugoročne stabilnosti sistema centralnog grijanja.

Gradsko vijeće Tuzla zahtijeva da se u informacijama posebno navede da li postoje realni rizici od prekida grijanja u zimskom periodu, koje su kritične tačke sistema, koji su scenariji postupanja u slučaju kvara ili prekida proizvodnje i distribucije toplotne energije.

Gradsko vijeće Tuzla zadužuje Centralno grijanje dd Tuzla da u saradnji sa Gradskom upravom Tuzla izradi kratkoročni plan postupanja u vanrednim situacijama te započne izradu dugoročne strategije alternativnih izvora grijanja za grad Tuzlu s ciljem smanjenja zavisnosti od jednog izvora toplotne energije može se dodati.

I zadnji Gradsko vijeće Tuzla naglašava da se ne smije dozvoliti prekid grijanja grada Tuzle te da je obezbjeđenje toplotne energije pitanje javne sigurnosti, zdravlja građana i osnovnih životnih uslova. Toliko. Hvala.

ANA PEJIĆ

Zahvaljujem se.

Otvaram diskusiju klubova vijećnika. Vijećnik Senad Mehmedinović, izvolite.

SENAD MEHMEDINOVIĆ

Hvala ljepo. Pa ja sam na Kolegiju rekao da sam mislio da predložim isto tačku dnevnog reda koja se odnosi na razmatranje problema pojave prljavih čestica i prašine na balkonima i vanjskim površinama stambenih objekata u naseljima Šićki Brod, Šići Mihatovići, Plane, Bukinje i Husino. I obzirom da sam zakasnio, dogovorili smo se da u sklopu ove tačke dnevnog reda bude, dakle neću onaj, puno oduzimati vremena zato što evo već je i kasno, ali želim samo da kažem da je popriličan broj građana koji žive u tom dijelu dole, mjesnih

zajednica se javio meni i našem Klubu koji su slali slike vezano sa prašinom ili tim tzv. PM česticama koje se nakupljaju na balkonima kuća. Vi znate svi da smo mi zaustavili onaj eksperiment, bar mislimo da smo zaustavili onaj eksperiment onaj, koji se tiče spaljivanja otpada u termoelektrani, međutim mislim da mi imamo stvarno ozbiljan problem sa nakupljanjem ovih čestica po balkonima, a kažu koliko se prašina vidi na balkonima to u stvari znači da mi nju i udišemo i ovo je sigurno, sigurno ozbiljan javno zdravstveni problem primarno kod građana koji žive u ovim mjesnim zajednicama oko termoelektrane, ali sam siguran da i cijeli grad Tuzla može da ima problem zbog ovih čestica.

Zato pripremio sam pet zaključaka koje ću vam Slađana proslijediti, a ja ću sad samo zbog stenograma da pročitam.

Gradsko vijeće zahtijeva od nadležnih inspekcijskih organa da hitno izađu na teren u naseljima Šićki, Brod, Šići, Mihatovići, Plane, Bukinje i Husino radi utvrđivanja porijekla prljavih i tamnih čestica koji se talože na balkonima i vanjskim površinama stambenih objekata.

Zadužuju se, ako možemo tako reći, evo možemo i prilagoditi nadležne inspekcije da izvrše uzrokovanje taložnih materija i mjerenje relevantnih zagađujućih parametara s posebnim osvrtom, s posebnim osvrtom na emisije koje mogu poticati iz rada Termoelektrane Tuzla.

Gradsko vijeće zahtijeva da se rezultati inspekcijskog nadzora, mjerenja i analiza javno objave te dostave Gradskom vijeću u pisanom obliku.

U slučaju utvrđivanja nepravilnosti ili prekoračenja dozvoljenih vrednosti Gradsko vijeće Tuzla zahtijeva da se bez odlaganja preduzmu zakonom propisane mjere uključujući naloge za otklanjanje uzroka zagađenja i sankcije prema odgovornim subjektima.

Gradsko vijeće Tuzla zahtijeva od Termoelektrane Tuzla i nadležnih institucija da Gradskom vijeću dostave pisanu informaciju o stanju sistema za filtriranje i prečišćavanje dimnih gasova uključujući podatke o tome da li su u posljednjem periodu ugrađivani ili mijenjani filteri, kada su stavljeni u funkciju, da li su u potpunosti operativni te da li je izvršen nadzor njihove efikasnosti uz dostavljanje relevantne tehničke i inspekcijske dokumentacije.

Ja ću vam Slađana ovo proslijediti, ali imam obavezu da vam prenesem kao vijećnicima, kao neko koji je dole razgovarao sa ljudima, da isto mještani ne mogu da trpe ovo stanje u kojem žive. Vidli su situaciju u Simin Hanu i znate svi dobro kako smo se podigli i kako su se gore ljudi organizovali. Ovo je, mogu slobodno da kažem, da je početak najave možda da čak mještani iz ovih mjesnih zajednica se u narednom periodu organizuju i da izađu na proteste vezano za situaciju u kojoj se nalazi i ubijeđen sam evo da će i kolega Denis imati što da kaže obzirom da dolazi iz tog dijela grada. Hvala ljepo.

ANA PEJIĆ

Zahvaljujem se. Diskusija vijećnik Denis Bećirović, izvolite. Senade jeste isključili mikrofon samo? Izvolite Denise.

DENIS BEĆIROVIĆ

Hvala predsjedavajuća. Evo ja bih samo dopunio ove zaključke dakle, da Federalna uprava za inspekcijske poslove izvrši inspekcijski nadzor i na postrojenjima u Lukavcu.

Dakle, ne dolazi nama onečišćenje samo od Termoelektrane Tuzla, dakle dolazi i od preduzeća u Lukavcu. Obzirom da smo svi pod istim krovom, dobro bi bilo da pregledaju sve.

ANA PEJIĆ

U redu. Da li se javlja još neko za diskusiju ispred Klubova vijećnika?

Zaključujem diskusiju Klubova vijećnika.

Otvaram diskusiju vijećnika.

Zaključujem diskusiju vijećnik.

I zamolit ću sekretara da pročita zaključke proistekle iz diskusija. Slađana, je li vam treba vremena da pripremite? Senad Mehmedinović. Zamolit ću samo vijećnika Senada...Može, može i tako.

Hoćemo glasat u paketu o zaključcima? (Može.) U redu. Izvolite, Slađana.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od Elektroprivrede Bosne i Hercegovine, Termoelektrane Tuzla i Centralnog grijanja Tuzla, Federalnog ministarstva energije, rudarstva i industrije da dostave informaciju o stanju proizvodnje toplotne energije, sigurnosti snabdijevanja grada Tuzle i dugoročnoj stabilnosti sistema centralnog grijanja u Tuzli. Po dobijanju traženih informacija, iste će se razmatrati na prvoj narednoj sjednici Gradskog vijeća. Informacija treba da sadrži jasno i precizno:

- aktuelno stanje proizvodnje toplotne energije u Termoelektrani Tuzla,
- procjenu sigurnosti snabdijevanja grada Tuzle,
- ocjenu kratkoročne i dugoročne stabilnosti sistema centralnog grijanja.
- Gradsko vijeće Tuzla zahtjeva da se u informaciji posebno navede:
 - da li postoje realni rizici od prekida grijanja u zimskom periodu,
 - koje su kritične tačke sistema,
 - koji su scenariji postupanja u slučaju kvara ili prekida proizvodnje i distribucije toplotne energije.

- Gradsko vijeće Tuzla zadužuje Centralno grijanje d.d. Tuzla da, u saradnji sa Gradskom upravom Tuzla:

- izradi kratkoročni plan postupanja u vanrednim situacijama i
- započne izradu dugoročne strategije alternativnih izvora, pronalaženja, pronalaženja alternativnih izvora grijanja za grad Tuzlu, s ciljem smanjenja zavisnosti od jednog izvora.

-Gradsko vijeće Tuzla naglašava da se ne smije dozvoliti prekid grijanja grada Tuzle, te da je obezbjeđenje toplotne energije pitanje javne sigurnosti, zdravlja građana i osnovnih životnih uslova.

- Gradsko vijeće Tuzla zahtjeva od nadležnih inspeksijskih organa da hitno izađu na teren u naseljima Šićki Brod, Šići, Mihatovići, Plane, Bukinje i Husino, radi utvrđivanja porijekla prljavih i tamnih čestica koje se talože na balkonima i vanjskim površinama stambenih objekata.

- Traži se od nadležnih inspekcija da izvrše uzrokovanje taložnih materija i mjerenje relevantnih zagađujućih parametara, s posebnim osvrtom na emisije koje mogu poticati iz rada Termoelektrane Tuzla.

- Gradsko vijeće Tuzla traži da se rezultati inspeksijskog nadzora, mjerenja i analiza javno objave te dostave Gradskom vijeću u pisanom obliku.

- U slučaju utvrđivanja nepravilnosti ili prekoračenja dozvoljenih vrijednosti, Gradsko vijeće Tuzla zahtjeva da se bez odlaganja preduzmu zakonom propisane mjere, uključujući naloge za otklanjanje uzroka zagađenja i sankcije prema odgovornim subjektima.

- Gradsko vijeće Tuzla obavezuje nadležne gradske službe da prate realizaciju ovih zaključaka i da o poduzetim aktivnostima izvjeste Gradsko vijeće u roku od 15 dana.

- Gradsko vijeće Tuzla traži od Termoelektrane Tuzla i nadležnih institucija da Gradskom vijeću dostave pisanu informaciju o stanju sistema za filtriranje i prečišćavanje dimnih gasova, uključujući podatke o tome da li su u posljednjem periodu ugrađivani ili

mijenjani filteri, kada su stavljani u funkciju, da li su u potpunosti operativni, te da li je izvršen nadzor njihove efikasnosti, uz dostavljanje relevantne tehničke i inspeksijske dokumentacije.

- Gradsko vijeće Tuzla traži od Federalne uprave za inspeksijske poslove da izvrši inspeksijski nadzor i na postrojenjima u Lukavcu.

ANA PEJIĆ

Molim vas da se izjasnite o pročitanim zaključcima. Glasanje je okončano.

Konstatujem da su pročitani zaključci usvojeni sa,
20 glasova za, nije bilo protiv i nije bilo suzdržanih.

Prelazimo na sljedeću tačku dnevnog reda.

RAZMATRANJE IZVJEŠTAJA KOMISIJE ZA IZBOR IMENOVANJE

Konstatujem da nije bilo prijedloga za ovu tačku dnevnog reda.

TEKUĆA PITANJA

Konstatujem da nije bilo prijedloga koji bi se razmatrali u okviru ove tačke dnevnog reda, te konstatujem da je dnevni red iscrpljen.

Zahvaljujem se vijećnicima, predlagačima i obrađivačima materijala, Stručnoj službi Gradskog vijeća i zaključujem 15. redovnu sjednicu Gradskog vijeća Tuzla.

(S obzirom da je dnevni red iscrpljen i 15. redovna sjednica Gradskog vijeća Tuzla zaključena ista je završena u 19:10 sati.)

STENOGRAM SAČINILI:

Selma Suljkanović

Jasminka Delalić

P R E D S J E D A V A J U Ć I

Ana Pejić, BA prava